

لكل قمر حكاية

رواية

علياء عصام دويدار

لكل قمر حكاية

بقلم / علياء عصام دويدار

إهداء

إلى أغاني فيروز صباحا

إلى فنجان القهوة الساخن شتاءً....

إلى شواطئ الإسكندرية الساحرة....

وأخيرًا إلى كل نعمة موسيقية قادرة على أن
تنسينا أوجاعنا.

عندما تقابل شخصا ما لا تبحث فيه عن الحب
بل ابحث عن الجزء اليبس بداخله و ارويهِ فاذا
رحلت تكون قد تركت أثرا طيبا بداخله
أثرا لا تمحيه السنين ولن تطمئه الأيام.

«القمر الأول»

يوم جديد على شواطئ الإسكندرية البحر هاديء السماء صافية, جو لا
يتناسب أبداً مع منتصف فصل الشتاء
,و علي سرير المشفى يجلس بوجهه الشاحب وجسده الضئيل محاولة جديدة
تنضم إلى لائحة محاولاته الفاشلة للإنتحار.
:تاني يا خالد حرام عليك نفسك لا رد دي المحاولة الرابعة ليك
في شهر واحد .
قالها أكرم صديقه بنفاد صبره.
لقد مل من محاولات صديقه المتكررة للإنتحار ومل هو من إنقاذه في كل
مرة باللحظات الأخيرة
:بس ايه رأيك مش بدمتك بنوع في كل مرة.
قالها خالد مرارة لا تخلو من السخرية .
:لا يا شيخ بدمتك ليك نفس تهزر ده أنت جاي المرة دي عامل كارثة أنا
لحقتك على آخر لحظة يا خالد أنت فاهم يعني ايه.....
:وليه تلحقتني كنت سيب الحبل يلف حولين رقبتني وأخلص عايز أروحها
بقي..... وحشتني يا أكرم.
:وأنت فاكِر إنك بكده كنت هتشفوفا كفاية بقي يا خالد ادعها بالرحمة
بدل اللي بتعمله ده.
:تعرف يا أكرم من ساعة ما ماتت وهي مجتش ليا في الحلم ولا مرة أكيد
مش قادرة تسامحني.

:تسامحك على ايه بس !

قالها أكرم بنفاز صبر.

ليشتعل وجه خالد غاضبا عندما تذكر ذلك اليوم المشؤوم.

: شكلك نسيت يا أكرم تحب أفكرك مين اللي منعني وقتها أدخل أوضة العمليات؟

:أنت مكنتش شايف نفسك يومها كنت عامل ازاي يا دكتور.

:كنت هقدر أنقذها....

:أنت بتضحك على مين ده قدرها عمرها اللي ربنا كاتبه ليها انتهى في اليوم ده ... فوق يا خالد أنت بتضيع عمرك كله في أوهام .

:اطلع برا يا أكرم.

:يا خالد أنا.....

:اطلع برا.

دار خالد وجهه إلى الجهة الأخرى إشارة منه أن الحوار قد انتهى....

خشى أكرم أن يحاول خالد الإنتحار مرة أخرى....

لذا طلب من إحدى الممرضات أن تمر عليه كل فتره لتطمئن على حالته.

بكندا وتحديدا بمدينة (أونتاريو) تقف ريما بغرفتها تضع آخر أغراضها داخل حقيبة السفر الضخمة دخلت عليها والدتها بحزن

:خلاص خلصتي؟

:أيوا خلاص الطيارة فاضل عليها ساعتين.

:خلي بالك من نفسك يا ريما طمئني عليكي كل ساعة ... لا خليها كل دقيقة.

:ابتسمت ريما بحب.....

:حاضر يا ماما متخافيش وبعدين هي دي أول مرة أنزل مصر!

:الأول كنتي بتنزلي فسحة كده وترجعي لكن المرة دي ناوية تستقري
اشمعنا المرة دي بس....

:يعني أنا هنا بعمل ايه على الأقل هناك هفتح مرسم بابا واشتغل في الحاجة
اللي بحبها.

:خلي بالك على نفسك يا ريما....

:متقلقيش عليا وبعدين فين الواد عابد هو مش ناوي يوصلني ولا ايه؟!
أتاها صوت شقيقها من الخلف.

:نحن هنا مين جايب في سيرتي!

:يلا يا بيه الطيارة هتفوتني.

:همت لترحل ليوقفها صوت والدتها.

:استني يا ريما ...خدي دي...

:مدت والدتها يدها بكوفية صوف زرقاء من صنع يدها,التقطتها ريما بسعادة
وانقضت عليها بوابل من الأحضان والقبلات.

:حبيبتني يا ماما تسلم إيدك.

:متنسيش تكلميني لما توصلي.

:حاضر.

:والبسي ثقيل الجو دلوقتي في إسكندرية برد وكلميني كل يوم وكلي كويس
ومتخرجيش بليل لوحدك ومتتكلميش مع حد.

: وأغسل أسناني وأشرب اللبن قبل ما أنامسلام.

:قالتها ريما وهي تجر أخيها خلفها؛ ليهربان سريعا من تلك الخطبة الطويلة
من النصائح التي لن تنتهي.

:يعني ايه مش موجود أنا قولت عينك عليه طول الوقت.

والله يا دكتور أكرم أنا سببت الأوضة ثانيتين بس أمر على مريض ثاني
رجعت لاقبته اختفى!

وضع أكرم يده على شعره محاولة منه لتهدئة نفسه وهو يهتف بغضب
: اختفي من وشي دلوقتي.

ركضت تلك المسكينة من أمامه سريعا قبل أن يصب غضبه كله بوجهها.

:أخيرا هنرتاح منك.

: يا ابني ده أنت هتفقد روح البهجة في حياتك لما أسافر.

:البهجة آااااه هههههه خلي بالك من نفسك وكلمينا على طول.
: وأنت متنساش تسلملي على تولين.

أوما برأسه بإيجاب مع ابتسامة صغيرة يداري بها خيبة أمله ثم تابع....
: يلا بسرعة الطيارة هتفوتك.

اتجهت سريعا إلى الداخل ثم وقفت و التفتت إليه لتلوح له بيدها ثم ارسلت
له قبلة سريعة في الهواء ليرسل لها هو الآخر..

ابتسم على تصرفاتها الطفولية رغم سنها الذي تجاوز ٢٥ عاما, وهو الذي
يصغرها بعامين فقط لكن قامتها القصيرة وشعرها البني الطويل مع عينيها
الزرقاء الواسعة, يعطيها سن الفتاة المراهقة ذات ١٩ عام.

ظل يتابع أثرها وهي ترحل عنه حتى غابت عن عينيه ثم غادر المطار
باطمئنان.

بمنزله البائس الحزين الخالي من الحياة يقف أمام صورتها بحزن لم يكف
عن البكاء منذ أن عاد إلي منزله بعد أن خرج من المشفى دون علم أحد
ماذا كان يعتقد أكرم؟؟

حتى إذا وضع له مئة حارس على الباب لن يمنعه أحد من الخروج.

جلس على أقرب كرسي بجانبه وبيده صورتها التي بزوايتها شريطة سوداء جميلة كما كانت دائما بشعرها الأسود الطويل كالحرير وعيونها البنية الواسعة كعيون الريم مع رموشها الطويلة وقامتها القصيرة التي كانت دائما سببا في إغاضتها منه عندما يخبرها أنها كالأقزام ويخشى أن يدعسها أحد وهو لا يراها.

:آسف والله آسف كان غصب عني كل اللي حصل كان غصب عني حاولت أدخلك ساعتها, بس كلهم منعوني حاولت أنفذك محدش اداني فرصة قالوا إني كنت في حالة عصبية, لو كنت دخلت مكنتش هقدر أعمل حاجة.

صمت لثواني وهو يضحك بسخرية ثم وقف ينظر إلى اللاشيء ليرد

: ميعرفوش إن دي كانت أكثر لحظة هقدر إني أتصرف فيها؛ لأن اللي قدامي كانت حياتي اللي مش هسمح ليها تروح مني, كنت مستعد أعمل أي حاجة عشان تعيشي مكنش هممني الطفل ولا إنه يروح, كل اللي كان يهمني هو أنتي وبس يا (ندى) تعرفي بعد ما سبتيني مقدرتش أعيش في شقتنا مقدرتش أستحمل أني أصحى كل يوم وأنتي مش جنبني, كنت فاكر إني لما أسبها وأسكن في واحدة تانية هنسى بس أنا عمري ما نسيت أنا آسف آسف آسف.

ظل على هذه الحالة ينظر إلى صورتها ويعتذر حتى راح في نوم عميق على الأريكة وصورتها بيده ودموعه على وجنتيه.

كعادتها دائما تضع سماعاتها وتستمع إلى جارة القمر (فيروز), وتذكرت كوفية والدتها الزرقاء التقطتها لتضعها حول رقبتها كي يغمرها؛ بعض الدفء والأمان ولكنها اكتشفت أن الكوفية قصيرة للغاية...

أتحدث نفسها بضيق «هو أنا يعني عشان قصيرة شويتين يا ماما تقومي عامله الكوفية كمان قصيرة»

يبدو أن والدتها قامت بعملها سريعا قبل أن تسافر فلم تستغرق الوقت المناسب للإنتهاء منها على الرغم من ذلك فقد وضعتها حول رقبتها و

أراحت رأسها على الكرسي وغمضت عينيها وهي تسرح في أحلامها مع صوت جارة القمر.

:وحشتني يا جميل.

قالها ذلك المدعو فتحي

الفتى المدمن الذي يخشاه الجميع بوجهه المشوه, بتلك الندوب التي تدل على أن حياته مليئة بالمشاجرات والعنف.

:أنت هتستعبط يا فتحي أنت مش قولت هتيجي تطلبني من أمي ولا أنت بتلعب بيا؟!!

:يادي الفصلان يا بت يا كريمة أنا مش قولتلك لما أخلص المصلحة اللي في أيدي ولا هو نكد وخلص...

:نفس الكلمتين بتوع كل مرة هو يا أخويا المصلحة دي مبتخلصش !

:كريمة أنا ضارب حته عالية أوي مش عايزها تروح لو عندك كلمة عدلة قولها مش عندك يبقى امشي.

:كده يا فتحي ماشي بس يكون في علمك أنت مش هتشوف وشي تاني.

:يبقى أحسن...

قالها بلا مبالاة لترحل هي من تلك الغرفة الوحيدة والصغيرة فوق سطح ذلك البيت القديم وهي تلتفت حولها تخشى أن يراها أحد.

يطرق الباب بعنف حتى كاد ينكسر.

بالفعل كان على وشك كسره على رأس صديقه الأحمق هذا.

يخشى أن يكون قد كرر محاولة الإنتحار مرة أخرى حقا لقد طمح الكيل لينفتح الباب فجأة!

ويظهر خالد من خلفه وهو يقف ببرود...

لينفعل أكرم عليه فيسدد له لكمة قوية وهو يصرخ به.

: والله أنا لو قتلتك محدش هيقولي عملت كده ليه !

ليقبله خالد ببرود وهو يتحسس مكان تلك اللكمة بجانب فمه.

: ولا أنا كمان هقولك بتعمل كده ليه يلا أنا قدامك أهو....

امتص أكرم كل الغضب داخله بصعوبة ليرد بهدوء

: خالد قوم البس وتعالى نخرج.

:سيبني في حالي يا أكرم أنا كويس...

: مش هخرج من هنا غير وأنت في أيدي (عم حليم) ببسأل عليك بقالو مدة

يا أخي..... بذمتك موحشكش؟

:سيبني في حالي يا أكرم الله يخليك.

قالها خالد بحزن وهو يقف ويتجه لغرفته ليلحق به أكرم سريعا....

:ولاااااا..... أنا خلقي ضيق وأنت عارفني كويس يلا قدامي بدل ما تاخذ

بوكس تاني يجيب أجلك ونخلص منك وأحقتك أمنيتك امشي قدامي..

قالها أكرم بحزم وهو يجر خالد معه للخارج عنوة.

على الرغم من محاولات خالد للإعتراض لكن أكرم لم يغيره أي اهتمام...

تجلس كحورية البحر علي سرير المشفى بحزن لكن للأسف حورية تعيش
بعالمها المظلم.

شعرها الذهبي الطويل مفرد جانبها على الوسادة كالأميرات, عيناها
العسليتان المطفيتان تملأهما الدموع

حورية حقا اسم على مسمى.

:حضرتك عايزه حاجة؟

قالتها إحدى الممرضات التي أتت بعد سماع صوت الجرس.

:هو دكتور أكرم لسه مجاش؟

: لا لسه زمانه جاي عايزه حاجة أنا أعملهاك؟

:لا شكرا.

رحلت الممرضة سريعا كما جاءت و على وجهها ابتسامة خبيثة لتقابلها
ممرضة أخرى لتبدأ معها جلسة النوم المعتادة....

:مبطلتش سؤال عليه..

: ومن الحب ما قتل...

: وهو دكتور أكرم القمر الطول بعرض و عيون عسلي ده هيبص لواحد
عامية!

: عامية بس قمر شعر أصفر و عيون عسلي.

: عيونها شكل و خلاص هيعمل بيها ايه وهي مطفية.

: الإنسان مش بشكله ولا عينه يا هدى الإنسان يتحب لما قلبه يكون طيب
ونضيف....

: و ايه كمان يا حنينة؟

: صدقيني..... ده ربنا قال "فإنه لا تعمى الأبصار ولكن تعمى القلوب التي
في الصدور"

:طب اسكتي بقا المدير جاي علينا.

: كنتي فين يا أخرة صبري؟

: فيه ايه يا أما على الصبح

: ردي عليا يا بت كنتي فين

: كنت عند البت ورد بجيب البضاعة الجديدة

: فكراني هبلة يا بت كنتي عنده صح؟

:هو مين ده!

: الشامم اللي واكل عقلك

:فتحي مش شمام يا أما

قالتها كريمة بغضب لتصرخ أمها بوجهها....

:يعني كنتي عنده؟!!

لم تعير والدتها أي اهتمام لتدير لها وجهها وترحل...

: استنتي هنااسمعي يا بت أنا مش هسيب حتة واد مدمن زي ده يلعب بيكي من بكرة هتنزلي معايا الشغل

: شغل شغل ايه؟

:ست ريما رجعت مصر

:احنا مش كنا خلصنا من خدمة البيوت عايزه ترجعلها تاني ليه؟

:ست ريما مش زي العالم الثانية دول ده غير إن أبوها الله يرحمه كان راجل يتحط على الجرح يطيب.

:اللي تشوفيه يا أما أنا داخله أريح شوية.

:رحلت من أمامها لتتنهد أمها بحسرة على حال أبنيتها....

مر الوقت وزار الليل شواطيء الإسكندرية وعلى تلك المقهى ذو الرونق الخاص التي تجمع بين الذوقين اليوناني والأوروبي مقاعد تشبه ترام الرمل تجمع جميع حوائطها لوحات لرسامين عالميين حتى ولو كانت غير أصلية.

يجلس جميع من بالمقهى يتابع المنافسة الجديدة في لعبة الشطرنج بين (عم حلیم)الرجل البشوش الذي تخطى حاجز الستين ومثل أي رجل بذلك العمر أفنى عمره كله لعمله وبيته ظل يعمل حتى زوج جميع أبناءه وظل بمفرده هو وزوجته العجوز حتى أحيل على المعاش ليصبح ذلك المقهى هو تسليته الوحيدة.

كانت المباراة تشتد بينه وبين خالد الطبيب الجراح المحترف بلعبة الشطرنج.

:ايه يا واد يا خالد شكلك نسيت اللعب ولا ايه

لم يسمح خالد لأي أحد أن يذكره بلقب غير دكتور ولكن لعم حليم مكانة خاصة بلقب جميع سكان مدينة الإسكندرية بأكملها.

معلش يا عم حليم بقى بقالي فترة ملعبتش...

: دي حجة البليد يا ولاالعيب شالك كبرت وعجرت

استمر اللعب لمدة ربع ساعة انتهت بفوز عم حليم ليهل الجميع لكن وحده عم حليم يعلم أنه عندما يفوز من خالد إذن فهناك أمر خطير به انصرف الجميع وبقي أكرم وخالد وعم حليم تنهد خالد تنهيدة طويلة أخرج معها كل ألمه.

نظر كلا من عم حليم وأكرم إلى بعضهما البعض بحزن ساد الصمت بهما لحظات حتى قطعه عم حليم

:تعرف يا خالد "زمان كان فيه شاب صغير حليوه كده زيك, كان نفسه ومنى عينه يتطوع في الجيش وليل نهار يدعي ربنا أنه يكتب له الخير, لحد ما في يوم كان فاضله ٣ أيام على أنه يروح يقدم,يقوم يحصل ايه بقى يجي صاحبنا ده يسلك في خناقة بين اتنين يتقطع فيها صباحه طبعاً كده مش هيعرف يمسك المسدس ويترفض فضل طول اليوم يصرخ وليه يارب ده أنا دعيت ليه يحصل كده! لحد ما جت بعدها بفترة مصر تدخل حرب ويموت الآلاف من العساكر والظباط, وأصحابه كلهم اللي اتقبلوا اللي مات واللي اختفى وهكذا صحيح أن الشهادة عند ربنا أحسن بكثير لكن إلي قصدي ا قوله هو اللي كان زعلان على حنة صباح ربنا فدا بيه حياته كلها" باختصار يا ابني متزعلش علي اللي راح يمكن ربنا كاتبلك الخير في اللي جاي ادعلها بالرحمة يا ابني واقراً لها الفاتحة أحسن بكثير من قعدتك في البيت وأنت قافل على نفسك وسايب عمرك يضيع منك اللي بتعمله ده مش هيرجعها...

أغشت الدموع عين خالد ليتحدث بمرار

:تعرف إني ولا مرة روحت زورتها!

: وليه كل ده

: يمكن خايف أو مش قادر...

لو مش قادر ده طبيعي بس ليه خايف؟!!

: خايف من الإحساس اللي هحسه لما أشوفها تحت التراب, أنا بموت في اليوم مية مرة وأنا حاسس إني السبب في موتها...

: لا يا خالد لا أنت السبب ولا احنا السبب ده أجلها قدرها اللي مكتوب إنها تموت في الوقت ده وهي حامل ليه تحمل نفسك وتحملنا ذنب ملناش علاقة بيه..

صرخ به أكرم...

شعر عم حليم بأن الحوار ربما يشتد فحاول تلطيف الأجواء

:أنت بتعلي صوتك وأنا موجود يا واد يا أكرم طب تعالى بقى لاعتبني دور ووريني شطارتك يا حلو...

استمروا بالحديث واللعب حتى اقترب آذان الفجر ليرحل الجميع,

ليصر أكرم على توصيل خالد حتى باب المنزل ليطمئن عليه.

بعد عدة ساعات قضتها بالطائرة وأخرى قضتها بالطريق من المطار إلى الإسكندرية وصلت أخيرا أمام العمارة.

هبطت من السيارة الأجرة ساعدها السائق في نزول الحقائب ورحل,وقفت أمام العمارة تتأملها لثواني تتذكر والدها وطفولتها نصف عمرها بالكامل قضته هنا على شواطئ الإسكندرية, تحسست تلك القلادة المعلقة حول عنقها منذ صغرها على الرغم من أنها أصبحت صغيرة عليها إلا أنها لم تخلعها أبدا؛ فهي الذكرى الوحيدة لها من والدها تحسست حجر الفيروز الأزرق المعلق بها كلون عينيها تستمد منه الأمان أو بالأصح من والدها.

حملت الحقائب وصعدت إلى الدور الثالث ما أن وقفت أما باب منزلها, حتى شعرت بدوار خفيف استندت على الحائط لدقائق لم تنتبه بهم, وأن كوفية والدتها قد سقطت من على رقبتها استعادت توازنها أخيرا وجمعت حقائبها واتجهت للداخل.

تأملت المنزل بحنين لاحظت نظافته الشديدة على الرغم من أن الشقة مغلقة من زمن,

شمس يوم جديد على شواطئ الإسكندرية البرد قارس اليوم السماء تشير
إلى أنها على وشك أن تمطر,
استيقظت أخيراً من نومها العميق شعرت ببرودة شديدة جاءت لتفتح النافذة
تود أن ترى منظر البحر الآن,
يا ألهي يبدو أنها ستمطر,
حسنا لنؤجل فتح المرسم للغد,
تذكرت والدتها لتفتح هاتفها وتتحدث معها عبر موقع التواصل الإجتماعي
فيس بوك..

ماما وحشتيني جدا

ريما حبيبتي أنتي كويسة طمئيني عليكي؟

أنا بخير متقلقيش ولسه صاحية كمان,

حبيبتي أوعي تنسي تلبسي ثقيل الجو عندك برد في اسكندرية,

حاضر متقلقيش..... هو عابد فين ؟

: شكله لسه نايم,

: سلميلي عليه كتير وقوليله إني هتصل تاني,

حاضر يا حبيبتيهتفتحي المرسم النهاردة؟

:الجو هنا شكله هياطر هأجله لبكرا,

:ربنا معاكي يا حبيبتي,

:يارب يا ماما يلا بقى سلاالم,

:سلام.

أغلقت معها الخط واتجهت لتستمع إلى جارة القمر مرة أخرى, ولكن تلك
المرّة قامت برفع الصوت إلى أقصى درجة ليملأ صوت فيروز العذب

الشقة بأكملها, ثم اتجهت لعمل فنجان القهوة المانو المفضل لديها عند الصباح.

صباح ومسا
شي ما بينتسى
تركت الحب
أخذت الأسى

«القمر الثاني»

يسير داخل المشفى بثقته المعتادة لتناديه الممرضة بخبث..

دكتور أكرم ... دكتور أكرم

: أيوا!؟!

:المريضة اللي في غرفة رقم ١١٣ سألت عليك كثير أوي امبارح

: حورية مالها تعبانة؟؟

:مش عارفة شكلها كده

تركها وركض سريعا نحو غرفتها

ابتسمت الممرضة بخبت وهي تعود لعملها

اتجه للداخل ليجدها نائمة في هدوء

يا إلهي كم هي جميلة حتى في نومها

لالا ليست جميلة بل ساحرة كنسمة صيف مرت على قلبه لتعصف به...

حورية حورية البحر كما أطلق عليها هو

عيناها مهلكتان رغم ظلامهما

شعرها كسلاسل الذهب التف حولي ليجذبني نحوها كالمجذوب

روحها بريئة لم يلوثها غدر الأيام

ظل يتطلع لها بحب ليقترب منها ويزيح خصلات شعرها من على عينيها

ظل ينظر لها بحب

أكرم طبيب العيون المعروف بشخصيته الحادة القوية, أنت تلك الحورية

لتقلب حياتي رأسا على عقب

ليحدث نفسه بخفوت...

«على قد ما أنا حاسس أنك قريبة مني لكن للأسف أنتي بعيدة أوي.... أوي

يا حورية»

شعرت بذلك الهمس عند أذنها لتفتح عينيها ببطء..

أول شيء أدركته هو رائحته بالطبع تعرفها عن ظهر قلب لتبتسم بهدوء...

ليرجع هو بظهره للوراء

:دكتور أكرم

: بحسك بتقفشيني زي الحرامية

ضحكت بسعادة لعلمها بوجوده الآن وبالقرب منها فوجوده بالنسبة لها
يشعرها بالأمان الذي افتقدته مؤخرا ليردف هو

:أنا هغير نوع البرفان

:برضه هعرفك

قالتها بثقة ليتعجب هو

: ازاي بقى!

:مش بيقولوا القلب بيشفو قبل العين

:طب ويا ترى قلبك قالك ايه عليا

:بيقولك بلاش اعمل العملية دي

:تاني؟!!

: أرجوك ... أنا خلاص اتعودت ازاي أعيش من غيرهم

:أنتي مش بتتقي فيا؟

:أكيد

: يبقى تسمعي الكلام

:أيوا يا حبيبتى اسمعي كلامه

جاءهم ذاك الصوت من خلفهم ليلتفت الاثنان لمصدره

ليتفاجأ الاثنان بوجود سامح الذي توترت حورية عند سماع صوته

ليردف هو...

:اسمعي كلامه يا حبيبتى الدكتور عايز مصلحتك

:طب استأذن أنا عن إذلكم

قالها أكرم بضيق ثم خرج سريعا وعينه لم ترحل من عليها

خرج وهو يشعر أن روحه مازالت بغرفتها....

اللجنة على ذلك الأحق الذي يوقظني من أجمل نومة أنامها من فترة طويلة
أخيرا زارتنى بمنامى

ولأول مره كانت جميلة وساحرة كعادتها

كنت أظن أنها جاءت لتعاتبني لكن لايبدو أنها جاءت لتخبرني أنها
بخير

استيقظ في ضيق ليرى من ذلك الأحق الذي يرفع صوت الأغاني هكذا
نظر بساعته ليجدها السابعة صباحا

تتبع صوت الأغاني ليجد أنها قادمة من نافذة المطبخ

لم يكن يعلم أن أحدهم يسكن تلك الشقة كان يظن أنها فارغة

يبدو أنه ساكن جديد وسوف يبدأ في ازعاجه من اليوم الأول

كان سيقوم بالنداء على ذلك المزعج لولا أنها التفتت لكنها لم تراه

ولكن هو رآها

للأسف!!

مستحيل !!

هي!!؟؟

: وحشتيني يا حبيبتي

: وأنت كمان

قالتها حورية ببرود

:مالك يا حورية

: أبدا تعبانة شوية

:حبيبتي محدش هيجبرك تعملي حاجة أنتي مش عايزاها لو مش عايزه
تعملي العملية خلاص بلاش

:وانت هترضى تتجوز عامية؟!!

:أنا بحبك زي ما أنتي

:بلاش بس تقول الكلمة دي كثير

:كلمة ايه؟

: متاخذش في بالك

: مالك يا حورية

: تعبت يا سامح تعبت من حقي

صرخت بها حورية

:اهدي طيب اهدي خلاص أنا أسف

أصبح سامح يتعجب تصرفاتها في الفترة الأخيرة

منذ ذلك الحادث الذي أفقدها عينيها وقد تغيرت معاملتها معه

لكن مؤخرا ازدادت تصرفاتها غرابة

تلك ليست حورية

حبيبته التي يعرفها أكثر من نفسها

صديقه وحبيبة الطفولة....

دائما ما يبرر أفعالها بسبب حالتها التي أصبحت عليها الآن..... لكنه يشعر

أن الأمر قد ازداد سوءا بالأونة الأخيرة

ترى ماذا بك يا حوريتي الصغيرة؟!!

اتجهت نحو الباب لتتصرف

:على فين يا بنت بطني؟

تأففت كريمة بضيق

:رايحه أجيب البضاعة من البت ورد ياما

:ولا رايحه للبلطجي بتاعك؟

:ايوووووه عليكى لا متخافيش من هنا ورايح مش هشوف وشه تانى

:يا ما شاء الله لتكونى عقلتى وأنا مش واخده بالى!

:هو لا كده عاجب ولا كده عاجب

:لا يا حبيبة أمك عجبني بس مستغربة!

: أنا ماشية عشان ما أخرش

قالتها بضيق ثم انصرفت لتتنظر لها أمها بضيق

ما أن هبطت إلى أسفل لتجد يد تسحبها سريعا خلف السلم

كادت أن تصرخ لولا أنه كتم فمها بيده

:الله يخربيتك هتفضحينا

:أنت ايه اللي جابك هنا

قالتها بحدة بعد أن أزاح يده عن فمها

: جاي عشان تسامحيني

: والمرسى أبو العباس أنت اتجننت رسمى مش خايف أمى تشوفك

وهي أصلا مش بتطيق سيرتك

:ماشي الله يسامحك

قالها بحزن ليعود قلبها الأحمق للحنين إليه

:طب خلاص متزعلش

استمر في تصنع الحزن لتصدقته هي بكل سذاجة

:ايوووه ما خلاص بقى

:مش هسامحك إلا اما أشوفك النهاردة؟

:مش هينفع ومستحيل أمى توافق

: وهي هتعرف منين؟ قوليلها إنك هتعدى علي البت ورد

: إذا كنت أنا أصلا قايلا لها وأنا نازلة إني رايحه لورد

: خلاص يبقى تيجي معايا دلوقتي وابقى روي لورد بعدها
ظلت تفكر لثواني حتى رضخ قلبها الأحق لفكرته لتذهب معه...

: لاااا ده أنت خلاص اتجننت رسمي ندى مين يا أهبل أنت اللي عايشه!!

حقا هذا ما كان ينقص صديقه الوصول إلى الجنان الأزلي

لقد أصبح يرى زوجته الراحلة بالواقع!

لا بل أسوء يخبره أنها أصبحت جارتة وتمكث بالشقة المقابلة له!!

ليردف أكرم وهو يستمع إلى حديثه المختل

: والله وكمان طلعتوا جيران طب دي حاجة حلوة أوي!!

قالها أكرم بسخرية

: أكرم لو فضلت تتكلم بالأسلوب ده أنا هقفل ومش عايز أشوف وشك
تاني...

قالها خالد بصرامة ليحاول أكرم تفهم الحالة التي هو عليها الآن

: طيب..... طيب يا خالد اهدى بس كده وفهمني ايه اللي حصل ومين دي
اللي ساكنة قدامك؟

قص خالد عليه كل ما حدث منذ أن استيقظ على صوت فيروز حتى رأى
تلك الفتاة...

ظن أكرم أن صديقه يتوهم

وأن الأمر ربما يزداد سوءا مع صديقه مما يستدعي عرضه على طبيب
نفسى

: طيب بص خليك عندك وأنا هاجي أشوف بنفسى

: أنت مش مصدقني صح؟

حاول أكرم الحديث بهدوء

: لا طبعا مصدقك بس عايز أجي أشوفها بنفسي

: ماشي يا أكرم مستنيك

أغلق خالد الخط ليتجه إلى صورتها بابتسامة فارقت وجهه منذ شهر

: أخيرا رجعتي يا ندى كنت عارف إنك مش هتسيبيني لوحدي...

بعد أن غيرت رأيها قررت أن تذهب لفتح المرسم رغم برودة الجو الشديدة,
تقف الآن تتأمل المكان بعينين دامعتين وقفت تنتظر لتلك اللوحات التي
غطاها التراب كل شيء, هنا قد ترك والدها أثر به, اللوحات الألوان حتى
اختيار ديكور المكان.

تحسست تلك القلادة مرة أخرى تشعر الآن أن روح والدها تدور حولها,

يا إلهي ذلك الدوار مرة أخرى!!

استندت على أحد الحوائط لثواني حتى استعادت توازنها مرة أخرى,

تأملت تلك الأتربة التي ملأت المكان لا بأس ربما يحتاج إلى الكثير من
التنظيف,

وترميم تلك اللوحات والتعديل في بعض الديكورات لتواكب العصر,

لتبدأ في جمع اللوحات التي ستبدأ في ترميمها وإزالة بعض تلك الأتربة
عنها, وبالطبع لم تنس أن يشاركها في ذلك صوت فيروز وفنجان القهوة
المانو.

دقات على الباب ليفتح خالد سريعا

: ادخل بسرعة

: في ايه يا خالد

: تعالى تعالى

جذبه خالد من يده نحو نافذة المطبخ

بص هو ده الشباك اللي شفتها منه

:أنت متأكد يا ابني أن فيه حد ساكن هنا أنا من ساعة ما جيتلك وأنا
مش بشوف حد فيها!

:قصدك أنها عفريت!؟

:أو إنك بتتوهم؟

: بتوهم!!

: خالد أنت لازم تروح لدكتور نفسي

:قصدك أني اتجننت؟

:عيب يا دكتور أنت اللي تقول كده دكتور خالد الجراح الكبير أكيد
عارف يعني ايه علاج نفسي

ساد الصمت ثواني نظر فيها خالد إلى صورة زوجته,

ليكسر ذلك الصمت وهو يتحدث بصوته المبحوح,

:أهو الجراح الكبير ده معرفش ينقذ مراته وهي حامل من الموت كل ده
بسبب رفض الدكاترة إنني أدخل أعملها العملية عشان كنت في حالة عصبية

: خيلنا نفكر بالعقل يا خالد افرض كنا سبناك تدخل وقتها, و ندى ربنا
كاتبلها أنها تسبيك في الوقت ده يا ترى كنت هتمنع أنها تموت استغفر
ربنا يا خالد وارجع شغلك بص لنفسك في المرايا, ده خالد؟ ايه شعرك
ده وايه الدقن دي كلها!؟

نظر خالد إلى هيئته بضيق...

يا إلهي من هذا؟ قديما كان يهتم بمظهره وهيئته الرياضية,

شعره وذقنه كانا دائما مهندمين مع بشرته السمراء وعينيه السوداء,

لكن الآن أين ذهب كل ذلك؟

: هحاول يا أكرم هحاول

: أنا هرجع المستشفى وهتكلم مع المدير إنك ترجع وأنت حاول تظبط
نفسك كده لازم ترجع خالد بتاع زمان, اتفقنا؟

كان يتحدث أكرم بجدية ليلمح بعدها شيء غريب, يلمع تحت الطاولة
جذب انتباهه ليقترّب منها لتنتسح عيناه بصدمة!

:يشيلك ويحط عليك يا بعيد خمرة يا خالد! من أمتى يا بيه؟
زاغت عين خالد في جميع أركان الشقة في محاولة للهروب, ليقترّب منه
أكرم ويجذبه من تلايبب ملابسه بغضب

:انطق يلا

نظر خالد لعين أكرم يعلم تلك النظرة جيدا...

عشر سنوات من الصداقة كفيلة لفهم كل منهما للآخر
تحول أكرم من الطبيب المحترم إلى أكرم الأحقق المتهور في غضبه,
لن يتفاجيء إذا حطم أكرم صف أسنانه السفلية الآن

:مم..... من شهرين

أجابه خالد بتوتر

ليحمر وجه أكرم غاضبا ليلكمه لكمة قوية أظهرت خط دماء بجانب فمه,

:يا متخلف أنت عارف ده معناه ايه لو حد وصله في المستشفى إن
دكتور خالد بقى يشرب خمرة ايه اللي هيحصل, تاريخك كله هينهار ومش
بعيد تترفد وتتشطب من سجلات النقابة خالص يا متخلف...

نكس خالد وجهه أرضا بخجل ليستمع كلاهما لصوت بالخارج أمام الباب,
دب الرعب أوصلهم خوفا من أن يكون أحدهم قد استمع لحديثهما,

اتجه أكرم سريعا ليفتح !

تخشب جسده أمامها يا الله!!

إذن خالد لم يكن يهذي

إنها ندى أو بالأصح تشبهها,

يكاد الفارق بينهم في لون العين والشعر,

التفتت لتنظر له وهي تعتذر

:أنا أسفة جدا بس اللوح وقعت مني,,

والصوت أيضا نفسه..... كيف هذا؟؟!!

ما أن استمع خالد لصوتها حتى ركض سريعا نحو الباب

:ندى...

قالها بلهفة وشغف نظرت له ريما في اندهاش!

:أفندم

: احم.... تسمحي ليينا نساعدك؟

قالها أكرم وهو يتدارك الموقف سريعا

:لا أبدا مفيش لزوم عن أذنكم

قالتها وهي تجمع لوحاتها واتجهت إلى شقتها

ما أن انصرفت حتى ظل خالد واقفا مكانه ينظر إلى أثرها بحنين,

نظر له أكرم بشفقة..

: يلا ندخل يا خالد

: ندى يا أكرم ندى

قالها خالد وعيناه قد أغشاها الدمع

:فوق يا خالد دي مش ندى

:أكرم أنا هرجع المستشفى تاني

قالها بإصرار

:ناوي على ايه يا خالد؟

: ناوي أرجع خالد بتاع زمان

بتذكر آخر مرة شفتك سنتا

بتذكر وقتا آخر كلمة قلنا

وما عدت شفقتك

وهلا شفقتك

كيفك أنت ملا أنت

«القمر الثالث»

يخرج من العمليات بعد أن نزع عنه القفازات وملابس التعقيم

ايه اللي عملته جوا ده يا طارق؟

: عملت ايه يا عايدة!

: أنت مجنون حياة المريض مش لعبة ده كان ممكن قلبه يقف

:أنا عارف بعمل ايه كويس والعملية نجحت والمريض هيفوق كمان

:مش معنى إن العملية نجحت يبقى اللي أنت عملته صح احنا مش بنجرب
في المرضى ... افرض كان مات تقدر تقولي كنت هتعمل ايه؟!!

: عايدة دي آخر مرة هقولك متدخليش في شغلي لو مش عجبك متدخليش
معايا عمليات تاني...

انهى جملته لينظر لها بضيق وهو يرحل.

يقف بشوق أمام منزلها ذلك السجن الذهبي كما تطلق هي عليه, يتطلع إلى
نافذة غرفتها ينتظر فقط أن تطل منها؛ ليختلس بعض النظرات إليها ليشفي
قلبه العليل بحبها..

تولين ابنة سوريا...

جمعه معها القدر صدفة لتكون ضوء القمر الذي عبر قلبه ليمحي ظلمته,
لكن لم يكن القدر قاسي معه إلى هذا الحد,

هي أقرب إليه من روحه,

لكن بعيدة عنه كحدود السماء,

ظل قرابة الساعتين يتطلع إلى النافذة دون فائدة حتى أخيرا رآها تفتحها
بمسافة صغيرة, كانت كافية ليراها وهي تلقي تلك الورقة الصغيرة التفتها
سريعا ليفتحها,

كانت عبارة صغيرة لكن كافية ليصل إليه مدى خوفها...

قرأها بقلب حزين,,

«حبيبي عابد اشتقت إليك كثير بعنذر منك ما راح أقدر أحكي معك اليوم
لأن يزيد لسه ما سافر يمكن آخر الأسبوع بقدر»

نظر للورقة بحزن كان يود أن يراها يستمع لصوتها العذب, اشتاق إليها مر
شهران وهو يقف تحت منزلها كل يوم يراها فقط من نافذة غرفتها دون
حديث, النظرات وحدها كانت معبرة.

وضع الورقة بجيبه ورحل ليصل إلى منزله وهو يجر خيبة أمله كعادته منذ
شهرين

:عابد كنت فين؟

: كنت بشوفها يا ماما

: انساها يا ابني لا هي ليك ولا أنت ليها.....لم تتلقى منه رد لتردف بنفاذ
صبر.....طريقكم مش واحد هي متجوزة وأنت لسه بتبدأ حياتك مش
هتجيبوا لبعض غير الوجع

:وليه ليه نتوجع ليه منكنش لبعض!!?

:عشان هي دى الدنيا....

: الدنيا قاسية أوي كده؟

: بتعلمك دروس صعبة لازم تبقى قدها عشان تقدر تعيش

:ده ظلم ليه اتحرم من الإنسانية اللي حبتها وليه هي تتجوز واحد مش
بتحبه يضربها ويهينها كل يوم؟

: نصيبكم كده

: وأنا مش هسيبها

:هتعمل ايه؟

:دي المشكلة مش عارف...

قالها بضيق ليتركها ويتجه إلى غرفته

نظرت له وهو يغادر بحزن فلم يكن بيدها شيء سوى أن تدعو له براحة
البال

يقف أمام والديه بملل

كاد صبره ينفذ من الحديث بنفس الأمر كل يوم

لا يصدق أن والدته أصبحت ترفض زواجه من حورية!!!

أليست تلك حورية التي كانت تخبرها دائما أنها ابنتها التي لم تنجبها؟!!

حورية التي دائما ما تخبره أنها سعيدة بزواجه منها

ما الذي تغير الآن!!

هل لأنها أصبحت عمياء لا عقله يرفض تصديق هذا الأمر

: كم مرة قولت تنسي الموضوع ده خالص البنت دي مش ليك ... ما تقول
حاجة يا منصور...

صرخت بها والدته ليتها والدته بهدوء

:أقول ايه يا عايدة أقول لابني متجوزش بنت عمك اللي بتحبتها من وأنت

صغير عشان بقت عامية ده اللي أنتي عايزاني أقوله

:يعني أنت موافق على الجواز؟!!! ... عايز ابنك يتجوز عامية عشان

يخدمها؟!!! ... عايز تضيع مستقبله؟!!!

:أنتي بتقولي ايه يا ماما هي مش دي حورية اللي دائما كنتي بتقولي يارب

تبقي من نصيبك!

:ده كان زمان

: اه وايه بقى اللي اتغير قوليلي ايه اللي اتغير عشان بقت عامية صح
.... بيبقى نموتها

:تقدر تقولي لما تتجوزها هتعيش معاها ازاي هتهتم بيك وبالبيت ازاي
هتربي عيالك ازاي!!?

:تفتكري يا ماما لو أنا اللي كنت وقعت على السلم واتعميت حورية كانت
هتعمل ايه

:بعد الشر عليك متقولش كده ... يا ابني أنا مستعدة أجبلك عروسة أحسن
من حورية مليون مرة

:أنا مش عايز غير حورية مين قالكم أني عايز أعيش مع واحدة ثانية
عشان ننهي الموضوع ده بقى لأنه أخذ أكبر من حجمه أنا بحب حورية
ومش عايز غيرها, وأنا حر اتجوز واختار اللي هعيش معاها ... عن أذنكم.
قال جملته بانفعال ثم تركهم ورحل دون أن ينتظر ردهم
لينظر والده إلى زوجته بعتاب قابلته هي بخذلان!!!

: ادخل ادخل يا دكتور

: طب أنا دلوقتي مش حاطت برفان عرفتيني ازاي!

: ريحته لسه ثابتة في الهدوم حلو النوع ده بقى حافظ عليه

اقترب منها بهدوء ليجلس على أقرب كرسي بجانب سريرها

:مممكن أسألك سؤال جايز يكون سخيف؟

:اتفضل اسأل

:بتحبي خطيبك؟

سرحت في ظلامها لدقائق دون جواب ليردف هو

: الظاهر أن سؤالي فعلا سخيف

استمرت على صمتها حتى رأى الدموع تتلأأ بعينيها الساحرتين

حاول تغيير الموضوع وهو يخبرها

:تعرفي بكره هتبقى المرة الكام اللي نجهز فيها أوضة العمليات وضغطك يرتفع قلبها بدقايق

:يا دكتور أنا قولتلك قبل كده إنني خلاص اتعودت ازاي أعيش من غير نور صدقني أحسن بكتير من العالم اللي أنتم عايشين فيه

: ايه الاستسلام ده أنتي مش نفسك تفتحي مش نفسك تشوفي سامح؟! قال جملته الأخيرة قاصدا ليرى ردة فعلها رآها تضحك بسخرية وهي تخبره

:اه طبعا نفسي

: تعرفي إنني امبارح لما وصلت بيتي ربط عيني وحاولت أمشي في شفتي اللي المفروض حافظ كل شبر فيها اتكعبلت واتخبط كتير أوي مقدرتش استحمل وشيلت الرباط أنتي ازاي مستحمة كده!

: أرجوك متسألنيش أي أسئلة تاني

لا أستطيع فهمك أبدا يا حورية

ترى ماذا حدث جعلك تستسلمين للظلام بهذا الشكل

لا ينكر أنه كان سعيد في كل مرة يتم فيها تأجيل العملية حتى تظل أمامه بالمشفى,

لكنه لا يقدر أن يراها عاجزة عن تلبية حاجاتها بهذا الشكل,

لو أن يستطيع فقط معرفة ما يدور برأسها...

يوم جديد يشرق على شواطئ الإسكندرية

صوت تصفيق حاد يصدح داخل المقهى عندما كاد خالد أن يفوز على عم حليم

لكن يبدو أنه وعلى الرغم من كبر السن إلا أن قدرات عم حليم في الشطرنج لم تضمر بعد

استمر اللعب لنصف ساعة انتهت بفوز خالد
ضحك الجميع ثم عاد كل منهم لطاولته ليتذمر عم حلیم كالأطفال ليواسيه
خالد

:قولتك أنا المرة اللي فاتت سيبتك تفوز بمزاجي
: على فكرة أنا سيبتك تفوز عشان حسيتك زعلت المرة اللي فاتت
يا قلبك الطيب

: أو مال يا واد بس أنت شكلك فوقت أخيرا
تنهد خالد بحنين وهو يخبره
:مش فوقت بس تقدر تقول كده حسيت إن الدنيا عايزه تديني فرصة
تانية

: دي حاجة كويسة أوقات الدنيا بتبعت للواحد فرصة تانية وهو مش واخذ
باله منها أصلا بس اوعى تسمح للفرصة دي تضيع منك...
ابتسم خالد بحب وهو يقف

:متخافش عليا يا راجل يا طيب ... أسيبك أنا بقى عشان خلاص هرجع
المستشفى تاني

: ربنا معاك يا دكتور

:ايه دا مقولتش يا واد!

: مهو طالما فوقت تاني يبقى أقولك يا دكتور

ابتسم خالد له وقبل رأسه ليتركه ويرحل

كانت تمسح بعض قطرات العرق التي تجمعت على جبينها نتيجة عملها
الشاق في تنظيف المرسم

لم تسمح لأحد أن يساعدها بذلك تريد أن تعيد كل شيء كما كان بفردتها مع
بعض التعديلات

استمرت بالتنظيف لفترة حتى انتهت

لنتجه نحو شيء ما مغطى بمفرش أبيض يحمل كم هائل من الأتربة
أزالت ذلك المفرش ظلت تسعل نتيجة لكم الأتربة التي تراكمت مع مرور
الزمن

ليظهر تحته تلك الآلة الموسيقية (البيانو)

ما أن رأته حتى سرحت في ذكرى والدها

كان يحب العزف كثيرا يتوه بالساعات بين الألحان

كان أكثر شيء يزعجه أن يخرج أحد من بين ألعانه

جلست على الكرسي الصغير ثم بدأت بالعزف

كانت تود لو أنه معها الآن يستمع إلى عزفها

لكن للأسف لم يسمعها ولو مرة واحدة

فهي تعمدت بعد وفاته أن تتعلم العزف على تلك الآلة حتى تتذكره كلما
اشتاقت إليه

ظلت تعزف لساعات دون ملل لم يوقف عزفها شيء غير ذلك الدوار مرة
أخرى...

تجلس بغرفتها شاردة

"يا غبية عملتي ايه في نفسك ضيعتي نفسك ومستقبلك عشانه عرف
يضحك عليكى أمك كان عندها حق صدقنيها بس بعد فوات الأوان "

كانت كريمة مغيبة طوال الوقت مع تيارات كلماته المعسولة حتى ألقبت بها
في بئر الخطيئة بلا رجعة

:بت يا كريمة ... أنتى يا بت

: ايه ياما

: بنادي عليكى بقالي ساعة ... مالك يا بت

: مفيش ياما تعبانة شوية

: طب أنا ريحه عند ست ريما ساعتين كده وأرجع

: ماشي

: ابقني خدي دوا يريحك

ضحكت كريمة بسخرية على حالها

:حاضر

تركتها أمها ورحلت لتظل هي تبكي لساعات لما جنته على نفسها

: خالد حمدالله على السلامة المستشفى نورت

قالها أكرم بفرح

أخيرا عادت لصديقه جزء من روحه مرة أخرى

أقبل جميع من بالمشفى يرحب به بحب

هو وحده ظل واقفا بأحد الأركان يتطلع له بحقد من بعيد!!

رحل الجميع بعد ترحيب كبير

ليلاحظ خالد ذلك الواقف بعيدا ينظر له بشذر

:ايه يا طارق مش هتسلم عليا ولا ايه؟!!

:لا ازاى طبعا ازيك يا دكتور عاش من شافك بس ايه يعني اللي

خلاك تغير رأيك وترجع تاني ايه مراتك رجعت من الموت

: طارق

صرخ بها أكرم بحدة ليحييه خالد ببرود

:لا يا طارق مراتي مرجعتش بس عرفت إن فيه دكاترة هنا مش عارفين

يشتغلوا قولت أجي أدربهم زي زمان

نظر له طارق بغضب واشتعلت حرب الأعين بينهم

قطعها مجيء المدير يرحب به

: دكتور خالد أيوه كده حمدالله على السلامة ... لما أكرم كلمني مكنتش
مصدق المستشفى رجعت تنور

: دكتور أمين الله يسلمك لا صدق بقى أنا خلاص راجع وبقوة كمان
: احنا فعلا محتاجينك جدا الفترة دي جدا

كاد طارق أن ينصرف لكن أوقفه صوت المدير

: طارق من فضلك استناني في مكنتي

أوما رأسه بإيجاب وهو يرحل

مر الوقت كان يسير أكرم مع خالد داخل طرقات المشفى يسأله خالد عن
أحوال المرضى فيجيبه أكرم بصدر رحب

: طب وايه أخبار حورية المستشفى؟

قالها خالد بخبت لينظر له أكرم بحزن وهو يخبره

: مش عارف يا خالد ... كل مادا ما بحس إن في حاجة هي مخبياها ...
النهاردة كان ميعاد العملية بتاعتها للمرة الرابعة اللي أجهز فيها أوضة
العمليات وضغطها يعلى قبلها بعشر دقائق ونوقف العملية.

: طب ايه السبب؟

: رافضة إنها تعمل العملية مستسلمة للي هي فيه

: وخطيبها؟

: لا خطيبها ده حكاية تانية

كاد أن يكمل لولا مجيء الممرضة وهي تركض

: الحق يا دكتور حورية بتصرخ وعمالة تكسر كل حاجة في الأوضة
وخطيبها معاها مش عارف يسيطر عليها

رغم الزهر اللي متلي الحقول

شو ما تحكي وتشرحلي وتقول

حبيبي.. حبيبي..

تَ نرجع لا مش معقول

«القمر الرابع»

عصفور محبوس داخل قفصه الذهبي يخشى عليه مالكة من الضياع

لينتهي به الحال بالحبسة وتقييد حريته

هذا هو حالها منذ أن تزوجته ربما من يراها من بعيد يظن أن حياتها تمتلك

من المثالية ما تتمناه جميع الفتيات

فتاة جميلة بشعر أسود طويل وعيون عسلية وجسد ممشوق القوام

تعيش مع زوجها الرجل الغني الذي يملك من الجاذبية ما يكفي ويفيض بأحد

الدول الاوروبية

ماذا ينقصك يا فتاة !!

لكن إذا اقتربوا ونزعوا الستار سيروا تلك الحياة البائسة التي تعيشها،

سيروا علامات الضرب والإهانة على جسدها،

كانت تجلس تترقب قدومه بخوف,

دقائق وسمعت صوت أقفال الباب تنفتح,

ارتعش جسدها خوفا منه عندما دخل واقترب منها

: كيفك اليوم؟

: بخير

اقترب منها بشدة لتشمئز من رائحة الخمر التي فاحت منه

: شو فيه

: أنت شارب؟

:كاس صغير ما بيأثر

قام بتقبيلها بعنف لتبكي هي بخوف

نظر لها بغضب يعلم جيدا أنها تنفر منه ليزيد بكائها غضبه

يعلم أنها لا تتقبله كزوج لكن لا يهم المهم أنها له وحده

لكن دموعها تلك ... لما يشعر دائما أنها كحد السيف بقلبه

:شو فيه؟

:ولا شي

: راح تجي معي اليوم بالليل(نظرت له بتساؤل ليردف).....حفلة تبع

الشركة وأنتي راح تجي معي

أومأت برأسها بإيجاب وهي تردف

: راح فوت جهاز الأكل

نظر لها وهي تنصرف بضيق ليحدث نفسه

«أنتي وجعي المحبب يا تولين»

:ممكن أسمع تفسير للي حصل النهاردة في غرفة العمليات يا طارق؟

: والله دي حاجة ممكن تحصل في أي عملية عادي واحنا بنعرف نسيطر عليها

: عملية بسيطة زي دي بيعملها دكتور كبير زيك قلب المريض يقف منه
مش معقول!!!

:قصدك ايه يا فندم?!!

: سبق وحظرتك قبل كده يا طارق إن حياة المريض مش لعبة بين أيدينا,
دي مسئولية ربنا عطاها لينا لازم نكون قدها صح ولا لا

: وأنا بقى عملت ايه؟

كان يتحدث معه ببرود أثار غيظ مديره

:أنت عارف كويس عملت ايه ولولا أنني عارف إنك دكتور شاطر
ورصيدك فيه كتير من العمليات الناجحة أنا مكنتش هخليك تستنى لحظة في
المستشفى لكن توصل بيك إنك تخاطر بحياة المرضى من غير حساب
عشان تثبت لنفسك إنك دكتور شاطر ده اللي مش هسمح بيه...

:وأنا عارف كويس أنا بعمل ايه

:ويا ترى التجارب اللي بتعملها في غرفة العمليات بتكون حاسب معدلات
نجاحها قبل ما تشتغل?!

:اه اه طبعا

طفح الكيل بمديره ليفجر بوجهه تلك المفاجأة,

فما باليد حيلة لن ينتظر حدوث كارثة على يد ذلك الأحمق,

يعلم جيدا أن طارق شخصية اندفاعية يجب السيطرة عليها,

ويبدو أن ذلك هو الحل الأمثل..

:جهز نفسك يا طارق لأن خالد هيدخل معاك كل العمليات بعد كده

:نعم!!!!

صرخ بها طارق وهو يقف بغضب ليحذره مديره

: طارق متنساش نفسك

:خالد مين اللي يدخل معايا ..ده على أساس إني طالب في الامتياز مقدرش أقوم بعملية لوحدي!!

: ده آخر كلام عندي يا طارق لو مش عجبك يبقى تتفضل تقدم استقالتك وأنا هقبلها فوراً

خرج طارق من الغرفة كالإعصار تحت أنظار الجميع
يبدو أن المشفى مؤخرًا ستشهد على الكثير من الأحداث المثيرة

بعد أن انتهت من حملة التنظيف الخاصة بالمرسم فوجئت ريما بأمر كريمة
تجلس على السلم أمام باب شقتها

: دادا يا خبر أنا نسيت خالص أنك جايه النهاردة

أخذتها أم كريمة بالأحضان

ووابل من القبلات والترحيب

: وحشتيني يا ست ريما حمدالله على سلامتك

: الله يسلمك ... تعالي تعالي ندخل

اتجهوا معا للداخل

لتبدأ أم كريمة بالحديث عن إسكندرية وأحوالها وهي تبدأ عملها وريما
تستمع لها بحب،

ثم اتجهت لتشغيل صديققتها الوحيدة هنا وفي كل مكان (جارة القمر)،

توجهت بعدها إلى المطبخ لتعد قهوتها المانو المفضلة...

:أعملك قهوة معايا يا دادا

:كان نفسي أقولك ايوا يا ست ريما بس أعمل ايه الدكتور محرج عليا
مشربش شاي ولا قهوة خالص

: ربنا يديكي الصحة يا دادا

: والست هانم عامله ايه وأستاذ عابد

: بيسلموا عليكي

: الله يسلمهم وأنتي جايه تعملي ايه هنا لوحداك يا ست ريما؟
ابتسمت ريما بشوق ها قد عادت مرة أخرى لثرثرة أم كريمة التي لا تنتهي,
يبدو أنها ستواظب على دواية الصداع الفترة القادمة..

توجه كلا من أكرم وخالد إلى غرفتها سريعا ليفوجئا الاثنان من حالتها!!
هي تصرخ وتحاول تكسير كل ما تقابله يدها وسامح يحاول جاهدا بكل
الطرق السيطرة عليها دون فائدة
: حورية اهدي يا حبيبي مالك بس حورية عشان خاطري فيه ايه طيب
فهميني

حاول سامح تهدأتها بكل الطرق دون فائدة..

ماذا جرى لها لا يفهم!؟

اتجه أكرم إليها ليصرخ في الممرضة أن تحضر له إبرة مهدئة سريعا
أعطاه إياها وهو يكبلها بيديه يمنعها من الحركة لتغوص بعدها في نوم
عميق

اتجه أكرم إلى سامح ليسأله بحدة

:ايه اللي حصل وصلها لكده!؟

: أنا مش عارف ومش فاهم ايه اللي بيحصلها ده!!

: أنت أكيد السبب

:أفندم!؟

تدخل خالد سريعا يحاول السيطرة على الموقف

:دكتور أكرم قصده أنك تكون زعلتها أو حاجة عشان كده هي متغيرة

:أزعلها ازاي وهي في الحالة دي بس

لم يستطع أكرم التحمل أكثر من ذلك

ليتجه إلى الخارج سريعا دون سماع أي كلمة أخرى

دقات على باب المنزل أخرجتها من شرودها,

ظنت أن والدتها قد عادت مبكرا,

لكنها فوجئت من الواقع أمامها بحالة غير طبيعية...

: أنت ايه اللي جابك هنا؟!!!

: الجميل وحشني قولت احي اطمئن عليه

قالها وهو يترنح في وقفته

: بعد اللي عملته مش عايزه أشوف وشك هنا تاني

: أصلح غلطتي

قالها وهو يدخل ويغلق الباب خلفه لتحاول هي منعه دون فائدة

: بقولك اطلع برا أنت مبتفهمش ولا الهباب اللي بتاخده لحس مخك

: أنا بحبك يا كريمة

: ضحكت عليا مرة وصدقتك زي الغبية لحد ما ضيعتني

: أصلح غلطتي ونتجوز

: ايه؟!!!

: ايوا نتجوز يا قلب فتحي

: فتحي أنت بتتكلم جد

: هي الحاجات دي فيها هزار

: يعني هتتقدم لأمي

: طبعا

قالها وهو يأخذها بين أحضانه ويدفن وجهها بصدرة

ثم يظهر ابتسامته الخبيثة

الحمقاء دائما ما تقع في الفخ بسهولة

حسنا قليل من العبث معك لن يضر

ظل يحتضنها وهو يبث السم في كلامه المعسول الذي يدغدغ قلبها ويعمي عقلها عن حقيقته اللعينة,

لم تدري بنفسها إلا بعد أن فات الأوان لتفعل جريمتها معه للمرة الثانية....

:أنت اتجننت يا أكرم ايه اللي عملته ده!!

:أنا بحب حورية يا خالد ... بعترف اه بحب حورية ومش قادر أشوفها وهي بالشكل ده وكمان مع حد تاني...

:أنت عارف لو خطيبها عرف هيعمل ايه ممكن تخسر كل حاجة في ثانية

:أنا حاسس أنها مش بتحبه تصرفاتها معاه بتقول كده

:احنا منعرفش الحكاية ايه اهدى واستنى على الأقل لحد ما تعمل العملية

ظل أكرم ينظر لخالد لثواني

تلك النظرة كان يعلمها خالد جيدا نظرة لا توحى بالخير أبدا

:بتفكر في ايه يا منيل

:كل خير

ظلا يتحدثان سوى بعضهما البعض غير مدركين لذلك الواقف على الباب يستمع لكل شيء,

ابتسم بخبث ثم رحل سريعا قبل أن يكشفه أحد..

يجلس بغرفته يفكر فيما وصلت إليه حياته مؤخرا,

حتى قطعه رنين هاتفه يعلم جيدا من المتصل قبل أن يرى,

من غيرها التي تحاول طوال الفترة السابقة أن تتحدث إليه أما هو يصدها بكل الطرق,

ظلت تعيد الاتصال مرارا وتكرارا حتى أغلق هاتفه تماما,
ليعود لشروده مرة أخرى

آه يا حورية لما أصبحت بعيدة هكذا بعد أن كنتي جزءا من روعي,
فتح نافذة الغرفة ينظر إلى بحر الأسكندرية الساحر,
تذكر آخر مرة كانت تسير معه قبل أن تفقد بصرها بيوم كانت تخبره كم
هي سعيدة فزافهم قد اقترب,
وهو يخبرها كم يعشقها منذ أن كانت صغيرة,
لنتغير الأحوال كلها بثانية ثانية واحدة قلبت حياتهم رأسا على عقب...
نظر للسماء بإرهاق وهو يدعي من قلبه
:يارب....

يقف أمام باب شقته يتطلع للباب المقابل له استمع إلى صوت فيروز ليعلم
أنها بالداخل

يبدو أن فيروز ستصبح صديقته أكثر من أكرم الفترة القادمة
كان يفكر في أي حجة الآن ليطرق بابها ويراها
لكن دون فائدة ليحدث نفسه
«اعقل يا خالد هتخبط تقولها ايه»

ليفتح بابه ويدخل لمحت عينيه تلك الكوفية الزرقاء أسفل الكرسي التقطها
باندهاش وهو يفكر لمن تكون؟

حاول ارتدائها ليجدها صغيرة للغاية
اتجه إلى تلك الشرفة الصغيرة والوحيدة بشقته ليجلس بها يدخن سيجارته
بهدوء

وجد أن صوت فيروز أصبح أقرب إليه الآن لينظر بجانبه

يا الهي نعم الشرفة المجاورة لشرفته هي لها إذا لن يكون أمر التعرف عليها
بتلك الصعوبة حسنا سيظل جالسا هنا حتى يراها...

ظل جالسا طويلا ينتظر رؤيتها دون فائدة حتى أصبح الجو قارصا للغاية
لف تلك الكوفية القصيرة حول رقبتة وأحضر جاكيت ثقيل ليبتث له القليل
من الدفء, وظل جالسا حتى غلبه النعاس لليوم التالي...

يراهها وهي تهبط السلم الداخلي للبيت, ترتدي فستانا أسود طويل ذو
حمالتين عريضتين وفتحة صدر مثلثة شعرها مفرد خلفها يتطاير فيرقص
معه قلبه, زين عنقها عقد فضي لامع يليق مع ذلك القرط الذي زين أذنيها..

سحقا لما أنتي فاتنة بهذا الشكل!!

أين كان عقلي عندما طلبت أن تأتي معي؟

ظل سارحا في جمالها لثواني خرج منه مع جملتها

:أنا جاهزة

حمحم بخشونة وهو يمد لها يده

أمسكت بيده في خوف وصل إليه على الرغم من غضبه لذلك الخوف,

لكنه كالعادة لا يهتم بهذا,

يريدها دائما خائفة ضعيفة هذا سيجعلها دائما تحت أمره,

شعاره الدائم الخوف يولد الطاعة,

وهذا ما يريده إذا لما الغضب الآن؟!

خرجا سويا واتجها نحو السيارة

لمحت عابد وهو يقف بعيدا

توترت يدها المعلقة بيده ليلاحظها

:شو فيه؟

:أبدا ولا شي

ركبت معه السيارة ورحلت
ليقف هو يشاهدها من بعيد وهي ترحل معه,
يشعر بخوفها يرى الدموع الحبيسة بعينيها,
كانت فاتنة و ساحرة بحق,
يود لو أن يذهب وراها ويختطفها من بين يدي هذا السجان ... لكنه يخشى
عليها قبل أي شيء
وصل الاثنان للحفل
لتكون هي حديث الجميع,
رأى أنظار جميع الرجال قبل النساء وهي مسلطة عليها,
لم يدرك نفسه وهو يضغط على يدها بعنف لتتألم هي دون أن تخبره,
أقبل عليه العديد من شركاؤه في العمل,
كان حديثا طويل لم يخلو من نظرات الإعجاب نحوها والتي كان يلاحظها
يزيد جيدا,
لم يفلت يدها طوال الحفل,
تشعر أنها مقيدة تريد بعض الحرية,
طلبت منه الذهاب للحمام.... ولم يكن طلبها إلا للشعور ببعض الحرية,
تركها لتشعر أنها تريد الركض بعيدا لتصرخ وتصرخ حتى يذهب صوتها,
ذهبت إلى حمام لتدخل في نوبة بكاء نتجت عنها احمرار عينيها,
جاءت لتخرج لتجد أحدهم يعترض طريقها,
وأغلق عليهما الباب...
:أنت مجنون شو عم تسوي هون
:يا الله شو كثير حلوة
يا إلهي أنه أحد أصدقاء يزيد

شو عم تحكي أنت مانك خايف إذا اجي يزيد وشافك هون
:لا تخافي حبيبتى ما راح يعرف شي
اقترب منها لتصرخ هي بخوف
شعر يزيد بغيابها اتجه نحو الحمام ليستمع لصرخاتها باسمه
انخلع قلبه خوفا عليها حاول فتح الأبواب دون فائدة ليكسره
فيجد ذلك الحقير يحاول أن يعتدي عليها انقض يزيد عليه كالذئب لم يتركه
إلا وجميع عظامه محطمة
تجمع كل من في الحفل على صوت صراخها
تركه يزيد وسحبها خلفه للخارج دون أي كلمة
ظل يقود على أقصى سرعة طوال الطريق كانت تراه وهو يضغط
على إطار السيارة حتى برزت عروقه
فلم يزيدا ذلك إلا خوفا
تتمنى أن تمر تلك الليلة وهي حية
وصلا البيت أقلت نظرة على نفس المكان الذي كان يقف فيه عابد فلم تجده
ما أن دخلت حتى جذبها من يدها إلى غرفتهما
ألقاها أرضا حاولت الوقوف لكنه لم يسمح لها
:كيف بتسمحي لهاد الحقير أنه يقرب عليكي فهميني كيف!؟
أنهى جملته بصفعة قوية على وجهها
:أنتي ملكي أنا وبس بتفهمي شو عم بحكي ما فيه حدا ب هالذني خلقه الله
من حقه أنه يقرب عليكي غيري أنا عم تسمعي
: وحياء الله أنا ما
كانت تود أن تدافع عن نفسها لكنه لم يعطيها تلك الفرصة ليرفعها لنفس
مستواه ويمزق فستانها ظل يقبلها في جميع أنحاء جسدها يود أن يمحي أثر
أيدي ذلك الحقير عنها
لم تصرخ لم تحاول أن تمنعه تعلم أنه لن يزيد ذلك غير القسوة معها أكثر
فقط تبكي وتبكي حتى خارت قواها بالكامل...
ليضيف هو شرخ جديد إلى روحها المشوهة...

لا إنت حبيبي ولا ربينا سوى

قصتنا الغريبة شلحها الهوى
وصرت عنك غريبة
إنساني يا حبيبي

«القمر الخامس»

يهبط لأسفل بهدوء حتى لا يراه أحد, كان على وشك الخروج من الباب
ليلمح والدتها قادمة من بعيد
اختبأ تحت السلم حتى صعدت لأعلى تأكد من أنها دخلت منزلها؛ ليهرب
سريعا للخارج كالقنران
:كريمة بت يا كريمة

كانت تحاول كريمة إخفاء آثار جريمتها معه توترت عندما سمعت صوت والدتها,

عدلت نفسها سريعا لتخرج وهي تحاول أن تكون طبيعية

:أيوا ياما أخرتي كده ليه؟

:يادوب خلصت عند ست ريما وجيت طوالي عاملة ايه دلوقتي التعب راح؟

:تمام تمام

:مالك يا بت حالك مش عجبي؟!!

:ااا... أبدا ماأنا كويسة أهو أنتي دايمما اللي بنتوهمي حاجات غريبة كده

:بتوهم ماشي أما أشوف أخرتها معاكي

قالتها بشك لتوجه كريمة نظرها الجهة الأخرى

تحاول بداخلها تبرير ما تفعله

ما الخطأ هو يحبها وسيتزوجها إذا لا داعي للخوف أو الإحساس بالجرم

استيقظ في الصباح على صوت صديقه الجديدة في الأيام الأخيرة, سعل بشدة يبدو أنه قد أصيب بالبرد من نومه في تلك الشرفة منذ البارحة, ظل يراقب شرفتها المجاورة على أمل أن تخرج ثواني وتسلمت إلى أنفه رائحة القهوة المانو فقد الأمل أن يراها كاد أن يتجه للداخل بخيبة أمل لكنه تسمر مكانه عندما سمعها..

:صباح الخير.

لا رد

:صباح الخير يا دكتور

نظر إليها باندهاش

:عرفتي منين إني دكتور؟!!

كانت تتوقع ردا آخر

نظرت له بتعجب

:من اليافاطة اللي على باب شقتك

قالتها ثم دقت حول رقبتة لتتسع عينيها بفرحة وهي تردف

:دي الكوفية بتاعتي

:أفندم

لم يكن منتبه لما تتحدث عنه حتى وجهت يدها لما تقصد ليبرك بعدها ماذا
تعني

:دي الكوفية بتاعتي إزاي وصلتلك!!

: ااا... أنا.. لقيتها واقعة قدام باب الشقة

قالها ليسعل بعدها بشدة

:شكلك تعبان أوي ألف سلامة

:الله يسلمك اتفضلي الكوفية.

:لا خليها معاك دلوقتي وابقى رجعهاالي بعدين عن إذذك أنا لازم أمشي

See you later:

قالتها ثم انصرفت سريعا وقف مكانه لدقائق يحاول استيعاب ما حدث

ندى عزيزتي أيعقل أن تكوني عدتي لي مرة أخرى

هل سامحتني؟

هل تعطيني الحياة فرصة أخرى معك؟

أم هو جرح جديد يضاف إلى قلبي!!

يعشق للحد الذي يجعله يجرح من يحب حتى لا يتعلق بهم أو يتعلقوا به

استيقظ قبلها لينظر إلى جريمته

لا يجرؤ على الإعراف أنه يخاف من نظراتها عندما تستيقظ,

كأنها دليل إدانة على قسوته,

..... قسوة أم ضعف

سمها كما تشاء فأى قسوة ابنه لضعف,

جسدها المليء بالكدمات,

شفتيها الزرقاء الدامية,

دموعها الجافة على وجنتيها,

جميعها أدلة بائلة على جريمته بالأمس,

لا ليس هو المذنب وليس الجاني,

أي رجل ذلك الذي يقبل على نفسه أن يرى زوجته بين أحضان رجل آخر,

لم يدري بنفسه سوى وهو ينقض على عنقه يحاول خنقه

أما هي ف.....
فماذا يا يزيد هي لا حول لها ولا قوة معك
انظر إليها ماذا فعلت؟!
أخذ ملابسه سريعا ليخرج قبل أن تستيقظ,
نعم يعترف لن يجرؤ على النظر إلى عينيها الآن,
لن يستطيع أي أحد على وجه الأرض أن يذيب ذلك الجليد عن قلبي,
ولا حتى أنتي يا تولين...

منذ الصباح وهو يجلس معها بغرفتها
تحدثا معا في كل شيء عدا ما يخص العملية أو حياتها قبل الحادثة
قطعا حديثهما معا عندما دخلت الممرضة تحمل كوبين من العصير كان قد
طلبهما أكرم

شكرا يا زينب اتفضلي أنتي
ساعدها في حمل الكوب لتتناوله بالكامل
ظلا يتحدثا معا لدقائق حتى ذهبت حورية في نوم عميق
ليركض أكرم سريعا ينادي تلك الممرضة
جهزي غرفة العمليات بسرعة.

تجلس على المكتب داخل المرسم تختار مع المصمم الشكل النهائي لكروت
الدعوات التي سيتم توزيعها على الزوار؛ لافتتاح المرسم من جديد
بعد غلقه سنوات

هو ده تقدر تطبعلي منه ٥٠٠ دعوة

خلاص اتفقنا هيكونوا عندك آخر الأسبوع

تمام ميرسي أوي تعبتك معايا

لا تعب ولا حاجة ده شغلي

انصرف لتتجه هي إلى البيانو وتبدأ في العزف لكنها وقفت فجأة عندما
عاود ذلك الدوار في الظهر من جديد
اتجهت إلى حقيبتها وأخرجت علبة الدواء الخاصة بانخفاض ضغط الدم
لنتناول واحدة

وتعاود العزف...

كان يستمع لمن يحدثه بالهاتف بغضب

من هذا المختل؟

:ممكن أعرف أنت مين؟

:فاعل خير ... حبيت أحذرك بس خلي بالك على خطيبتك

:الو ... الو

صرخ بها سامح بعد أن أغلق ذلك الغريب الخط

ليشتعل الغضب برأس سامح

العديد من التساؤلات ظهرت برأسه دون إجابة

يجب أن اطمئن على حورية الآن!!

استيقظت وهي تشعر بألم بالغ في جميع أنحاء جسدها تذكرت ما حدث

بالأمس لتلعن نفسها وتلعن والدها الذي أجبرها على الزواج منه

والدها لالعاب القمار المحترف

والذي خسر جميع أمواله مقابل ذلك

والموهوب في إمضاء الشيكات على بياض ليصبح مفلس ومديون وعلى

وشك أن يتم سجنه

كان يزيد هو المنقذ الوحيد له أن يدفع له كل ديونه مقابل أن يزوجه ابنته

يا إلهي كم هي صفقة رابحة دون شك

هي وحدها الخاسرة بها

ضحية أب فاسد وزوج مريض

ظلت تبكي وتبكي على حالها

فكرت في الانتحار أكثر من مرة ولكنها لم تجرؤ على ذلك

حاولت النهوض بصعوبة لفت المفروش حول جسدها العاري لنتهض وتسقط

سريعا

ظلت تصرخ وتصرخ بأعلى صوت لدرجة أنها لم تكن تعلم أنها تمتلك تلك

النعمة العالية بصوتها

كان الصراخ هو أقسى ما تملك ربما تحاول بذلك أن تلمم شتات روحها
المتهالكة.

يسير خالد داخل أرجاء المستشفى وهو يسعل نتيجة نومه البارحة في ذلك
البرد اتجه نحو غرفة العمليات بالتأكد مازال أكرم بالداخل قابله سامح وهو
يسير

صافحه ليسأله عن حورية؟

أنا كنت رايح لأكرم دلوقتي أكيد العملية لسه مخلصتش

أنا مش عارف أشكر دكتور أكرم إزاي أنا كنت خلاص فقدت الأمل

مفيش حاجة بعيد عن ربنا يلا نروح نشوفهم

وقف الاثنان أمام غرفة العمليات ليمر طارق مع عابدة من أمامهم عقد

حاجبيه بتعجب ووقف يتطلع إليهم من بعيد

يعني متعصبش ولا هد الدنيا زي ما بتقول

قالتها عابدة بسخرية

أنا مش فاهم حاجة

كل ده ومفهمتش.....خطتك فشلت يا دكتور

تطلع إليها بإزدراء لتردف

:جو أنك تتصل بيه وتخليه يشك في خطيبته عشان تحط أكرم في مشكلة ده

قديم أوي بصراحة كنت فكراك أذكى من كده

قالت جملتها ثم تركته وحده يستشيط غضبا

يجلس بغرفته حزينا منذ الصباح

شعوره أن شيء ما قد حدث لها مسيطر عليه

يود لو أن يذهب إليها الآن ويختطفها من هذا الشيطان الملقب بزوجها

: عابد

:متقلقيش يا ماما أنا كويس

نظرت له بعدم اقتناع

:لا أنت مش كويس مش كويس أبدا

:لو سمحتي يا ماما عايز أبقى لوحدي

:تولين اللعنة اللي مش عايزه تسبيك

:ماما أرجوكي

:أرجوك أنت ارحم نفسك

:أنا حاسس إن فيه حاجة حصلت ليها ومش عارف أوصلها ... حاسس إني

عاجز

:وأنت مالك بيها هو أنت جوزها!!

نظر لها وهو يقف بغضب

:أنا بس كل اللي عايزه إني أطمئن عليها كويسة ولا لا

نظرت له والدته بنفاذ صبر

:ربنا يهديك يا ابني

قالتها وهي تتصرف وتدعو من كل قلبها أن يريح قلبه

انتهت العملية ليخرج أكرم وهو ينزع عنه ملابس الجراحة

تقدم سامح إليه بحماس وهو يسأل

:نجحت مش كده

نظر له أكرم بجمود

:النتيجة هنعرفها بعد ما نشيل الرباط مش دلوقتي

قالها ثم انصرف نظر له سامح بتعجب

ليأتي خالد من الخلف مطمئنا

:متقلش أكرم دكتور شاطر

أوما سامح رأسه بإيجاب مصحوب بضيق واضح على وجهه

لتخرج حورية أمامه وهي غائبة عن الوعي على سرير المشفى يخبيء

عينها الساحرتين شاش طبي

اتجه سامح معهم بلهفة يتمنى من كل قلبه أن تكون قد نجحت العملية

عادت إلى غرفتها مرة أخرى

جلس بجانب سريرها لتعود كلمات ذلك الغريب ترن بأذنيه مرة أخرى

تشتت تفكيره

لتبدأ الأفكار السلبية تملأ رأسه وهو ينظر لها وهي نائمة

أيعقل أنها لم تعد تحبني كالسابق

هل أصبحت تحب شخصا آخر؟!
أو شعرت أنها تسرعت في قرار زواجنا
اااه لو أستطيع أن أدخل داخل عقلك يا حورية
أشعر أنك تخبئين شيئا ما عني فقط لو أعلم ما هو؟؟

نحن والقمر جيران

بيته خلف تلالنا

بيطلع من قبانا

يسمع الألعان

«القمر السادس»

تجلس بجانبه على السرير وهو يمرر يده الدنيئة على جسدها العاري
يبدو أن ضميرها الحي قد دفن ولم تعد تخشى أحد حتى خالقها
يبدو أن هذا الرجل علم جيدا مفتاح تلك الحمقاء ليسحبها معه تدريجيا إلى
بئر خطاياها ويضيف ضحية جديدة داخل قفصه الممتلئ
ولن ينكر أنها كانت فريسة سهلة لم ترهقه في صيدها

أنت هتروح تقابل أمي امتي يا فتحي؟

قريب قريب

قريب اللي هو امتي يعني؟

: أيوووووه عليك يا كريمة لما بتبوظي أي لحظة حلوة

: هو لما أسألك هتتجوزني امتي ابقى ببوظ اللحظة الحلوة

:يا بت أنتي شايفه العيشة عاملة إزاي اصبري لما تحلو

:وهتولو امتي بقي

:لما ربنا يسهل

:وافرض العيشة متحسننش هفضل كده من غير جواز

:ومالها كده ماهي زي الفل أهي يا جميل

قالها وهو يقترب منها لتبعده بعنف

:أنت كنت بتضحك عليا يا فتحي

:يا بت أنا بحبك وعايز أتجوزك وعايز الحالة تبقى أحسن عشان أمك

ترضى بيا

:او عى تكون بتضحك عليا يا فتحي أنا ممكن أموت فيها

:بعد الشر عليك يا جميل ... تعالي بس

وكالعادة غرقا معا في بئر خطاياهما من جديد

يعرف في كل مرة كيف يمحي عقلها

لتلتقط هي الطعم بكل سذاجة.

بالمشفى دخلت فتاة محمولة على الترولي غارقة في دماؤها ومعها شخص

يصرخ

:دكتور بسرعة دكتور

اتجه طارق إليه سريعا

:الحالة ايه؟

:مضروبة رصاصتين وفيه نزيف

:عمليات بسرعة

صرخ بهم طارق وهو يتجه للعمليات ليلحق به خالد سريعا

:معاك يا طارق ٣ أكياس -O على العمليات بسرعة

اتجه الاثنان مع الممرضات للعمليات بملابس التعقيم
:أنا هتعامل مع الرصاص وأنت اتعامل مع النزيف يلا مشرط بسرعة
قالها خالد بلهجة إمرة لطارق الذي نظر له شذرا
كان كل منهما يعمل في جو من التوتر والقلق من فقدان تلك المسكينة
استمر الوضع لساعة حتى سأل طارق
:التنفس

٨:

:مش عارف أمسك الرصاصة كده هتضيع مننا
قالها خالد بغضب
:الرصاصة اللي هنا جرحت الأورطي عايز وحدتين دم كمان بسرعة
صرخ بها طارق لتتجه الممرضة لطلب وحدتين من الدم واستعجال
التحاليل

:أنا مسكت الرصاصة ... إيدك معايا يا طارق

:مش هينفع أنا بوقف النزيف

:إيدك معايا يا منى بسرعة

:وسعي وسعي أكثر

:دي آخر حاجة يا دكتور

:مش هينفع يا خالد كده هتدخل في Shoc

صرخ بها طارق

تجاهله خالد وظل يحاول في إخراج الرصاصة

ليتوقف القلب فجأة ليصرخ طارق

:ابعد يا خالد

:لا

:خالد ابعد

:لازم أخرج الرصاصة

ليصرخ طارق

DC shock250 Clear:

ظل طارق يصددها بالصدمات الكهربائية وما زال خالد مستمر في إخراج

الرصاصه دون يائس

300Clear:

ظل طارق يحاول بالصدمات الكهربائية ليعيد القلب للحياة دون جدوى
ليصرخ خالد

:النبض مش هيرجع غير بخروج الرصاصة دي

:ابعد يا خالد

:مش هبعد لازم تخرج

ظل جميع من بغرفة العمليات يأمرن خالد أن يبتعد حتى صرخ طارق
بزيادة الصدمات الكهربائية

ليعود فجأة النبض مرة أخرى نظر الجميع إلى خالد وجدوه قد أخرج
الرصاصة وينظر لها بانتصار ليأمرهم ببرود

:يلا نكمل

نظر له الجميع بإعجاب عدا طارق الذي ظل ينظر له بغضب

عاد الجميع مرة أخرى يعملوا بحذر

:أهو أنا كده هقدر أسيطر على النزيف اللي في الأورطي اشفطي الدم

قالها طارق ليصرخ خالد بضيق

:مش لاقى الرصاصة الثانية.... مش عارف هتعيش ولا لا

ليتوقف القلب مرة أخرى

:بسرعة يا منى DC shock

صرخ بها خالد ليعلو صوت طارق

:أنا مش هقدر أسيب الشريان

:لازم تسببه.... ابعدي يا طارق

قالها خالد بلهجة أمره ليتركه طارق بالفعل

300 Clear..... 250Clear :

عاد النبض مرة أخرى

ليتنفس الجميع الصعداء ويعودون للعمل مرة أخرى بين خياطة الجروح
ووقف النزيف

واستمر خالد بالعمل حتى وجد الرصاصة الثانية وتم إخراجها

بعد عمل استمر أربع ساعات انتهت العملية واتجهت المريضة للعناية

يقف خارج الغرفة يتحدث بهاتفه ويبدو على وجهه الإرهاق

:ها يا ابني طمني العملية نجحت

:هي عدت على خير يا بابا بس لسه مش هتعرف النتيجة إلا أما تشيل

الرباط

:على خير بإذن الله أنت في المستشفى دلوقتي

:أيوا

:طيب خليك عندها وأنا جاي

أغلق معه الخط ليجد زوجته تقف عند باب الغرفة تستمع للحديث من أوله

لتسأله بفضول

:عملت العملية

:أيوا الحمد لله أنا مبسوط أوي ومتفائل خير إنها هترجع تشوف

: اه طبعا أن شاء الله

قالتها ببرود ليسألها بتعجب

:مالك يا عالية شكلك مش مبسوط

:لا أبدا بس تعبانة شوية

:خير مالك حاسه بايه؟

:أبدا شوية صداع بس روح أنت خليك مع سامح

تركها ورحل لتترك لدموعها العنان لتسير على وجنتيها بحرية

كانت تتحدث مع والدتها عبر أحد مواقع التواصل

:ماما وحشتيني أوي أوي أوي

:ريما حبيبي وأنتي كمان كل حاجة عندك تمام أنتي كويسة

:كويسة أوي متقلقيش حتى قربت أفتح المرسم كمان

:الحمد لله

:مالك يا ماما أنتي كويسة

:عابد يا ريما

قالتها والدتها بحزن لتسألها ريما بقلق

:ماله؟!!

:أحواله مبقتش عجباني

:ايه ... ايه اللي حصل!!؟

:بقاله فترة ميعرفش عنها حاجة بقى زي المجنون عايز يشوفها بأي طريقة
حتى شغله بقى مهمل فيه وبقى متعصب طول الوقت

:سيبيه يا ماما

: أسيبه يضيع نفسه أنتي بتقولي ايه

:مش قصديقصدي سيبيه يعمل اللي في دماغه لحد ما يتأكد

بنفسه في الآخر أن تولين عمرها ما هتكون ليه

:أنا خايفة على أخوكي أوي

:صدقيني يا ماما كلامك عمره ما هيجيب نتيجة طول ما هي شاغله

دماغه سيبيه يعمل اللي شايفه صح

:هيتوجع

:هيفوق

:ربنا يهديكم يا ولاد

:يارب يا ماما

:اوعي تنسي تبعتيلي صور من الافتتاح

:حاضر متقلقيش

:سلام يا حبيبيتي

أغلقت معها الخط وهي تفكر في الحالة التي وصل إليها شقيقها

ترى أحقا يوجد شخص يستحق كل هذا الحب الذي يحبه شقيقها

لتولين!!؟

استيقظت حورية وهي تشعر بألم خفيف برأسها

ثواني لتستوعب هذا الشاش الأبيض الموجود حول عينيها

:ايه دا

قالها بتوتر ليطمئنها أكرم

:اهدي يا حورية أنتي كويسة متخافيش

:ايه اللي على عيني ده

أجابها سامح بسعادة

:أنتي عملتي العملية وهترجعي تشوفي

اتقبض قلبها بخوف

:ومين أدلكم الحق أنكم تقررُوا بالنيابة عني أنا مش عايزه أعملها

صرخت بها ليندهش الجميع من انفعالها المبالغ ليحببها سامح

:حورية يا حبيبتي أنتي خلاص هترجعي تشوفي

:ومين قالك إني عايزه أشوف ...أنا مش عايزه أشوف حد

:أنتي بتقولي ايه يا حورية

قالها سامح بتعجب لتصرخ هي بالجميع

:اطلعوا برا برا مش عايزة حد هنا برال

صرخ أكرم بالمرضة يستعجلها بحقنة مهدئة

أعطاها إيها سريعا لتغرق بعدها في ثبات عميق

تحت أنظارهما المتعجبة.... اتجه الاثنان للخارج

استند سامح على الحائط بإرهاق

نظر له أكرم بتساؤل

:شكلك منمتش

:فعلا

:هو..... يعني أنت وحورية مخطوبين بقالكم قد ايه

:من يوم ما اتولدنا واحنا لبعض ... احنا ولاد عم

:مش يمكن أعذرنى يعني حاسه إنها اتسرعت في موضوع الارتباط

:فاهم قصدك بس اللي متعرفهوش إن يوم خطوبتنا سألتها نفس السؤال

إنها ممكن تكون اتعودت على وجودي حوالها طول الوقت مش أكثر

:وقالتلك ايه؟!

سأله أكرم بلهفة

:قالتلى إني أكثر حد حبته في حياتها وإني بالنسبالها بقيت كل حاجة ومش

عايزة إننا نبعد عن بعض أبدا

:طب وأهلها كان رأيهم ايه؟

:عمى مات وحورية لسه ١٥ سنة و مراته حصلته بعدها بأربع سنين, من

وقتها وحورية عايشة معانا في البيت ووالدتي اللي ربتها وكبرت قدامي

..... يمكن عشان كده أوقات كثير بحس إنها مسئولة مني وإنها زي بنتي

.... عشان كده مستغرب تصرفاتها دلوقتي ومش قادر أفسرها

ابتلع أكرم تلك الغصة بحلقه,
يشعر أن حبه لحرورية الآن أصبح محرم عليه,
يبدو أن سامح هذا يحبها حقاً,
لكن هل هو يحبها بذاك القدر الذي يحبه لها سامح
لا يهم الآن من يحبها
بل الأهم هي... من تحب؟

صحيح يا دكتور فيه حاجة مهمة حصلت لازم أقولها
:ايه هي؟

:في حد غريب اتصل بيا وقالى أخلي بالي على حرورية طول ما هي في
المستشفى كأنه كده بيحذرني من حاجة بس مش فاهم ايه هي؟!
اندهش أكرم وعقد حاجبيه بتعجب!!

:مين ده؟!

:لما سألته عن اسمه قفل ومردش

:مقالش حاجة تاني

:لا

:ده شكل حد بيستخف دمه معاك سيبك منه

قالها أكرم ولكن في قرارة نفسه لم يكن مقتنع بتلك الفكرة

هو أيضا أخذ عقله يتساءل من يكون ذلك الشخص؟!

ولم يفعل ذلك من الأساس

:بس أنا كان عندي سؤال يا دكتور

:اتفضل

:أنت ليه بتعمل كده مع حرورية يعني ايه دكتور قدامه مريضة مش

عايزة تعمل عملية هيسبها ويلاقي ميت مريض غيرها ليه تخاطر

بشغلك وتعمل عملية من غير ما المريض يعرف

:بس أنت كنت عارف وأخذت رأيك

:بس هي مكنتش عارفة وده كان ممكن يعملك مشكلة

كان في سؤال سامح معني خفي لإجابة يود أن يسمعها من أكرم

لكن يبدو أيضا أن أكرم أذكى مما توقع

:إنقاذ حياة الناس مفيش فيها استئذان ... وأنا دكتور وشايف قدامي مريضة
فاقدة الأمل وهتضيع عمرها فمقدرش أسيبها ولا أنت شايف ايه
ثواني مرت في صمت ليجيبه سامح ببرود

: صح

يبدو أن الشك بدأ ينهش بقلب سامح
ويجب علي أكرم توخي الحذر

اتجه أكرم إلى المكتب ليجد خالد هو الآخر يجلس بإرهاق بعد أن انتهى للتو
من عملية جراحية

:ها عملت ايه؟

: صحيت وبتعيط عشان عملت العملية

:وخطيبها؟

قالها وكأنه يذكره أنها مرتبطة لينظر له أكرم بغل

:على فكرة خطيبها قالي حاجة غريبة

:ايه هي؟

:في حد اتصل بيحذره من وجود حورية في المستشفى

:بيحذره!!..... ليه يعني ايه اللي هيحصلها وبعدين حد مين ده

ما إن أنهى خالد تساؤلاته

لتدخل بتلك اللحظة عايدة وهي تبحث عن طارق

ليجيبها خالد أنه الآن بغرفة الأشعة

نظر أكرم لخالد بتفكير ليسأل الأخير

:تفتكر؟!

:ليه لا

:وهيستفيد ايه؟!

:اللي زي دول مش مهم عندهم الاستفادة ... الأذى حاجة كده بتجري في

دمهم

:ربنا يكفيننا شرهم خلي بالك يا أكرم

:ربنا يستروأنت كمان خلي بالك فكرة إنك تدخل معاه العمليات

دي مش هتعددي بالسهل

:متقلش أنا بعرف أتصرف معاه

حل الليل على شواطئ الإسكندرية
يقف خالد أمام شاطئ البحر ومازالت تلك الكوفية الزرقاء القصيرة تلتف
حول رقبته

ينظر إلى أمواج البحر التي تتصارع مع بعضها في تحطيم تلك الصخور
و كأنه يرى ما يحدث بقلبه يتجسد أمامه الآن
تلك المشاعر المختلفة التي تتصارع معا بقلبه الآن
أما هو يقف ليرى من الفائز بآخر المعركة
يخشى ألا يفوز أحد بالأخير ويصبح بالنهاية شخص خالي من
المشاعر..... إنسان بلا روح
لا يعلم ظهور تلك الفتاة هل هو نعمة أم نقمة؟

طوال اليوم وهي وحدها تتألم في صمت ... تبكي في صمت تلملم
جروحها في صمت
وهل لك الحق في شيء غيره؟
من المفترض الآن أنه على وشك الوصول لا تعرف ماذا ستفعل أن رأته
تقتله؟؟ لا هي أجبن من ذلك..
تهرب؟؟ حاولت ذلك مرار وتكراراً وكانت النتيجة دائماً تنتهي بالفشل
يا الله أعطيتها القوة للسمود حتى تنتهي من هذا العذاب
ساعات وساعات مرت ولم يأتي
ترى أيشعر بالذنب لما فعل لذا يخشى أن يريها وجهه!!؟
ضحكت على تفكيرها الساذج
حمقاء أنتي يا تولين ذنب!!... من الذي يشعر بذلك... يزيد!!
تلك المشاعر لمن يملكون قلوب بين ضلوعهم يا عزيزتي
لكن.... هل ليزيد قلب من الأساس؟؟
دائماً ما تسأل نفسها هذا السؤال
حتى يأتي هو ويجيبها بأفعاله الشنيعة لتتأكد من إجابتها
ظلت على هذا الحال تجلس على الأريكة بارهاق حتى غفت في ثبات عميق

أما هو كان يجلس بأحد الملاهي الليلية يسترجع أحداث تلك الليلة المشؤومة
لما فعل بها هذا أي ذنب ارتكبت
يعلم جيدا أنه لا دخل لها بما حدث
لكنه أراد أن يثبت لها قبل نفسه أنها ملك له وحده فقط
وبالأخير ما النتيجة جعلها تكرهه أكثر من قبل
نعم يعلم أنها تكرهه وتخشاه
وهو يسعد بذلك يظن أنه كلما زاد الخوف زاد السجن قيود وتظل هي
خاضعة له

لا يعلم أنه كلما زاد الخوف زاد الكره
اقتربت منه إحدى الفتيات كانت مثيرة بحق, أعطته كاسا من الشراب
ليتناوله هو دفعة واحدة لتبتسم الفتاه بانتصار نظر لها وهو مغيب ليتخيلها
ويهمس باسمها..

تولين:

تعجبت الفتاة من الاسم لكنها ابتسمت بالأخير لا تهم الأسماء الآن
واقتربت منه أكثر وهي تحتضنه ليرحلا معا سويا للخارج

عاد إلى منزله وهو يفكر في خلق أي حديث معها لكن ما هي المناسبة
تذكر تلك الكوفية حول رقبتة
حسنا حسنا هيا يا خالد تشجع
أخذ نفسا عميق واتجه نحو باب منزلها ودق الباب دقائق سريعة مرتجفة
انفتح لتقابلها بابتسامة بسيطة
كان أول شيء استقبله هو رائحة القهوة المانو المحببة إليها وبالطبع صوت
فيروز

أهلا يا دكتور

أهلا آنسة ريما اتفضلي

مد لها يده بتلك الكوفية

خليها معاك لو لسه تعبان

لا خلاص أنا بقيت كويس ... متشكر أوي

كاد أن ينصرف لكنها طلبت منه الانتظار رحلت من أمامه تحت أنظاره
المتعجبة ثم عادت وهي تحمل ظرفين وتعطيه إياهم
:أنا عندي مرسم صغير كده للوحات قريب من محطة الرمل هيفتح آخر
الأسبوع و دول كارتين دعوة
ابتسم وهو يجيبها بتساؤل
:طب الكارت ده ليا الثاني لمين؟
:كان في حد شوفته معاك هنا مرة لما اللوح وقعت مني قدام الباب
:اه ده أكرم دكتور زميلي هينبسط أوي بالدعوة متشكر أوي
:العفو

:تصبحي علي خير
:وأنت من أهله عن إذنك
أغلقت الباب ليقفز هو بفرح كالأطفال, ثم نظر حوله إذا كان قد لمح أحد
وهو يقفز هكذا ستضيع هيئته وسط العمارة بأكملها
اتجه سريعا نحو شقته ليدخل ويلتقط صورة ندى ويدور بها كأنه يرقص
معها ليعلو صوت جارة القمر مرة أخرى من الشرفة.

عندي ثقة فيك
عندي أمل فيك وبيكفيك
شو بذك يعني أكثر بعد فيك؟
عندي حلم فيك
عندي وَاَع فيك بيكفيك
شو بذك إنه يعني موت فيك؟

«القمر السابع»

بكذا حل فجر يوم جديد لم يستطع عابد النوم كعادته منذ أن رآها اخر مرة
وهي ذاهبه مع زوجها لا يعرف الي اين لم تغيب صورتها عن قلبه
ارتدي ملبسه سريعا قرر أن يراها الان وبأي طريقه
ركض سريعا إلى أسفل

أخذته قدمه نحو طريق منزلها الذي يحفظه عن ظهر قلب
ظل يتطلع الي شرفة منزلها لكنه لم يراها حتى انوار المنزل جميعها
مظلمه

لا يعلم من اين أنته تلك الجرأة ليطرق باب المنزل
كانت نائمه على تلك الكنبه الصغيره كما هي منذ الصباح
تعجبت عندما سمعت تلك الطرقات

غريب يزيد يملك المفتاح لما يطرق الباب إذا
الاغرب أنه يغلق الباب دائما بالمفتاح ويأخذه معه
كيف ستفتح له

اتجهت لتنظر من العين السحرية
اتسعت أعينها في دهشه

عابد!!

غبي!!!

كيف يجرؤ

حدثته من خلف الباب بخوف

: عابد ... كيف وصلت لهون روح قبل ما يشوفك الحارس

: الحارس مش موجود افتحي الباب عايز اشوفك

تعجبت من عدم وجود الحارس لكنها لم تهتم

: انت بتعرف يزيد بيسكر الباب كل ما يطلع

: طيب بصيلي من الشباك

اتجهت نحو نافذة صغير بجانب الباب تطل على الشارع

فتحتها ونظرت له من خلالها كانت كافيه فقط لأن تخرج كفها

: تولين وحشتيني

: عابد اشنتلك كثير

اخرجت كفها ليلتقطها بلهفة

اما هو فقبل كفها قبله رقيقه ارتعشت لها قلبها

: عمل فيكي ايه

سألها بلهفة لتدمع أعينها بحزن

: عابد انا بدي اطلع من هون ... بدي ارجع ع بلدى بترجالك ساعدني

شعر بخوفها يمزق قلبه الي أشلاء

: عمل فيكي ايه احكي لي

: بترجاك عابد ما بدى احكي بس ساعدني اطلع من هون

: هطلعك يا تولين ساعتها محدش هيقدر يبعدك عني

: بس كيف راح تطلعي

: اسمعي

بدأ يشرح لها عن كيفية خروجها من هنا دون علم يزيد

وهي تستمع بلهفة تتمني ذلك اليوم الذي تخرج فيه من هذا السجن وتحصل

على حريتها

تقف امام المراة تتحسس ذلك الشاش الطبي الملفوف حول عينيها

صحيح انها لا تريد ان تري العالم مرة أخرى

هي كحمامة السلام التي قتلتها نفوس البشر الجشعة

وعلي الرغم من ذلك تحسست الشاش الطبي بخوف وتوتر بدأت في إزالته

تدرجيا حتى انتهت

ظلت مغمضة عينيها لا تريد أن تفتحها

مشاعر مختلطة تلفها الان

شعور بالفرحة أنها لن تشعر بالعجز أو النقصان مرة اخرى

وشعور بالخوف لأنها ستعود لذكري حاولت الهروب منها طوال الأيام

السابقة

بدأت في فتح عينيها تدريجيا ببطء

: حورية

قالها أكرم بتوجس ازدرد ريقه وهو يراها تنظر له

: دكتور أكرم انا شايفة

قالتها بسعادة لم تخلو من الخوف

كاد أن يركض اليها ويحتضنها لكنه عاد لرشده بأخر لحظه

توقف وهو ينظر لها بحب ويسألها

: حاسة بايه دلوقتي

: مش عارفة خايفة مبسوطة مش عارفة ... مش عارفة

: لازم تكوني مبسوطة انتي هترجعي لحياتك
: حياتي مكانتش حلوة زي ما انت متخيل حياتي اتشقلبت في لحظه
: بقا عندك القدرة دلوقتي أنك تصلحها
: مش كل الي انكسر بيتصلح ساعات بيترمي
: خلاص ارميه
: تفتكر هقدر
: انتي قدها
: جايب الثقة فيا دي منين ده انا كنت خايفة اعمل العملية رغم أنك
كنت دايمًا بتأكدلي انها بسيطة
: وقتها مكنتيش شايفة لكن دلوقتي الوضع اختلف
: دكتور أكرم
: نعم
: انت بتحبني؟؟
تفاجا من سؤالها هذا
اخر شيء قد يخطر على باله الآن أن تسأله هذا السؤال
: أكرم
نادته بصوت خافت ارتعش له قلبه
ماذا تريدون أن أجيبك الان يا حورية
أن اخبرك....
انني احبك.... أنني لا أستطيع العيش بدونك
أنني منذ أن رايتك اول مرة صرت احسب ايام عمري
بعد أن كنت شخص لا يكثرث الا للحظه التي يعيشها الان
لقد كنت كالجبل لا تهزه الرياح أو تؤثر به الأمطار
جيئتي انتي وشققتي بحبك كهف صغير أنار ظلمه قلبي
نعم احبك ولكن اعلم انكي بعيده تماما عن عالمي
انا كموج البحر الهادر وانتي نجمه تتلألأ في سمائه لا يملك منك سوي ان
يري ضوءك من بعيد ليحدث ضجيجا مع الصخور على شاطئه لأنه سعيد
برؤيتك اليوم
: لا

قالها ببرود أجاد تمثيله

لكنه تفاجأ بسرعة اجابتها كأنها كانت تعلم رده

: كذاب

: نعم

: ايوا كذاب يا دكتور

: انتي عايزه ايه

قالها وهو يوليها ظهره يخشى أن تفضحه عيناه

: عايزه اسمعها منك

: هي ايه

: أنك بتحبني

كاد أن يجيبها بلا

لتردف هي سريعا وهي تجعله ينظر إليها مره اخري

: متقولش لا... مش محتاج تقولها عشان اعرف كفايه إني كنت بحسها في

كلامك في خوفك عليا لما كنت برفض اعمل العملية وشايفاه دلوقتي في

عينيك ... عينيك الي بتداريهم عني عشان مشوفش فيهم حبك

: انتي جبتي الكلام ده منين

: من قلبي واتمني أنه يوصل لقلبك

: انتي اتجننتي انتي مخطوبه

: مش بحبه

: وبتحبيني انا؟

: ايوا

: ازاي وانتي اول مرة تشوفيني دلوقتي

: الانسان مش محتاج لعيون عشان يشوف الحب الإنسان هنا محتاج قلب

بينبض ويحس

: لكن انا بحب واحده تانية ومقدرش احب غيرها عن اذنك

قالها والجفاء ملئ صوته ليرحل بعدها ببرود

تركها مصدومة وعيناها قد اغشاها الدمع

كيف؟!!

كيف يرفض حبي له

كيف يضرب بمشاعري عرض الحائط هكذا
مشاعري الغالية الثمينة كيف يلقيها خلفه دون اهتمام
كيف آتته الجراءة أن يجرح كرامتي بهذا الشكل
اقسم لك يا أكرم أن اجعلك تندم عن فعلتك تلك في أقرب فرصه

في الصباح يوم جديد يطل على عروس البحر المتوسط وبأحد الاماكن
الهادئة المظلة على الشاطئ يجلس سامح بمفرده
برأسه تتصارع العديد من الأفكار
ظل شاردا لدقائق ليظهر أمامه فجاه اخر شخص يتمني وجودة ليس الان بل
بحياته بأكملها

: سامح

قالتها دينا تلك الفتاه الطويلة السمراء الذي يميزها شعرها الاسود القصير
كالفتيان وذلك القرط الصغير اللامع المعلق بأنفها

: انتى ايه الي جابك هنا

: وحشتني

: انتى مبتز هقيش

قالها سامح بحده

: بقالي مده بحاول اوصلك مش عايز ترد عليا

: ودة ما لفتش نظرك انى مش عايز اشوفك ابدا في حياتي

: سامح انا بحبك

: وانا للمرة المليون الي اقولك فيها مبحبكيش وابعدى عني وبطلي تتصلي

عليا

: طب ادي نفسك فرصة تسمعني

: انتى مش مكسوفة من إلى بتعملية

: هو الحب عيب

: لا الحب مش عيب لكن عارفة ايه هو العيب إلى بجد إنك تفضلي تجري

ورا واحد عشان يحبك وهو مش عايزك وترمي نفسك عليه هو ده العيب يا

دينا

: كل ده عشان حورية

صرخت بها بوجهه ليقابلها هو الآخر بصراخ

: دينا كلمه زياده وهتصرف معاكي بطريقة مش هتعجبك ابدًا

: سامح انت لو ركزت هتلاقي أن حوريه محبتكش قد الحب إلى انا

حبت هولك حورية اتعودت علي وجودك في حياتها بس

: وانا بحب حورية يا دينا ومش هقدر أدى قلبي غير ليها

: هتندم في يوم على حبك ليها يا سامح صدقني

: بيبقي ساعتها انا إلى اخترت يا دينا

: ده اخر كلام عندك

: ايوا

: ماشي يا سامح بس صدقني هيجي اليوم الي تتمني فيه انا ارجعلك

تاني

رحلت من أمامه وتركته

كانت تحاول جاهدة منع الدموع التي ملأت عينيها من أن تخونها وتسير

علي وجنتيها

بينما حاول هو ان يهدأ لكن دون فائدة ثواني ليرحل هو الآخر وبداخله

شحنه غضب حاول تفريغها طوال الطريق

استيقظ بخوف كان العرق يتصبب من جميع أنحاء جسده

حلم غريب لا يفهمه

ندى بهيئتها الملائكية كانت تسحبه من يده نحو عالمها الطاهر ليجد نفسه

فجأة تم تقيدته بأغلال وشخص غريب يسحبه بعيدا عنها كان يصرخ باسمها

وهي تحاول مد يدها له بأقصى درجه دون فائدة لم يستطع أن يتبعها وهي

لم تستطيع أن تسحبه نحوها ليتبخر فجاه جسدها في الهواء كأنها لم تكن

يا الله ما تفسير هذا الحلم يا ترى

تلك هي المرة الثانية التي تظهر بها ندى خلال فتره قصيره

بالتأكيد تحاول إرساله رسالة ما له لكنه لا يفهم

هل هي غاضبه منه بسبب قربة لريما

هل تظن أنه لم يعد يتذكرها

الا تعرفين أنك متربعة على عرش قلبي منذ زمن يا ندى

اااه يا الله لما لا تخبريني بشكل صريح ما تريدين البوح به

لقد سئمت من تلك الالغاز تعلمين انني لست بارعا بها

ظل يفكر للحظات حتى خطر على باله أكرم

: الو ايوا يا أكرم انت في المستشفى مش كدة

: لا انا قاعد مع عم حلیم

: انا جايلك حالا

اغلق معه الخط واتجه يرتدي ملابسه في عجاله

كان يجلس أكرم مع عم حلیم لكنه يجلس بجسده فقط أما عقله شاردا بمكان

اخر

: افرد وشك يا واد يا أكرم انا מבحبش الكأبة

: حقك عليا يا عم حلیم انا بس تعبان شوية

: جتكم الهم جيل خايب مش طالعین لعمكم حلیم ده انا في شبابي مكانش فيه

حاجه تقدر تعكنن عليا الا اما أحلها

: يا ريتنا كنا عايشين في زمانك يا عم حلیم

: كنت هتبقى خايب بردو

: هههههه خلاص علمني

: استنوا متبدئوش دلوقتي انا عايز اسمع

قالها خالد الذي وصل لتوه ليشاركهم الحوار ليردف

: وحشتني يا راجل يا طيب

: بس يا بكاش وانا لو وحشتك كنت تسأل عليا القهوة مش بعيدة

: حقك عليا وادي راسك

قبل رأسه بحب لبيتسم عم حلیم ويربت على كتفه

: احكي بقا يا واد يا أكرم مالك

بدأ أكرم يحكي ما حدث بينه وبين حورية ليستمع خالد وعم حلیم باهتمام

تجلس بصاله منزلها تنهي بعض الاشياء استعدادا لاستقبال الزوار بأول يوم

افتتاح للمرسم

وضعت ام كريمة بجانبها فنجان القهوة المانو

: تسلّم ايدك يا ام كريمة

: بالهنا والشفاف على قلبك يا ست ريما

: صحيح يا ام كريمه انا عندي سؤال عايزه اسئله ليكي من زمان اوي

: قولي يا بنت الغالي

: انتى اسمك الحقيقي ايه

ابتسمت ام كريمه بحنين وصمتت ثواني كأنها تسترجع ذكريات قديمه ببالتها

لتجيب اخيرا بشجن

: ازهار

ابتسمت ريما كأنها اكتشفت اخيرا سر من اسرار الكون

: اسم حلو اوي

: ايووووه عليكى يا ست ريما فكرتيني بالذي مضى

: الي هو ايه بقا

: المرحوم الله يرحمه

: هو ميت بقاله قد ايه

: من وكريمه عندها أربع سنين

: ياااه كانت صغيره اوى وانتى كمان كنتى صغير طب ليه مفكرتيش

تجوزي تاني

: يعني هناخد زما وزمن غيرنا

: زمن ايه بس يا وليه ده انتى لسه صغيره وزى القمر طب جربي كده

تغيري الاسود ده وتلبسي ألوان مطرقة والله هتلاقي طوابير عرسان

: يا ندامه انا اغير الاسود ده كان المرحوم يزعل مني والمرسى ابو

العباس انتى فايقة يا ست ريما

ضحك الاثنان بسعادة

لتطلب منها ريما ان تقوم بتشغيل المسجل وترفع الصوت

حيث يعلو صوت فيروز بالمكان كالعاده

مدت ريما يدها لتتناول قهوتها لتفزع فجاء

يالهي ما هذا

قطرات دماء على يدها من أين جاءت

شعرت بسائل دافئ أسفل أنفها تحسستها بيدها

إن تلك القطرات منها هي

جاءت لتنهض سريعا ليدهما ذلك الدوار مره اخري ولكن بشكل شديد
لتسقط فاقدة للوعي
انتبهت ام كريمة لصوت هذا الارتطام لتجد ريما خلفها تفترش الأرض
وهي غائبه عن الوعي
: ست ريما ست ريمااااا

هيدي عم بحكيك قصة بشعة كثير
وحلوة كثير..
بس هيك بتصير، عن حالي
هيدي قصة معقولة كل يوم تصير
وبتصير كثير..
واسمعا أرجوك، كرمالي

«القمر الثامن»

تجلس تتذكر كل كلمة قالها عابد عابد هذا الشاب بالنسبة لها هو طوق
النجاة الذي أرسله الله لها كي يساعدها على تحمل كل هذا العناء الذي لاقتة
في حياتها.
تتمني أن تتجح خطته لتهرب من هذا السجن وسجانه معدوم الضمير
استمعت لصوت المفتاح وهو يتحرك داخل الباب

علمت أنه قد وصل ليدب الرعب أوصالها وينكمش جسدها لتحاطبه بيدها
كأنها تبثه الأمان
لقد تغيب عن البيت ليوم كامل
يوم واحد فقط كانت تتمنى أن يختفي لسنوات بلا عودة
مر من جانبها بصمت لم يلتفت لها حتى
تسلل إلى أنفها رائحة الخمر القوية لدرجة أنها كادت أن تقيء
صعد يزيد إلى غرفته في صمت ما أن فتحها عادت إليه ذكرى تلك الليلة
المشؤومة بينهما

نعم هي ليست المرة الأولى التي يقترب منها بهذا الشكل لكنها المرة الأولى
التي يحصل عليها بتلك الوحشية
ألقى نفسه على الفراش بإرهاق تذكر تلك الفتاة التي قابلها بالبار ليتذكر
عندما وصل معها إلى منزلها ظن أنه بذلك سينسى تولين ولعنتها على قلبه,
لكن الغريب أنه لم يستطع أن يقترب منها حتى وجد نفسه يلقيها أرضا وهو
يلعنها ليهرب سريعا من هذا المكان...

أغمض عينيه بألم وهو يردد
أكرهك يا تولين أكرهك
أكره قوتك ، ضعفك ، دموعك ، ضحكتك
وأكره روعي لأنها عانقت روعي

:ليه عملت كده

:عشان بحبها

:صبرني يا رب

قالها خالد بغيظ لأكرم

ليطلب منه عم حليم أن يكمل بهدوء

:لأنها مش بتحبني حورية دلوقتي مشاعرها متلغبطة بعد ما رجعت

تشوف تاني ولأن أنا السبب في ده هي وهمت نفسها إنها بتحبني ...

لكن الحقيقة إنها بتحب خطيبها ... هي دلوقتي مش شايفه ده لكن مع الوقت

ولما ترجع لحياتها تاني هتتساني تماما وتنسى أي مشاعر كانت حساها

نحيتي

:وحياة أبوك بلاش فلسفة وكلام فاضي.

:دي مش فلسفة دي الحقيقةالواحد مش لازم دائما يمشي ورا عواطفه
في أوقات لازم نتصرف فيها بعقل.

:بس أنت بتحبها يا ابني

:وعشان بحبها لازم أبعد عنها

:هتقدر؟؟

:هحاول يا عم حلیم هحاول

:طيب عن إذنكم أنا بقى لازم أروح المستشفى ... أه صحيح يا أكرم ريما
بعتالك الدعوة دي افتتاح المرسم بتاعها آخر الإِسبوع

:ريما مين؟؟!

:جارتى اللي ساكنة قدامى

:لا والله ... ده أنتم بقيتوا أصحاب بقى!

:اخرس يا أكرم وخليك في خيببتك

:حاضر يا سيدي وأنت رايح طبعا صح أحسن تزعل منك ولا حاجة
قالها أكرم بسخرية ليجد وجه خالد قد ظهر عليه الضيق ليردف هو

:خلاص.. خلاص يا عم بلاش البصة دي

:كاد خالد أن يرحل لكنه تذكر شيء ما ود أن يخبر صديقه به

:ليربت على كتف أكرم بإصرار

:«اذهب حيث يرتاح قلبك يا صديقي»

:اتجه كلا من سامح ووالده لغرفة حورية

:وجداهما تقف شاردة أمام الشرفة الصغيرة بالغرفة

:حورية

:قالها سامح لتلتفت له حورية ابتسم بسعادة عندما لم يجد ذلك الشاش الأبيض

:حول عينيها

:ركض إليها بسعادة ليحملها ويدور بها الغرفة بأكملها وصوت ضحكات

:والده العالية

:سامح نزلني مينفعش كده

:بحبك بحبك أوي يا حورية

نظرت له حورية بحيرة

:ألف مبروك يا بنتي ... أما الدكتور ده طلع شاطر بصحيح

:فعلا شاطر أوي

قالتها بسخرية بعد أن أنزلها سامح لتردف بضيق

:أنا عايزة أخرج من هنا أنا زهقت من المستشفى دي

:حالا هنزل أنا وبابا نخلص الحساب وأنتي جهزي حاجتك عشان نرجع
البيت

:بس أنا مش هرجع معاكم

نظر كلا منهما إليها باندهاش

:ليه يا بنتي حد منا داسلك على طرف

جرت أمامها عدة مشاهد مختلفة لم تنساها أبدا

كانت تلك المشاهد رفيقتها طوال رحلة علاجها السابقة

كانت تمدها تلك المشاهد بالضعف وقلة الحيلة

لكن وبعد حديثها مع أكرم تلك الليلة وجرحها العميق لكرامتها

قررت بداخلها أن ذلك الضعف ستدعس عليه بقدمها بلا شفقة ولن تعود له
مرة أخرى

:حورية اتكلمي

قالها سامح بنفاد صبر لقد تحمل منها الكثير طوال الفترة السابقة
معاملة غريبة

وتصرفات أغرب لا تفسير لها

والآن قرار أحقق لا يفهمه

:سامح من فضلك احترم قراري

:قرار إيه دا إن شاء الله عايزه تبعدي عننا وتقوليلي قرار ... ده احنا كنا

المفروض دلوقتي متجوزيين

:وده القرار الثاني احنا مش هنتجوز

:نعم ياختي

:سامح من فضلك اسمعني

:اخرسي يا حورية عشان متعصبش عليك

قالها وهو يمسح على شعره يحاول تهدئة أعصابه من تلك الحمقاء

:استهدي بالله يا بنتي ولمي حاجتك وتعالى معانا ونتكلم في البيت مش هنا
قالها والده لتومئ هي برأسها بإيجاب

نظرت بعينيها نحو سامح لكنها تكاد تقسم أنها رأت الجحيم بأكمله داخل
عينه

تعلم تلك النظرة جيدا.... نظرة تخبرها بأن القادم لا ينذر بخير
أنهوا جميعهم إجراءات الخروج لتذهب حورية مع عمها إلى البيت دون
سامح الذي أخبرهم أن هناك شيء مهم يجب أن ينهيه
نظرت له حورية بقلق وهو يرحل
وبرأسها تدور آلاف السيناريوهات السيئة التي يمكن أن تحدث

استيقظت ريمًا بتعب كانت تفتح عينيها شيئًا فشيئًا نظرت حولها لتجد أنها
بغرفتها

:الحمد لله يارب أخيرا فوقتي يا بنتي ده أنا كنت هموت من الرعب عليكي
:إيه اللي حصل؟

:فجأة وقعتي من طولك وخضتيني عليكي صرخت وجارتك فوق سمعتني
جت ساعدتني وشالتك معايا, كنت هطلبك دكتور بس هي قالتلي إنها كانت
ممرضة وإن اللي حصلك ده عشان ضغطك واطي

:هي الساعة كام

:٦ المغرب

:طيب روعي أنتي يا دادا وأنا شوية وهنزل وهبقي أروح الدكتور

:خلي بالك من نفسك يا بنتي

:متقلقيش عليا أنا هبقي كويسة

تركتها أم كريمة وحدها لتتذكر تلك الدماء التي كانت تسقط من أنفها
كان الشك ينهش قلبها بشيء ما لتتخذ القرار.... سنتأكد من شكوكها غدا

كانت تصعد السلالم في الخفاء تتلفت حولها بخوف

حتى دلفت المنزل

:كنتي فين يا بت

شهقت كريمة بفزع وارتفعت دقات قلبها

أأ...أنا...أنا هكون بعمل إيه يعني كنت عند البت ورد بجيب البضاعة

نظرت والدتها إلى يدها الخالية

هي فين البضاعة دي

لعنت كريمة غبائها بتلك اللحظة

ها.. ما أنا ملقتهاش

اقتربت منها والدتها ببطء لتصفعها بعنف فتسقط هي بألم

كنتي فين يا بت وإياكي تكذبي عليا

حاولت كريمة النهوض لتجذبها والدتها من شعرها وهي تردف

انطقي كنتي فين

وأنا هكذب عليكى ليه ياما بس قولتلك كنت عند ورد

أجابتها كريمة وهي تبكي بألم

وإن قولتلك أني لسه شايفة ورد وأمها في الطريق وسلمت عليهم و ورد

قالتلي إنها مشافتكيش بقالها شهر

اتسعت عين كريمة بخوف

أيعقل أن تنكشف خطيئتها؟!

ماذا سيحدث لها أن انكشفت ستدفن حية بكل تأكيد

خلعت أمها حدائها لتصفعها به وهي تصرخ

انطقي يا بت كنتي عنده صح...صح صح

كانت كريمة تحت يدها تصرخ من الألم

انطقي يا بت انطقي كنتي عنده بتعملي ايه انطقي فضحتينا

ظلت تصفعها مرات ومرات دون توقف لم تنتبه إلى وجه ابنتها الذي أصبح

أحمر كالدماء من كثرة الصفعات التي تلقتها

وبعد الكثير من الصراخ والصفع انتبهت إليها أخيرا نظرت لوجه ابنتها

لتجدها غائبة عن الوعي بوجه شاحب

كان يجلس على مقعد خشبي بدون ظهر أمامه تلك اللوحة البيضاء وبيده

قطعه خشب على شكل دائرة وضع عليها العديد من الألوان واليد الأخرى

بها تلك الفرشاة الصغيرة

تلك هي هوايته التي لا يعلم عنها أحد حتى صديقه خالد لا يعلم عنها شيئا

ربما أراد أن يكون له عالم خاص لا يوجد به أحد غيره هو وتلك اللوحات
كان قد أخذ عهد على نفسه أنه لن يفكر بها هي ليست له..... طريقهما في
الحياة ليس واحدا

لن يجمعهما القدر أبدا كفى يا أكرم كن رحيمًا بنفسك هي خلقت لسامح هو
يستحقها أكثر منك

أنت لا تؤمن بالحب لا تؤمن بتلاقي الأرواح لا تؤمن بلغة العيون
والعاشق الذي يرى معشوقه فتفضحه عيناه
كل هذا هراء

أمسك بالفرشاة دون إرادة منه وجد نفسه يرسم شيء ما
ظل يرسم دون وعي حتى بدأت ملامح الصورة تظهر شيئًا فشيئًا
نظر للوحة أمامه بصدمة

إنها هي شعرها الذهبي عيناها العسلتان يملأهما الحياة وشفتيها الحمراء
كالكرز

حورية ... وهي حقا حورية
حورية بحر خرجت من ظلمة المياه لتسحب نور حياتي نحوها وتجذبني
معها دون إرادة مني

لا لا لا يا أكرم ... عد إلى رشذك كفاك ما حدث
أخرجه من حديثه هذا صوت جرس الباب
اتجه ليفتح وكان آخر شخص يتوقع أن يلقاه هنا
:سامح !!

فاجأه سامح بلكمة قوية جعلته يقع أرضا ليظهر خط دم أحمر بجانب فمه
:أه سامح إلا قولي يا دكتور هو إيه رد فعل شاب زينا لما حد ياخذ منه
خطيبته؟

فهم أكرم ما يعنيه بكل سهوله لينهض سريعا
كان يظن سامح أن أكرم سيرد له اللكمة لكنه لم يفعل
على الرغم من قوة أكرم البدنية وهيئته الرياضية إلا أن سامح يتفوق عليه
جسمانيا

:أنا مش فاهم أنت بتتكلم عن إيه ... وعرفت عنواني منين
أمسكه سامح من ملابسه وظهرت جميع علامات الغضب على وجهه

:بجد مش فاهم حلو أفهمك إيه اللي خلى حورية تتغير معايا وتكره
حتى تشوفني كدة فجأة لا وكمان تغير رأيها في موضوع جوازنا
:وأنا مالي بقى ومال كل ده

:لإن أنت السبب ... أنا كنت حاسس إن فيه حاجة غلط بتحصل لكن كنت
بكذب نفسي وأقول مستحيل أنا وحورية بنعشق بعض وكل ده بس بسبب
حالتها النفسية لكن إنها تقول كده دلوقتي بعد ما نجحت العملية يبقى فيه
حاجة غلط

:كل كلامك ده ولا ليه أي معنى ... أنا.. أنا بحب واحدة تانية وهنتجوز
قريب ولو مش مصدقني استنى
اتجه أكرم إلى تلك الغرفة التي خصصها لوضع جميع لوحاته بها
سحب إحدى اللوحات الصغيرة بها رسمة لفتاة بيضاء بعينين بنتين وشعر
أحمر ناعم طويل, كان قد رأى صورة تلك الفتاة بأحد المجلات الموضوعه
على الرصيف ليعجبه مظهر الفتاة ويقرر رسمها
حملها واتجه بها إلى سامح يريه إياها
أهي هي دي حبيبتي وهنتجوز قريب صدقت إن كل اللي في دماغك دي
خيالات

نظر سامح لها بتعجب!!

أكرم يحب فتاة أخرى

إذا ما سر التغير الذي طرأ على حورية فجأة هكذا

إن لم يكن أكرم يحب حورية ... هل تحبه هي ولا تستطيع أن تبوح له
بهذا؟!!

أتعلم أنه يحب فتاة أخرى وقررت الاحتفاظ بحبها بداخلها لهذا ترفض
الزواج منه

أم أن هناك شخص آخر غير أكرم من الأساس

نظر لكرم بحرج..... قرر أكرم أن يرفعه عنه

:سامح حاول تقرب من حورية أكثر من كده حورية بتحبك أنت

أكثر من أي حد ثاني كل اللي هي فيه ده شوية اضطرابات بسبب الفترة

الصعبة اللي أنتم الاتنين مريتوا بيها أنا متأكد إنك لو قربت منها

واتكلمت معاها هتفهم حاجات كتير

نظر له سامح طويلا بصمت حتي قال
:هحاول.....هحاول....ومعلش بقى تعيش وتاكل غيرها
كان يشير إلى مكان تلك اللكمة تحسس أكرم مكانها بألم
:ما هي دي اللي بيسموها ضريبة المهنة
:ههههه..... عن إذتك وسامحني مرة ثانية
:ولا يهملك احنا شباب زي بعض وأنا فاهم
انصرف سامح لينتنفس أكرم الصعداء ويجلس أرضا خلف الباب بحزن
ليضرب رأسه بالباب عدة ضربات بغضب
كاذب يا أكرم كاذب
لينظر لتلك الغرفة التي كان يرسم بها وحمد الله سرا أن سامح لم ينتبه لتلك
اللوحة.

ز على طَوّل أنا وِيَاك.. وسنين بقيت
جَرَب فيهن أنا إنساك.. ما قدرت نسيت

«القمر التاسع»

ركضت سريعا لطلب المساعدة من جارهم ذلك الطبيب الشاب الذي لبي
ندائها سريعا
بمجرد أن رآها اتسعت عيناه ذعرا من هيئتها
جسدها المليء بالكدمات، آثار الدماء بوجهها الشاحب
ليدق الشك بابه....

إيه ده يا أم كريمه مين عمل فيها كده
:مش مهم دلوقتي المهم شوفها مالها
قالتها بجمود عجيب
فحصها لثواني وداوى جميع جروحها وكدماتها
ظل صامت لا يعرف بماذا يجيب
لم يكن الأمر يستحق التفكير ليعرف من فعل بها تلك الإصابات
فالأمم بات واضحا
لكن الأهم الآن كيف سيخبر تلك السيدة بهذا الخبر والجميع يعلم أن كريمه
غير متزوجه
:قول يا ابني بنتي مالها؟؟
:أنا أنا آسف يا أم كريمه بس لازم أقولك الحقيقة ... بصراحة
...بصراحة كريمه حامل
صدمة وكسره كبيره أطاحت بها لتسقط أرضا تلم وجهها وهي تصرخ
بحسرة
:اهدي يا أم كريمه كل شيء هيتحل
:ليه ... ليه ... ليه
هنا كانت قد بدأت كريمه تستعيد وعيها
لتركض أمها نحوها وهي تحاول جذبها من شعرها وتصفعها بكل مكان
تطوله يدها
حاول ذلك الطبيب إبعادهم عن بعضهم بكل الطرق
نجح أخيرا بصعوبة أن يبعد والدتها بالخارج أما كريمه تركها وحدها
بغرفتها وأغلق بابها عليها
:اهدي يا أم كريمه اهدي
:ليه يا بنتي ليه ليه عملي فيا كده ده أنا ضيعت عمري كله عشانك
تكون دي جزاتي يارتنى كنت قعدت عليكى فطستك يوم ما ولدتك
ظلت تهذي بالكثير وهي تبكي لتنتبه لذلك الطبيب وهو يقف أمامها في
موقف لا يحسد عليه...
هبطت نحو يده تقبلها ليتعجب من فعلتها!!!
:بتعملي إيه يا أم كريمه!؟

:ونبي يا ابني أبوس إيدك.. أبوس رجلك محدش يعرف حاجة

:بتقولي إيه طبعا محدش هيعرف

:كثر خيرك يا ابنيكثر خيرك

:أنا لازم أمشي دلوقتي عن إذنك

:اتفضل يا ابني

خرج الشاب بخرج وهو يدعو الله أن يسترها عليهما

اتجهت أم كريمة لغرفة ابنتها وهي تنظر لها بحسرة وندم

كانت منكشدة على سريرها بخوف تلف يدها نحو جسدها وهي تبكي

اتجهت إليها والدتها بشر

:انطقي يا بت هو اللي عمل كدة صح.... انطقي

هزت كريمة رأسها بلى لتثور أمها عليها بغضب

:وكمان خايفة عليه خايفة عليه بعد ما ضيعك ضيعتي نفسك عرف

يضحك عليك

ظلت تضربها ولم يكن بيد كريمة سوى أن تتوسل لها أن ترحمها

:انطقي هو ولا لا

:أيوا أيوا

صرخت أم كريمة بغضب

:ماشي يا كريمة ورحمة أمي هجيبك وأجيبه تحت رجلي وأكلكم بسناني

قالتها لتخرج من المنزل بأكمله...

كان فرق التوقيت بين مصر وكندا يقدر بست ساعات كان وقت بزوغ

الشمس

تأكدت تولين أن يزيد قد راح في ثبات عميق لتعطي إشارة لعابد من الشرفة

أن يستعد صف السيارة أسفل باب منزلها

اختلس عابد نظرة أخيرة للحارس الغارق بالنوم بعد أن رش بوجهه ذلك

المخدر

تملكتها الشجاعة لتحاول سرقة المفاتيح من جيب يزيد استطاعت إخراجها

بسهولة, جاءت لتخرج من الغرفة سريعا فسقطت منها المفاتيح لتصدر

صوتا مرتفع حبست أنفاسها خوفا ونظرت سريعا ليزيد لتجده نائم كما هو
تنفست براحة لتجري سريعا نحو الباب..
كان عابد يتابع هبوطها على السلالم الداخلية من النافذة الصغيرة التي حدثها
منها من قبل ليراها وهي تتجه نحو الباب ليذهب نحوه هو الآخر
كانت متوترة وخائفة بشكل كبير ظلت تجرب المفاتيح واحدا تلو الآخر دون
فائدة جربت مرارا وتكرارا
حتى شهقت بخوف عندما وجدت من يمسك يدها يمنعها عما تفعل
يزيد!!!

لوين رايحه؟؟

أنا... أنا كنت

بدك تهربي ... عن جد مفكره حالك بتقدري تهربي مني

يزيد الله يخليك تركني روح أنا عن جد تعبت وما بقى فيني أتحمل

كانت تتحدث وهي ترتعش بين يديه

بالخارج كان يسمعهم عابد من خلف الباب ليضرب الباب بعنف عندما سمع

صوت يزيد وهو يصرخ

ما راح أسمحك أبدا تروحي لأي مكان عم تفهمي أنا اشتريتك

بالمصري... أنتي ملكي أنا وبس يا تولين من يوم ما اتجوزنا وأنتي صرتي

من ممتلكاتي بتنفذي يالي عم أحكيك عليه وبس من دون نقاش جسمك

صوتك ضحكك دموعك إلي أنا وبس أنتي ملكي أنا وبس عم تفهمي..

ظل عابد يطرق الباب بعنف وهو يلقي يزيد بأبشع الألفاظ

اتسعت عين تولين بخوف

أكثر شيء كان يخيفها هو أن يلتقي يزيد وعابد معا

لأنها تعلم جيدا ما يمكن أن يفعله يزيد به.... تعلم أن يزيد لن يتركه حيا أبدا

وعابد لم يفعل لها إلا كل ما هو طيب لا تريد أن يكون جزائه منها هو

الأذى والألم

نظر لها يزيد بشر ثم فتح الباب ليقابله عابد بلكمة قوية لم تؤثر به

:عابد الله يخليك روح من هون

صرخت بها تولين ولكن لم يمهلهم يزيد لحظة للحكي فاتجه نحو عابد وظل

يسدد له اللكمات واحدة تلو الأخرى

كان يحاول عابد تفادي اللكمات لكن يزيد لم يعطيه الفرصة كانت
صرخات تولين تغطي على صوت اللكمات
رأت عابد على وشك فقدان الوعي لتتجه نحو يزيد وهي تبكي
:يزيد و حياة أغلى شي بحياتك تتركه ... مشان الله راح يموت وأنا مستعدة
أعمل أي شي تقول عليه ... الله يخليك
نظر لها يزيد وهي تبكي ليشعر أن قلبه يتألم لقطرات الندى التي تسقط من
عينها

:أنتي أغلى شي بحياتي يا تولين
قالها ليسحبها من يدها خارج البيت
:تولين

هتف بها عابد بصوت خافت وهو يتألم ووجهه مليء بالكدمات والجروح
نظرت له بحزن

:عابد بترجاك روح من هون وانساني
لم يستطيع يزيد السماع أكثر من ذلك ليسحبها خلفه سريعا وهي مسلوبة
الإرادة ركبت معه السيارة ورحلا دون أي كلمة منهما طوال الطريق
صامتة مستسلمة لما سيحدث أيا كان فهو لن يكن ببشاعة ما عانته معه
من قبل

ظل عابد يصرخ باسمها دون فائدة
ليدرك أن تولين رحلت للأبد...

كان يقف خالد في استقبال المشفى بإرهاق وهو يحتسي فنجان قهوته ويتابع
بعض الأوراق

ثواني واستمع إلى صوت أهاااات عالية تأتي عند باب المشفى ليجد شاب
صغير السن راقد على الترولي ومعه والدته التي تصرخ بفزع
:إيه الحالة؟

:وقع من على السلم

اقترب طارق منه

:معاك يا خالد

اتجه الاثنان إلى عيادة الكشف

تحسس خالد جنب المريض وهو يسأله عن موضع الألم ليصرخ المريض
من جنبه بألم

:لازم نشيل الزايدة يا خالد

:لا

:نعم

:ده مرض سيكوسوماتيك

:أنت مش شايف بيتوجع ازاي

:اديله مسكن وهيبقى تمام

:وأنا بقولك لازم يدخل العمليات

:تمام ... براحتك دخله العمليات لكن أنا مش داخل... ومش مسئول عن

اللي هيحصل

تركه خالد ورحل

ليأمر طارق بالفعل بتجهيز العمليات

كاد أن يبدأ لتدخل عايدة تسأله إذا ما كان يحتاج لمساعدة

:مساعدة إيه دي مجرد زايدة

بدأ طارق بفتح الجرح

كادت عايدة أن تزيلها ليووقفها طارق

:استني الزايدة سليمة

:إيه دا أه فعلا خلاص قفل العملية

نزعت القفازات الطبية ثم تركته ورحلت ليزفر طارق أنفاسه بغیظ.

اتجه سامح داخل البيت ليجد والديه يجلسان معا يتحدثون بهمس ويبدو على

والدته الإنزعاج

:سلام عليكم

:عليكم السلام يا حبيبي حمدالله على السلامة

:الله يسلمك يا ماما

:كنت فين يا سامح

سأله والده بفضول ليجيبه سامح وهو يدور بنظرة بحثا عنها

:مفيش يا بابا مشوار مهم كان لازم أعمله أو مال فين حورية؟

في أوضتها من ساعة ما وصلت وكل ما أدخل ألاقبها نايمة
قالتها والدته وهي تمص شفيتها بازدرء لم يكثرث لها سامح كثير ا ليتجه
نحو غرفته

:طيب تصبحوا علي خير أنا داخل انام
تركهما ورحل لينظر لها زوجها بضيق
:مالك يا عالية

:مالي ما أنا زي الفل أهو

:من ساعة ما حورية جت وأنتي مش عجباني

:ده متهيألك بس ...أنا تمام

:ماشي يا عالية هعمل نفسي مصدقك مؤقتا لحد ما أشوف موضوع الولاد
ده إيه آخرته

تركها ورحل لتتنظر هي إلى أثره بحزن

مازالت تتذكر الكثير من المواقف بأدق تفاصيلها

لم ولن تنسي أبدا

تلك الأحداث التي تركت بداخلها جرح عميق لم يلتئم بعد

كلما مر الزمن كلما زاد حرجها ألما

وكأن الزمن يضغط بكل قوته على جرحها دون رحمة

حاولت..... صدقا حاولت النسيان دون فائدة

وكيف تنسى والماضي يتجسد أمامها طوال الوقت...

وصل البيت أخيرا بعد يوم شاق بالمشفى ثم ذهابه للمقهى ليقابل عم حليم

ليغلبه كعادته بالشطرنج

لا يعلم حقا لولا ذلك العجوز لكان استسلم لأحزانه مع ذكريات زوجته

الراحلة

اتجه إلى صورتها المعلقة على الحائط ظل ينظر لها طويلا لتدمع عيناه

مرت العديد من المشاهد التي تجمعهما معا أمام عينيه

ليدعو لها بالرحمة ثم اتجه إلى غرفته

عقد حاجبيه بدهشة من المفترض أن يسمع صوت فيروز الآن مع رائحة

القهوة المانو لكن لا شيء

:عامل زي الزمن غدار

وها هو اختلاف آخر بينها وبين ندى

ندى تعشق البحر كانت تخبره دائما أنه جزء من روحها

لتردف هي

:موجة تاخذك وموجة توديك مش عارف أنت رايح فين بس أهو ماشي

معاه وخلاص وفجأة تلاقي نفسك تايه وبتسأل ألف سؤال أنا فين وإيه اللي

جابني هنا ويا ترى توصل في الآخر ولا لأ

:ده أنتي شكلك ز علانة من البحر أوي

:هو اللي ز علان مني لأنني فارقته كتير

:قد إيه؟

: ١٣ سنة و٣ شهور وأسبوعين

:هههههههههه..... ياااه ده عمر بحاله ليه حق يزعل منك

:أدينني رجعت أهو وبحاول أصالحه.....أنت عايش هنا لوحداك

:ها أااا..... أه

ارتشف بعض رشفات من فنجانة يحاول بها أن يداري توتره

عادت تنظر للبحر مرة أخرى ليسألها هو

:وأنتي برضه واضح إنك عايشة لوحداك مش كده؟

:تحسست تلك القلادة برقبته وهي تومئ رأسها بنعم

:بس شكلك مكنتيش عايشة هنا في مصر

:كنت في كندا

:طب بدمتك حد يسيب كندا ويرجع مصر

:طب بدمتك حد يسيب عروسة البحر ويسافر من غير ما توحشه

:على رأيك الواحد مجرد ما يبص للبحر شوية يحس أنه خلاص بقى

جزء من روحه كان فيه حد دائما بيقولي كده

:مين؟!!

:حد والسلام

:طب عن إيدك ثانية

تركته واتجهت للداخل ثواني وسمع صوت جاره القمر يعلو بالداخل

ابتسم لتعود هي مرة أخرى وهي تخبره بسعادة

:أهو كده اليوم يكمل...

شط إسكندرية يا شط الهوى
رحنا إسكندرية رمانا الهوى
يا دنيا هنية وليالي رضية
أحملها بعينيا، شط إسكندرية

«القمر العاشر»

لم تنم منذ وجدته يخرج فجرا ووجهه لا يبشر بالخير ظلت مستيقظة تنتظر
عودته

مر الكثير من الوقت بدأ الخوف ينهش قلبها
آلاف التوقعات التي صورها لها عقلها أن تحدث
سمعت صوت الباب يفتح ووجهت نظرها سريعا نحوه لتشهق بذعر
دخل عليها عابد بوجه مليء بالكدمات والجروح ملبسه الملتخة بدمائه

:عالبد إيه الي حصل؟!!!

:دي ... دي حادثة يا ماما متقلقيش

قالها بألم

لكن ألمه الجسدي لا يهم الآن

بقدر الألم الذي يشعر به قلبه لفراقها

رحلت ويعلم أنها رحلت للأبد

يتذكرها وهي تخبره أن يبتعد عنها وينساها

لم يستطيع حمايتها لم يستطيع إنقاذها

:لا دي مش حادثة مش ممكن تكون دي حادثة

توجه إلى أقرب مقعد ليجلس عليه بألم

ونظر لها دون رد

:هي؟!.....هي مش كده؟!?

قالتها كإجابة أكثر منها كسؤال لينظر لها بحزن

أوما رأسه بإيجاب لتردف بحدة

:طب وبعدين المرة دي جايلي متكسر المرة اللي جاية هستنى إيه

:استريحي يا ماما اللي كنتي عايزاه حصل تولين بعدت وبعدت للأبد مش

هشوفها تاني

كاد أن يتركها ويتجه لغرفته

لكنها أوقفته وهي تخبره بشيء جعله يقف ساكنا

:عابد حضر نفسك احنا راجعين مصر

استيقظ من نومه متأخرا

حقا كان يحتاج تلك الراحة منذ أيام التقط هاتفه ليجد كالعادة

العديد والعديد من الرسائل لم يحتاج أن ينظر لاسم المرسل ومن غيرها

هي التي لا تمل أبدا من إرسال نفس الرسائل كل يوم تعبر له عن حبها

وعشقها له

وهو كالعادة لا يحاول حتى فتح تلك الرسائل أو يهتم بالرد عليها

اتجه للخارج ليجد والديه على طاولة الإفطار

:فين حورية؟!!

في أوضتها هتكون فين

طب من فضلك يا ماما نادلها

سيبها هي لما تصحى هتخرج

لو سمحتي يا ماما عايز أتكلم معاها قبل ما أخرج

روحي يا عالية

حاضر

قالتها بضيق وهي تتجه نحو غرفتها لتشهق بذعر وهي تردف

حورية مش في الأوضة

نعم

قالها سامح ليركض سريعا نحو غرفتها ليتأكد بنفسه

زفر بغضب ليبحث بنفسه عنها بجميع أرجاء المنزل دون فائدة

توجه نحو باب المنزل ليبحث عنها بالخارج

لكنه توقف عندما وجد الشقة المقابلة لهم إضاءتها مشتعلة

التف لوالديه وهو يزفر بهدوء

خلاص يا جماعة لقتها

اقترب والده إليه بقلق

فين؟؟

في شقة تيته

قالها وهو يشير إلى الشقة المقابلة لهم ليبتسم والده بحنين

طب روحها بسرعة دي فرصتك

اقترب سامح من الباب ليجده مفتوح دخل بهدوء

أخذ يبحث عنها في كل مكان حتى سمع صوت بكاء يصدر من أحد الغرف

دخلها ليجدها تجلس أرضا وببيدها صورة قديمة لوالديها وهي تبكي بحرقة

حورية

ارتمت بأحضانها وهي تبكي دون توقف

استقبلها بين ذراعيه بحب تركها تفرغ كل طاقتها من غضب وضيق

رغم حزنها هذا لكنه سعيد

فبالرغم من غضبه منها لتصرفاتها الأخيرة

إلا أنه سعيد فمزال هو مصدر أمانها الذي تركض دائما إليه

ظل يربت على ظهرها بحب حتى شعر بسكونها بين يديه ليدرك أنها نامت
حملها, وخرج من الشقة بأكملها وتوجه إلى منزله ليضعها على سريرها,
كان قلبه يرقص الآن يشعر أنه قطع مسافة طويلة بالقرب إليها مرة أخرى
بعد أن كان يشعر أنهما يبتعدان كل البعد عن بعضهما لسبب مازال لا يعلمه
ظل يتأملها بحنين أزاح خصلات شعرها التي تزعجها وهو يحدث نفسه...
وعدي إليك يا حوريتي سأعيدك إلي مرة أخرى فأنتي لي حتى آخر العمر يا
أحلى ما في العمر.

كانت متألقة اليوم بحق تجلس أمام البيانو على وشك البدء في العزف
:أستاذة ريما أستاذة ريما أستاذة ريما
:نعم ... نعم نعم.... إيه يا كريم حرام عليك مش قولتلك متفصلنيش
:ما أنتي نسيتي تقوليلنا الورد ده نحطه فين؟
:يا خبر أنتم لسه مخلصتوش شدوا حيلكم الناس قربت تيجي
:ما أنتي اللي وصلتي النهاردة متأخر
قالها لتشرد لثواني وهي تتذكر سبب تأخيرها عندما ذهبت إلى أحد المعامل
لإجراء بعض التحاليل لمعرفة سبب ذلك الدوار الذي يداهما
:يا أستاذة

:أيوه ... أيوه معاك

:ها نحطه فين

:خلي واحدة عند الباب وواحدة هنا جنب البيانو

:تمام

ذهب ذلك الفتى النحيل ليفعل ما أمرته به

أما هي حاولت أن تهدأ لتأخذ أنفاسها بهدوء

:يارب كل حاجة تبقى كويسة

قالتها وهي تلمس حجر الفيروز الأزرق المعلق برقبتها

وبدأت بالعزف ((اللقاء الثاني))

بدأت تفتح عينيها ببطء استغرقت ثواني لتسترجع ما حدث

لنتسع عينيها بخوف

نظرت حولها لتجد نفسها تجلس على سرير بغرفة يبدو أنها بأحد الفنادق
صباح الخير:

نظرت له بخوف لنتعجب من تلك الإبتسامة على وجهه
أليس غاضبا!!

لن يعتدي عليها بالضرب كعادته
لن يبدأ بإهانتها ويذكرها أنها أحد ممتلكاته الخاصة
كيفك هلا.... منيحة

والله يعني أنت عن جد خايف عليا؟

أكد إذا ما خاف على مرتي على مين راح خاف
ظلت تنظر حولها بتعجب

أيعقل أنه يتحدث معي أنا!!

أنت مع مين عم تحكي

معك أنتي تولين حبييتي

حبيبتك!!!

اتسعت عيناها في دهشة خاصة وهو يجيها

أنتي زوجتي وحبييتي وأم ابني كمان

ابنك يزيد أنت فايق؟ بس متكون شربان

تولين أنتي حامل؟

شو!!!

قالتها بصدمة

لا بالتأكد هو يكذب

نعم نعم هو كذلك

يكذب كي يقيدني مرة أخرى معه في هذا المكان

لا لن أسمح له بذلك مرة أخرى

ايه تولين أنتي حامل

لا لا لا أنت اكيد عم تكذب مستحيل كون حامل

قالتها بجنون وهي تقف أمامه

اهدي حبييتي أنتي أعصابك تعبانة

:لا أنا كثير منيحة بس أنت اللي مو قادر تستوعب أني بكرهك وبستنى
اليوم اللي أبعد عنك فيه وما يكون إلك وجود بحياتي إبدأ وهاد الطفل أنا
راح نزله لأنني ما بدني أي شيء يجمعني بيك عم تفهم
قالتها بغضب وهي تصرخ لا تعرف من أين جاءت بكل تلك الجراءة كي
تقف أمامه دون خوف

مجرد تخيلها أنه يمكن أن يجمعها طفل بيزيد جعلها تفقد أعصابها
فوجود طفل سيهدم جميع فرصها للهروب منه
هذا الطفل عائق يجب أن تتخلص منه

أسودت عين يزيد بغضب لكن تلك المرة ليس منها بل منه هو
أيعقل أني جعلتك تكرهيني إلى هذا الحد

ماذا كنت تعتقد يا يزيد أنها ستطير من الفرحة عند علمها بهذا الخبر
أنا من أفقدتها حريتها حتى في التنفس بدون علمي
أنا من جعلت أيامها السابقة يملأها الخوف و الألم
حتى ذلك الطفل جاء من دون إرادتها

ماذا أنتظر أن ترتمي بين أحضاني وهي تقفز فرحا لذلك الخبر
اقترب منها ووضع وجهها بين كفيه لتتقابل أعينهما في لقاء يجمع كل
مشاعر الغضب والحزن والندم

:تولين حبيبتي بوعدك أني راح عوضك عن كل شي فات بس بدني منك
فرصة فرصة أخيرة بس أثبتك فيها إنني بحبك

:حب.. أي حب أنت اللي مثلك ما عنده قلب أصلا حتى يعرف شو هو الحب
..... لا يا يزيد ما تتعب حالك وتثبتلي إنك شخص منيح لأنني ما راح صدق
أبدأ وهاد الطفل أنا راح نزله لأنني بكرهه وبكره اليوم اللي أجي فيه عم
تفهم علي

:هيك لكان حلو كثير أكرهيني مثل ما بدك ... بس والله العظيم يا تولين إذا
بيصير شي لابني لأخليكي بتتمني الموت من يلي راح تشوفيه
دب الرعب أوصالها من حديثه لكنها حاولت أن تظهر قوتها أمامه
تابعته بعينها وهو يرحل وكالعادة سمعت صوت الباب وهو يغلقه عليها
لتجس مكانها وهي تبكي على حالها وتدعو الله أن ينقذها من بين يديه

دخلا المقهى سويا بحثا بعينيهما عن عم حلیم لیجدوه كالعاده مجتمع برجال
المقهى لیهزمهم فی الشطرنج
یا روقانك یا عم حلیم ولا حامل للدنیا هم
هتحدس الرجل ولا إیه یا عم أكرم
بصراحة أه یارب نص روقانك یا عم حلیم
اقتربا الاثنان منه لیبتسم فرحا
أخیرا جه حد یعرف یلعب بدل الفشلة دول.... تعالوا یلا ابدأ أنت یا خالد
أصل أكرم فاشل زیهم
هههههه كدة ماشی مقبولة منك یا عم حلیم
بدأ خالد وعم حلیم اللعاب
والله یا عم حلیم أنا بحسدك علی راحة بالك دی
یا عم أكرم الله أكبر عایزین الرجل ربنا یدیک الصحة وطولة العمر یا
عم حلیم
قالها خالد لیربت عم حلیم علی كتفه بحب
تسلم یا ابني
یا عم مش هحسده عم حلیم ده حبیبی
بص یا أكرم ربنا یا ابني عمره ما بیظلم حد كل واحد بیأخذ حقه كامل من
الدنیا, صحیح أنا مش معایا الجاه ولا المال وجایز أكون راجل علی قد
حالی كده لكن تعالی بص من الناحية الثانية بقی عندي أربع ولاد زي الورد
ربنا یخلیهم لیا و زوجة صالحة واقفة معایا وجنبي طول العمر وعمرها ما
اشتكت, رغم إن عدی علینا ظروف صعبة كتیر و عطاني حب الناس
وكفاية إنی بنام كل یوم و ضمیری مرتاح ودي حاجة یحسدني علیها ناس
كتیر
یا بختك یا عم حلیم أنت من الناس اللي ربنا بیحبهم
وأنت كمان یا واد ربنا بیحبك
و عرفت منین بقی
بص جواك عندك قلب طیب وصاحب بیحبك و.....
بس اللي بحبها مش من نصیبی یا عم حلیم
یبقی بتدور فی المكان الغلط یمكن نصیبك ربنا شایله فی حنة ثانية

بس هي دى اللي قلبي دق ليها
القلب سموه قلب عشان بيتقلب يا أكرم زي ما ربنا زرع حبها جواك قادر
أنه يشيله تاني
إيه يا جماعة بقى احنا هنضيع القعدة كلها في الكلام ولا إيه يلا يا عم حلیم
نلعب ولا تكون خايف
قالها خالد بسخرية
أنا اللي أخاف يا واد ده أنا اللي معلمهالك ولا نسيت
ماشى يا عم الأستاذ
ظلوا على هذا الحال في اللعب وكالعادة انتصر التلميذ على الأستاذ ليصفق
لهم جميع من بالمقهى
ليعلو صوت أحد الرجال داخل المقهى
ما تشغل لينا أي حاجة نسمعها يا معلم
ثواني ليعلو صوت جارة القمر لتبعث بصوتها الحنين داخل قلوب الجميع

بيقولوا الحب بيقتل الوقت
وبيقولوا الوقت بيقتل الحب
يا حبيبي تعا تا نروح
قبل الوقت وقبل الحب

«القمر الحادي عشر»

منذ ما حدث وهي تسمع صوت والدتها بالخارج تدعو عليها.... هي وهذا
الحقير الذي سلمت له نفسها بكل سذاجة على أمل أنه سيتزوجها
حمقاء، كاذبة، خائنة ومذنبه أيضا
نعم هي كل هذه وأكثر تعلم
ظلت تنتظر حتى راحت والدتها في النوم ودموعها على خدها لم تجف بعد
لتخرج وهي تتسحب كالمجرمين وتخرج من البيت لتذهب إليه

ظلت تركض دون توقف حتى وصلت إلى المبنى الذي توجد به تلك الغرفة
التي كانت تجمعهما سويا دائما

كادت أن تطرق الباب لولا أنها استمعت لصوت ضحكات نسائية تعلو من
الداخل

اتسعت عينيها بصدمة وهي تستمع لهما

: هو احنا مش هنتجوز بقى يا فتحي

: طبعا يا قلب فتحي بس أخلص من الدوشة اللي حواليا دي ونتجوز على

طول

: دوشة إيه؟

: موضوع كده مش مهم ... بس أوعدك أول ما أخلصه هاخدك ونتجوز

ونسيب البلد دي

هنا اشتعلت النار برأس كريمة ظلت تطرق الباب بعنف وهي تلقيهما بأبشع

الألفاظ

فوجيء فتحي من وجودها ليفتح الباب وهو يصرخ بوجهها بحدة

: أنتي اتجننتي يا بت أنتي

: مين البت دي يا فتحي

قالتها كريمة بغضب ليفاجئها ببروده

: وأنتي مالك

: مالي إزاي أنا مراتك

: نعم وده بأمارة إيه إن شاء الله

: أمارة إيه؟! أنت وعدتني بالجواز

: ورجعت في كلامي

: إيه!!! لا لا يا فتحي أبوس إيدك ده أنا سلمتلك نفسي

: وأنا متجوزش واحدة سلمتلي نفسها قبل الجواز

: أبوس إيدك يا فتحي أبوس رجلك أنا حامل أنا كده هتفضح

: يلا يا شاطرة روعي شوفي الواد ده ابن مين

: يعني إيه؟؟

: يعني العيل ده معرفش عنه حاجة روعي شوفي أنتي غلطتي مع مين

وجاية تلبسيه ليا

ده أنا هوديك في ستين داهية

قالتها وهي تصرخ

لترفع يدها لتصفعه لكنه كان الأسرع وهو يلوي ذراعها خلف ظهرها
بت أنتي غوري من هنا بدل ما أفضحك وأقول إنك جاية ترمي بلاكي عليا
ومش عاوز أشوف خلقتك هنا تاني وإلا هرمي على وشك الحلو ده مية نار
فاهمة...

قالها وهو يقذفها خارج الغرفة ككيس القمامة

نظر لها باشمنزاز ثم أغلق الباب بوجهها

نظرت للباب المغلق بغل وهي تقسم داخلها أنها ستجعله يندم على فعلته تلك

ثم ستنتقم من نفسها على ما جنته بفعلتها

ظلت تمشي بالطرق لا تعرف أين تذهب ودموعها تنساب على وجنتيها

دون توقف

هل تعود للمنزل مرة أخرى؟

لا لا بالتأكيد ستقتلها والدتها

إذا يا إلهي أين تذهب؟؟

أتظل بالشوارع؟ نعم يبدو أن هذا هو الحل

أن تظل منبوذة من الجميع تختبئ خلف صناديق القمامة كالفئران

نعم هذا ما تستحقه يا كريمة نتيجة ما جنيتي

استيقظ بعد وقت طويل قضاه في النوم العميق

ألم كبير يسري في جميع أنحاء جسده

اعتدل بظهره على السرير وهو يتذكر ما حدث أمس

سيظل هذا اليوم محفور في ذاكرته للأبد

صورتها وهي تطلب منه أن يرحل عن حياتها للأبد.... ستظل محفورة

بذاكرته

تطلب منه أن ينساها

حمقاء

ألا تدري أن الإنسان لا يستطيع أن ينسى التقاط أنفاسه؟

ألا تدري أن الإنسان لا يستطيع أن ينسى روحه؟

ألا تدري يا تولين أنكِ وجعي المحبب؟
دخلت والدته للإطمئنان عليه للمرة التي لا تدري عددها
:أخيرا صحيت عامل إيه دلوقتي
قالتها وهي تتحسس كدمات وجهه ليصدر عنه أنين خافت وهو يتألم لتردف
هي بألم
:شوفت آخرتها
:أرجوكي يا ماما مش عايز أتكلم في الموضوع ده تاني
:حاضر يا عابد
:أنا عايز أنساها يا ماما ... عايز أكرهها عايز أنسى إنها كانت في
حياتي عايز أخف منها
نظرت له والدته بتعجب ليردف
:أيوه يا ماما أخف ... حبها مرض ... مرض بيمشي في دمي لازم أخف
منه عشان أقدر أعيش
:ربنا مقلب القلوب يا ابني
:أنتي قولتي الحل يا ماما خلاص احنا لازم نرجع مصر
أنا مكنتش.....
:خلاص يا ماما أنا قررت لازم نرجع كفاية لحد كده

استيقظت بعد وقت طويل راحت فيه في ثبات عميق حقا كانت تحتاجه حتى
تستطيع ترتيب أفكارها
آخر شيء تتذكره هو وجودها في شقة جدتها القديمة
خرجت لتجد عمها وزوجته يجلسان أمام التلفاز
:تعالى يا بنتي تعالى
قالها عمها بحب لتقترب منه بخجل
:ها يا بنتي قررتي
:قررت إيه يا عمي
:موضوعك أنتي وسامح
ساد الصمت لثواني ليردف عمها
:أنا عايزك تتأكدى يا حورية إنك لو مش

:أنا موافقة يا عمي موافقة

ابتسم عمها بفرح وهو يأخذها بين أحضانها بحب أبوي افتقدته هي منذ زمن
:ربنا يفرح قلبك يا بنتي أيوه كده خلوا الفرح يدخل البيت ... ده القلب تعب
من كتر الحزن أما أروح أفرح الواد الغلبان ده وأكلمه
كانت عالية تستمع لهما بقلب يتمزق من الألم راقبت زوجها وهو ينصرف
تعلم جيدا إلى أين هو ذاهب الآن

ذلك المكان المعتاد الذي يبكي قلبها حزنا كلما أدركت ذهابه إليه
لا يعلم الجميع مقدار الحزن والألم الذي تحمله بصدرها طوال تلك السنوات
:مش هتقوليلي مبروك يا مرات عمي

اقتربت منها عالية وبصوت خافت يحمل كل معاني الكره
:عارفة يا حورية أنا عمري عمري ما كرهت حد في حياتي قد ما
كرهتاك

جاءت لترحل لتمسك حورية يدها بقوة
:ليه ليه كل الكره ده أنا عملتلك إيه عشان كل ده ... أنا طول عمري
باعتبرك زي أمي

:اخوسي
:مش قبل ما أعرف إيه سبب كل الكره ده أنا طول السنين اللي فاتت
وأنا حاسه إن فيه حاجز بيني وبينك بس مش عارفة إيه هوأنا عملت
ليكي إيه؟!!

:مش أنتي السبب

:أومال مين؟

قالتها بترقب لتتنظر لها عالية بحزن ثم تركتها لتبكي في غرفتها بصمت
وتركت حورية غارقة في حيرتها
تعاقب على ذنب لا تعلمه

لم يكف هاتفه عن الرنين منذ أن استيقظ وذهب إلى عمله مئات المكالمات
والرسائل التي ترجوه بها أن يرد عليها
حتى قرر أخيرا أن يرد ليوقفها عند حدها
حقا لقد طفح الكيل من أفعالها تلك

:ألو:

:سامح أخيرا رديت أنا كن....

:دينا ... للمرة الأخيرة اللي بقولك فيها ابعدني عن حياتي وأنا دلوقتي بكلمك
بالذوق بعد كده هيكون بالفعل فاهماني

:هتعمل إيه يا سامح؟؟

:حاجة متحببش تعرفيها

قالها ثم أغلق الخط بوجهها

ليترك خلفه قلب محطم لشظايا من الخذلان

بعدها انتهوا من اللعب في المقهى مع عم حليم توجهوا الاثنان إلى المرسم
لحضور الافتتاح

كان أكرم في قرارة نفسه سعيد لأنه سيحضر أمر كهذا

ف عشقه السري للرسم واللوحات جعله متحمس لحضور هذا الافتتاح

خصوصا أنه أول مرة سيحضر مناسبة كذلك

وصل الاثنان ليجدوا ريما مشغولة مع الحاضرين

كان المكان يتميز بالبساطة والراقي

مع العديد من اللوحات المنتشرة علي جميع الحوائط يبدو أن ريما فنانه بحق

كانت معظم اللوحات لمناظر طبيعية من دول مختلفة

لكن هناك بعض اللوحات يبدو أنها مرسومة منذ فترة طويلة فالأوراق بها

مالت للاصفرار والألوان بها أصبحت باهتة

:نورتوني

قالتها ريما وهي مقبلة عليهما وتحمل بيدها علبة شيكولاتة تقدمها لهما

لتردف

:إيه رأيكم في المكان؟

:حلو جدا

قالها خالد وهو يلتقط قطعة شكولاتة ليتبعه أكرم

:المكان شيك جدا

:طب إيه رأيكم في اللوح

:حلوة جدا بس عندي سؤال

:اتفضل:

:اللوحات دي مش شكلها قديم شوية وكمان أنا شايف إن فيه كام لوحة لسه مخلصوش

قالها أكرم الذي يبدو على وجهه الحماس لرؤيته كل هذا الكم من اللوحات مما أثار تعجب خالد

منذ متى وأكرم يتحمس لهذا النوع من الفن!!

نظرت ريما إلى اللوح التي يقصدها

:دي لوح بابا الله يرحمه كان مقرر قبل ما يموت إنه هيفتح المرسم ويعرض

اللوحات بتاعته فيها لكن الله يرحمه مات قبل ما يفتحه ومن ساعتها

واللوحات دي مركونة والمرسم مقفول واحنا سافرنا كندا

تنهدت بحنين ثم أكملت

:أنا فكرت أكمل باقي اللوح اللي لسه مخلصتش لكن زي ما أنت شايف

الورق بقى قديم جدا ودايب لكن أنا برضه حبيت أعرضهم

:فكرة حلوة منك إنك تكلمي اللي والدك كان نفسه فيه

قالها خالد وهو ينظر لها بفخر..... لتستأذن هي منهما وتتجه نحو البيانو

تحسست قلاذتها قبل أن تبدأ كأنها تستحضر روح والدها ليدعها

ثم أخذت نفس عميق تتمنى بداخلها ألا يداهما ذلك الدوار اليوم مرة أخرى

بدأت في عزف ((Tango to Evora))

ظل خالد ينظر لها بحب

ليجد نفسه يسأل ذلك السؤال إلى من تنظر يا خالد....ريما أم ندى؟

لن ينكر الآن أن هناك العديد من الاختلافات بينهما

اختلافات لا يقدر أن يستخرجها غير شخص مثله

شخص غرق في عشق الأولى

ويصارع بمركبته أمواج الحب نحو الثانية

مر الوقت ورحل أغلب الحاضرين

:أستاذة ريما أستاذة ريما

:أيوه يا كريم

:في واحد جه من المعمل وساب ليكي التحاليل دي

التقطتها منه بلهفة لتفتحهالكنها لم تفهم شيئاً

طب عن إذلك بقى يا ريما لازم نمشي
لحظة يا خالد من فضلك أنت طبعا دكتور صح

بيقولوا

طب ممكن تفهمني المكتوب في التحاليل دي
التقطها خالد وهو ينظر إليها بدقة أنتسع عيناه بصدمة

بتاعت مين التحاليل دي؟؟

بتاعتي في إيه يا خالد مالها

يا إلهي

هل كتب عليه القدر أن يفقد ندى للمرة الثانية

لا تلك المرة سيحارب ليحميها

سيقف في وجه القدر بكل قوته

أعطاه الله فرصة أخرى ليعيش حياته مع من يحب لن يتركها تذهب هباءا

خالد خالد

ها

روحتي فين التحاليل فيها إيه؟

فيها فيها.....

سرطان مش كده؟؟

قالتها هي ثم تركت لدموعها العنان وهي تردف

أنا كنت حاسه كدبت نفسي كثير أنه ممكن يكون أي حاجة تانية

لحد آخر لحظة كنت مستنية التحاليل تقول غير كدهلكن دلوقتي

اتأكدت

دون شعور منه وجد نفسه يحتضنها بحب وهو يخبرها

ريما أنتي قوية وهتقدري تعدي كل ده صدقيني هنتعالجي وكل حاجة

هتعددي وهتبقى أحسن

كانت تبكي بين أحضانها دون وعي منها ليتركها تخرج كل أوجاعها بين

يديه

لم يدرك أي منهما كم المدة التي ظلا بها على هذا الوضع

الشيء الوحيد الذي يدركوه الآن أن كلا منهما كان يحتاج هذا العناق

ليالي الشمال الحزينة
ظلي اذكريني، اذكريني
ويسأل عليّ حبيبي
ليالي الشمال الحزينة

«القمر الثاني عشر»

كان يستعد للرحيل من عمله ليستمع إلى طرقات على باب المكتب نظر
باتجاهه ليجدها هي
رباه أحقا لم تمل من تلك الأفعال بعد
زفر بضيق لينظر لها بغضب
إزيك يا سامح
إيه اللي جابك يا دينا
خلاص يا سامح أو عدك دي آخر مرة هتشوفني فيها أنا بس جاية
أعتذرلك عن كل المرات اللي فاتت أنا أسفة فعلا بس أنا عايزاك تعرف

إني حبيبتك بجد..... مهما كانت حورية بتحبك فهي عمرها مهتجك قدي
يمكن صحيح أنتم اتربيتوا سوى وكبرتوا سوى لكن هي عمرها ما هتفهمك
زيي ولا هتحبك قد ما أنا حبيبتك... وقبل ما أعتذرلك أنا لازم أعتذر لنفسي
على كل لحظة ضيعتها وأنا بفكر فيك وعارفة إن قلبك مش معايا.... على
كل حلم حلمته وأتخيلك فيه أنا عارفة أنه مش من حقي... وإنك عمرك ما
كنت ليا

دينا اسمعيني..... أنتي تستاهلي حد يحترمك ويحبك من كل قلبه.....
تستاهلي إنسان يقدر قيمتك وقلبه يبقى ملكك أنتي وبس..... قلبه يكون ليكي
لكن أنا أسف أنا قلبي ملك لحورية ومن زمان
أنا اللي أسفة يا سامح... أسفة إني حبيبتك وحبيبتك أوي.... عن إندك
رحلت دينا وهي تجر خيبة أملها في حب من طرف واحد
طرف أعطى وأفرط في مشاعره لشخص لم يقدرها
شخص كان قلبه مضيء بحبه لوأحدة غيرها
فشلت في إخماد تلك الإضاءة أو حتى تحريك ذلك القلب المتميم نحوها
رحلت بقلب مكسور ينزف جرعات حبه محاولة منه في التعافي والعودة
كالسابق

لكن هل ما كسر يمكن إصلاحه أم يعود بهيئة أخرى أقوى؟!

حل صباح جديد على شواطئ الإسكندرية استيقظت ريما بتعب وقلق
تتذكر حديث خالد بالأمس عن رغبته أن تعيد التحاليل مرة أخرى
اتجهت إلى شرفة غرفتها فتحتها كي تستنشق رائحة البحر
ياللهي البرد قارص والبحر يبدو غاضبا اليوم أمواجه عالية وتتسابق في
تآكل الصخور دون رحمة

لتسمع صوته يأتي من الشرفة المقابلة

صباح الخير

دكتور خالد صباح النور

جاهزة

أيوه

قالتها بخوف وصوت مرتجف

وجدته يخرج من المعمل وبيده التحاليل لم يستطيع النظر داخل عينيها
لم يمتلك الشجاعة الكافية ليخبرها بالنتيجة
نظرت له بحزن

:طلعت صح

:هتعالجي

:مش هقدر أستحمل

:أنتي أقوى من كده

:شعري هيقع

:هيطلع تاني

:أنت عارف الكيموثيرابي بيعمل ايه

:عارف

:أنا كده عمري ما هكون أم

:متفكريش في كده دلوقتي

:أنا هبقى لوحدي

:قولتلك أنا جنبك

:هتزهق

:عمري ما أز هق طول ما أنا معاكي

:دكتور خالد

:خالد بسخالد بس يا ريما..... ريما ...أنا بحبك

كانت تسير بالشوارع كالمشردين تفكر فيما جنت به على نفسها

الشارع هو المكان الذي تستحقه

وهذا الطفل بأحشائها الآن ماذا تفعل به؟

الموت هو الحل الوحيد لها ولهذا الطفل

ما ذنبه أن يأتي إلى العالم ليحاسب على ذنب ليس له دخل به

أن يعامل دائما كوصمة عار أن ينبذه الجميع طوال حياته

ذنبه أنه طفل خاطيء

رفعت كريمة أنظارها إلى السماء تود أن تطلب من الله العفو

لكنها خجلت من نفسها لتعاود النظر أرضا مرة أخرى وهي تحاسب نفسها

أحقا لديكي الجراءة لتطلبي العفو منه
وأين كان الله في حساباتك عندما فعلتي فعلتك تلك
الآن تذكرتي خالقك يا حمقاء
ظلت تسير في الشوارع دون وجهة محددة
ويسيطر على عقلها أمرا واحدا فقط....
كيف تتخلص من ذلك الطفل؟؟

استيقظ ليجد الجميع مازال نائما عدى هي تجلس أمام التلفاز بشرود
من هيئتها وتلك الهالات حول عينيها ووجهها المرهق يبدو أنها ظلت
مستيقظة طوال الصباح اقترب منها بهدوء

:صباح الخير

لا رد كانت شاردة في حديثها مع والدته

:حورية حورية

:ها سامح..... فيه حاجة

:مالك يا حورية سرحانة في إيه

:ولا حاجة يمكن عشان منمتش طول الليل بس

:باين عليكى..... اللي واخذ عقلك

:هيكون إيه يعني

:على فكرة بابا قالي إنك وافقتي نكتب كتابنا

:أيوه

:يبقى من حقي أعرف أنتي متغيرة معايا ليه الفترة دي من ساعة الحادثة

:أنت أنت متهيألك إني متغيرة

:فاكرة زمان يا حورية لما كنا ننزل نتمشى أنا وأنتي واحنا صغيرين على

البحر

:وكان الوقت يسرقنا وتأخر وعمي منصور ينزل يدور علينا

:أنتي اللي كنتي السبب

:أنا

:أيوه كان لازم يعني تصممي أنك تتعلمي ركوب العجلة

:أنت اللي مكنتش عارف تعلمني

:أنا

:أيوه وعلطول كنت بتوقعني

:صحيح خيرا تعمل...

ظهرت الإبتسامة على وجه كلا منهما

إبتسامة جمعت بين الحب والحنين كانت قد غادرت علاقتهما منذ وقت

طويل

لنتحول النظرات إلى عتاب

حسنا لقد طفح الكيل يا حورية

يجب أن أواجهه بما رأيت

وليدافع عن نفسه أمامي

وأتمنى أن يفعل

حقا أتمنى أن تخبرني أن ما رأيته غير حقيقي

برر لي ما رأيت حتى وإن كانت مبررات غير مقنعة سأصدقك

سأضرب بكل ما يخبرني به عقلي إنك كاذب بعرض الحائط

:أخبار ديننا إيه يا سامح؟

قالتها بقوة ليعقد سامح حاجبيه بتعجب

:ديننا!!...!! مالها ديننا

:والله أنت اللي المفروض تجاوبني هي مالها و عاملة إيه وأخبارها إيه

:قصدك إيه؟

:أنت فاهم قصدي كويس

قالتها وهي تقف لترحل

ليمسك زراعها يوقفها قبل أن تغادر

:استني هنا فهميني بصراحة قصدك إيه

:أنا مش عبيطة يا سامح أنا عارفة كويس اللي بينكم من يوم الحادثة أنا

شفتك وأنت بتحضنها

رباه أهذا سبب تغير معاملتها كل تلك المدة

نعم لقد تذكر اتضح له الصورة الآن

بيوم الحادثة عندما سقطت من على الدرج

هل كان ذلك سبب سقوطها أنها رأته فلم تتحمل رؤيته معها

دينا كانت معه بالمنزل هذا اليوم لن ينكر
لكن يا إلهي لقد فسرت حورية الموقف بشكل خاطئ
هل حقا ظنت أنني أخونها؟

:أنتي إزاي تصدقي عني كده إزاي تتصورني إني ممكن أخونك؟؟
:أنا شفتك بعيني

:ليه مدخلتنيش وواجهتيني كنت هوضح ليكي اللي شوفتية كنت هقولك
إن هي اللي أكثر من مرة تيجي وتقولني إنها بتحبني وأنا اللي أصدها
أكثر من مرة هي اللي تيجي وتقولني أسيبك وأبعد عنك وأنا اللي أقولها إن
مفيش في قلبي غير واحدة بس هي أنتي
:ولما هو الموضوع كده حضنتها ليه

:اليوم ده لقتها بتخبط عليا البيت و بتقولني إنها بتحبني وإنها كانت هتنتحر
بس لحقوها وقعدت تعيط حاولت أطردها لكن فجأة لقتها بتحضني وتصرخ
وتقول متسبنيشش لو كنتي دخلتي لما شوفتينا كنتي هتسمعييني وأنا
بطردها

صدقيه نعم لا لا

صدقيه أيتها الحمقاء لما

لأنكي تحبيه أحبه نعم

إذا فلتصدقيه هو يحبك حقا لكنه خدعني لم يخبرني بأمر تلك الفتاة
بل أنتي من أردتي أن تري الموضوع بهذا الشكل تعلمين كم يحبك سامح
هو ليس الخائن بل أنتي الخائنة يا حورية
أنا نعم خائنة

لما؟؟

ماذا تسمي مشاعرك ناحية أكرم؟؟!

أكرم لقد نسيته حقا منذ خروجي من المشفى

ربما كانت محاولة سانجة مني لإغاظة سامح لكنني فشلت بها

أو ربما كان مجرد إعجاب بطبيب ناجح أعاد إلي عيني النور من جديد

كان هذا الصراع الدائر بين قلبها وعقلها لم تخرج منه إلا على صوته

:مش مصدقاني؟

:مصدقك يا سامح مصدقك

وبعدين

وبعدين إيه؟؟

يعني هنكتب كتابنا في أم الجوازة اللي حد باصصلي فيها دي ولا لا
ظلت تضحك وهو ينظر لها بعشق
ها هي أخيرا عادت له حورية قلبه من جديد..

يعني طلع بجد

أيوه طلع عندها لو كيميا والحالة محتاجة علاج بالكيمياوي وبسرعة
وهي عاملة إيه دلوقتي؟

خايفة جدا.... أنا سبتها ترتاح شوية في الأوضة وأنا اللي هتابع الحالة
بنفسي

تحب نعرضها على دكتور نفسي هنا

ده اللي هعمله لو ملقتهاش بتستجيب للعلاج

إن شاء الله يا صاحبي هتبقى كويسة وكله هيبقى تمام

يارب يا أكرم أنا مش عايز أحس إن ندى ضاعت مني ثاني المرة
دي مش هقدر

خالد فوق اوعي تخلص في مشاعرك بين ندى وريما

نظر لها خالد بشرود

تقصد إيه؟؟

لو شايف نفسك مش عارف مع ريما تنسى ندى يبقي سيب حد ثاني يتابع
معاها العلاج

دكتور أكرم عايزينك في الاستقبال

قالتها الممرضة التي دخلت للتو ليومئ لها أكرم رأسه بإيجاب وهو يرحل
معاها للخارج ويترك خالد وحده حائرا في تفسير مشاعره

ليتجه إلى دولا ب الملابس الموضوع داخل مكتبه ويخرج صورة ندى من
جيب بنطاله المعلق وينظر لها بحنين

كان يسير بين طرقات المشفى يمر على مرضاه ليوجه نظره بشرود على
إحدى الغرف ليراها

رباه من تلك
هي
نعم هي
أنا لا أهدى بل أنا متأكد من قواي العقلية الآن
لكن كيف
ندى مستحيل
لقد لقد ماتت على يدي

يا عاقد الحاجبين علي الجبين اللجين
إن كنت تقصد قتلي قتلتي مرتين
يا عاقد الحاجبين

«القمر الثالث عشر»

Sir your wife is fine dut we are sorry..... :
For what?:

Your baby is died.... we are very sorry :

مات

طفله الذي كان يتمناه

منها هي وهي فقط

مات

هل كانت تقصد ذلك؟

هل يصل بها درجة الكره لي أن تقتل طفلنا هكذا دون رحمة؟!!

اتجه نحو الغرفة التي ترقد بها بتعب وإرهاق

ليجدها تجلس على السرير بوجه شاحب

تولين:

لا رد

لهاد الدرجة ما بدك تطلعي فيني

لا رد

على الأقل ردي علي خليني أسمع صوتك

شو بدك قول

قالتها وهي مازالت تشيح بوجهها بعيدا عنه

كان قصدك إنه يموت؟؟

شو بتفتكر

كنت مفكر إنك راح تخافي عليه أكثر من هيك

وجهت نظرها نحوه وبكل ما تحمله بداخلها من كره بدأت تصرخ

إذا عن جد بدك ياني أحكي حلو كتير خليني أحكي كل اللي جواتي

نحيتك أنا ما كرهت بحياتي قدك ما عشت عذاب قد اللي عشته معك

يا يزيد اطلع فيني شوف ... شوف لوين وصلتني صرت أكره حالي

وأكره أي شي يربطني فيك كتير زعلان إني موته للجنين إيه كان

بدي موته وأخلص منه حتى ما يكون في شي يربطني فيك طول حياتي

أنا كنت راح أكره هاد الطفل طول عمري تدري ليش لأنك أنت أبوه يا

يزيد.... عم تفهم علي

خيم الصمت المكان لدقائق

تجمعت الدموع داخل عينيه

لكن لا.... لن يبكي

مهما حدث لن يظهر ضعفه أمامها

مهما كان مقدار حبه وعشقه لها

كبريائه وغروره لا يسمح له بذلك

حتى وإن كانت درجة عشقه لها تصل إلى حد الجنون

كسرت هي هذا الصمت وهي تردف

بدك ياني أحكي كمان؟؟..... طلقني يا يزيد

قالتها برجاء قاتل

لنتسع أعينه بصدمة

ماذا؟؟

علي رغم كل ما حدث في الماضي

علي الرغم من نظرة الكره التي كان يراها دائما بعينيها

إلا أنها لم تأتيها الجرأة ولو مرة واحدة أن تطلب هذا الطلب

هل حقا انتهى الطريق بينهما الآن؟؟

أنتي ... أنتي شو عم تحكي

طلقني إذا عن جد بتحبني مثل ما بتحكي طلقني ... وحافظ على شوية
الإحترام يلي باقيين إلك جواتي
مر شريط حياتهم معا أمامه منذ أول مره رأها
كيف أثرته؟ ... كيف بهرته؟
ليمر أمامه أيضا مشاهده وهو يهينها، يقيدها، يحبسها، يجبرها على القرب
منه

لم يجد شيء يشفع له عندها
فقد كانت معه طوال تلك السنوات هي عبده وهو سيدها يأمر فيطاع له
أغمض عينيه بألم وهو يخبرها
:أنتي طالق يا تولين طالق يا أغلى شي بحياتي
قالها ورحل لتتنظر لأثره بصدمة
لحظات لم تستوعب ما قاله
حتى أدركت
ماذا ماذا قال؟؟
أحقا أنا الآن حرة
هل طلقني بتلك السهولة؟!
لا أصدق

لتقف على قدميها رغم الألم الذي تشعر به يسري بجميع أنحاء جسدها
إلا أنها وقفت لتسجد أرضا تحمد الله على أنها أخيرا
أصبحت حرة...

ركضت عايدة ناحية الترولي الذي دخل الآن من باب المشفى يحمل سيدة
غارقة بدمائها وملابسها ممزقة وملطخة بالأتربة ومعها طفل صغير يبكي
خوفا

:إيه اللي حصل؟

قالتها عايدة سريعا

خبطتها عربية هي وابنها.. ابنها وقع على الرصيف وهي اللي أخذت
الصدمة كلها النبض ضعيف ومش منتظم بس الولد شكله كويس شوية
خدوش بس

اختلست عايدة بعض النظرات للطفل ثم عادت للأم مرة أخرى
اتجهت إلى غرفة الكشف سريعا لتفحصها وأخذت عينة دم من الأم
اشتباه في ارتجاج ... وعايزة اكياس دم من العينة دي يلا
تحسست جنب الأم لتكتشف أن هناك كسر في الضلوع لتتهتف

جهازولي العمليات فورا وأنا هاخذها على غرفة الأشعة

يجلس بمكتبه ينظر لتلك الأوراق التي حصل عليها من الاستقبال بإهتمام
ريما لو كيميا والحالة حرجة يجب العلاج بالكيمياوي
علم من الاستقبال أن خالد هو من أحضرها إلى هنا
رباه ما هذا!!

هل القدر يتلاعب بي إلى تلك الدرجة
أم أنه كتب على خالد أن يعيش مأساته مرتين
أيعقل أن تكون صدفة أم أن وقت العقاب قد حان؟
نظر حوله بحذر يتأكد أن لا أحد يراه ليتجه نحو الباب ويغلقه بحذر شديد
كذلك النافذة

ثم عاد إلى مكتبه مرة أخرى ليخرج تلك الزجاجاة الصغيرة والإبرة؛ ليدفع
بها السائل ثم يشمر زراعته ويتحسس مكان الوريد ليحقن نفسه ليشعر
بالنشوة تسري في عروقه ثواني وأعاد كل شيء كما كان ليعيد ظهره إلى
الوراء ويجلس على الكرسي بأريحية
دقائق مرت وهو على تلك الحالة ليجد من يزعجه ويترك الباب
اتجه ليفتح لتقابلته الممرضة

دكتور طارق دكتورة عايذة عايزاك في المعمل
أوما لها بايجاب

أما عايذة كانت تقف عاجزة أمام تلك الأشعة المعلقة أمامها
تهتف لنفسها بقلق

:التجمع الدموي في مكان صعب الوصول ليهالتجمع بيزيد وبسرعة
مفيش قدامنا وقت
خير يا عايذة

:طارق أنا محتاجة مساعدتك ضروريبص الأشعة دي كده
نظر لها لثواني ليهتف بعدها بفتور

:الحالة بتاعتها أي عملية هنعملها مش هتوصل غير لنفس النتيجة
لازم يكون في حل

:مش دايمًا

:يعني إيه أروح أقولها إنك حالة ميؤوس منها وهتموتي كمان كام ساعة
:أنتي مالك مهتمة بيها كده ليه

:دي أم يا طارق ومعهاش حد مفيش غير طفل صغير هيتيم لو ماتت ذنبه
إيه

قولها عشان تعمل حسابها
:إزاي عايزاني أروح أقولها أنتي خلاص مبقاش ليكي في الدنيا غير كام
ساعة ودعي ابنك فيهم
:مش هتبقى أعلى عندك من اللي راح منك قبل كده
فهمت ما يعنيه لنتظر له بصدمة
حتى هو فوجئ من نفسه ليؤنب ضميره
:عايدة أنا
:عن إيدك
:رايح فين
:هروح لدكتور خالد
:هيعمل إيه أكثر من اللي قولناه
:ساعات بيجيلنا حالات مبتكونش محتاجة دكتور بتكون محتاجة إنسان
تركته ورحلت ليضرب هو الطاولة أمامه بغضب

كانت تبحث عن ابنتها في كل مكان تسيير بالشوارع كالتائهة
لا تعلم أين تبحث ومن أين تبدأ
حتى ذلك الشاب لا تعلم مكانه أو أي عنوان يدلها عليه
لا تعلم عنه سوى اسمه فقط
جلست أرضا تبكي لينظر إليها المارة بشفقه وحن
من يظنها متسولة ومن يظنها تائهة أو تخلى عنها أبنائها معدومين الضمير
ليتركوها وحدها هكذا
نظرت للسماء تدعو الله أن يعيد لها ابنتها مرة أخرى سالمة
نعم تدعو لها فهي بالأخير تسمى أم وينفطر قلبها خوفا على ابنتها

بالعمليات يقف خالد مع عايدة فوجئت به يخبرها
:أنتي اللي هتعملي العملية
:إيه ... لا لا بلاش أنا
:أنا قررت خلاص يلا بسرعة مفيش وقت
لتبدأ العملية كانت عايدة بالفعل تبذل أقصى جهدها لتخرج بآلام سالمة
ليخبرها خالد
:الضغط لسه واطي والنبض مش منتظم
:زود أدريينالين وجهاز ال DC Shok
:لكن يا دكتورة

:اعمل اللي بقولك عليه
ليفعل خالد ما أمرته
استمرت عايدة في العمل بحذر
:أنا هبدأ أزيل التجمع الدموي راقب نفسها ونبضها
نظر خالد للأجهزة حوله بانبهار
:دكتورة عايدة الضغط بدأ ينتظم والتنفس طبيعي حالتها مستقرة أنا مش
مصدق

:الحمد لله
دقائق وبدأت الأم ترتعش
:دخلت في Shok يا دكتورة
:أدرينالين بسرعة
حاولت عايدة بكل الطرق إعادة استقرار الوضع مرة أخرى دون فائدة
لتصعد روح الأم إلى خالقها تاركة ورائها طفل بريء يقابل وحشية ذلك
العالم وحده دون سند
نظرت عايدة إلى جسد الأم الفاقد للحياة بشرود وأعين دامعة
لتجلس أرضا في أحد الأركان تبكي وهي تنظر إليها
اقترب خالد منها بحزن
:أنتي عملتي اللي عليكي ... حاولتي لحد آخر لحظة
نظرت للممرضات وهم يغطون وجهها ويتجهون بها إلى الخارج
ليمر أمام عينها مشهد مشابه لذلك مازال تاركا في قلبها جروح لم تلتئم بعد

دخل خالد غرفتها التي أصبحت لها من اليوم لتلقي العلاج
كانت تجلس بشرود حاول هو أن يرسم ابتسامة بشوشة على وجه كي يبيث
بداخلها الدعم
:عاملة إيه النهاردة؟
:بحاول أكون كويسة
:لا اجمدي كده و شدي حيلك أومال مين اللي هيصحيني على صوت فيروز
الصبح... ده أنا بسببك مبقتش أطبط المنبه وبعتمد على صوت فيروز اللي
بيوصلني من شفتك
:أهو من هنا ورايح يا سيدي هتظبط المنبه وتصحى لوحداك
لن يعطيها فرصة أن تفتح مجالا لليأس بحديثها ليغير مجرى الحديث
:صحيح أنتي طلعتي بتعزفي بيانو حلو أوى
:عجبك بجد

جدا يا خسارة كان نفسي أتعلمه

:أنا ممكن أعلمك على فكرة

:يبقى لازم تقومي بالسلامة الأول

:يارب

:أأأأأأ... صحيح أنا أنا قولتلك حاجة كده ساعة التحاليل بس أنتي

مركز تيش

:لا ركزت وعشان كده مردتش

:ليه

:أرجوك يا خالد بلاش كلام في الموضوع ده دلوقتي

:زي متحبي مستعدة للعلاج؟

:مش عارفة

:قولي أيوه

:خايفة

:طبيعي

:هبقى لو حدي

:أنا على طول جنبك

:لحد امتي

:طول العمر

نظرت له بحبلكن بداخلها تخشى ما هو قادم

قال من قبل أنه يحبها

ولكن....

هل سيظل على هذا الحال حتي بعد أن يسقط شعرها ويتآكل جسدها من

العلاج

هل سيظل يحبها وهي في عز مرضها وجسدها المرهق ووجهها الشاحب

وكالعادة يجلس مع عم حليم على الرغم من علمه أنه سيخسر أمامه

:أنت يا واد يا أكرم مش هتتعلم أبدا

:أعملك إيه ما أنت اللي محدش بيعرف يغلبك أبدا

:بس أنت مش عجبني بقالك فترة

نظر له أكرم بصمت ليردف

:ده أنت متدهول على الآخر

ابتسم أكرم بسخرية

:باين أوى يعني

:أنا مش فاهم طول المدة دي ومتعلمتوش مني حاجة خالص

:طب عرفنا نعمل إيه

:اجري يا خايب قولها.... الحقها قبل ما تضيع منك

:خايف

:من إيه؟

:يكون فات الأوان

:نعم يا خويايا خيبتي في ولادي أنت عارف يا واد يا أكرم إيه

:سبب مشاكل كل اتنين بيحبوا بعض في الزمن ده

:إيه؟؟!

:الوقت ...عامل الوقت ده مهم أوي يعني تفكر لو كنت قابلت البننت دي

في وقت تاني كنت برضه هتحبها ونفس الحكاية معاها يا ترى كانت هي

هتحبك.... برضه خالد لو كان قابل البننت دي وندي عايشة كان حبها ...

الوقت ده غريب أوي دقيقة واحدة بس ٦٠ ثانية يغيروا حاجات كثير أوي

نظر له أكرم بعمق

أيعقل أن يكون عم حليم محق؟؟

هل يجب أن أخبرها الآن أنني أحبها؟

هل إذا تأخرت دقيقة واحدة سأندم فيما بعد حقا؟

يجلس بمنزله ينظر لتلك الزجاجاة والإبرة أمامه بشرود

أصبح يفرط مؤخرا بأخذ تلك المادة المخدرة

كما أصبح يشعر بارتعاش غريب بالأعصاب

الهالات السوداء حول عينيه أصبحت تزداد بشكل ملحوظ

مرت من أمامه ذكرى ذلك اليوم المشؤوم

يتذكر كل شيء كأنه بالأمس

يتذكر جسدها الغارق أمامه بالدماء

صراخ خالد بالخارج ... وصوت عايدة أمامه تمنعه عما يفعل

لكن الوقت كان قد فات..... صوت جهاز إنذار القلب وهو يعلن عن فقدانها

للحياة

كل تلك الأصوات تعلقو بأذنه الآن كالسوط تجلده دون رحمة

لعن نفسه بداخله آلاف المرات ليصرخ بغضب وهو يقذف تلك الزجاجاة

ليضرب بها عرض الحائط فتتحطم إلى شظايا

كان يقف أمام منزلها للمرة الأخيرة

كان يود أن يودعها
اليوم هو اليوم القبل الأخير لهما هنا
صحيح أنه قد أخذ عهد على نفسه أن يشفي تماما منها
لكن حبها كالإدمان يخبره دائما أنها المرة الأخيرة
وجد يزيد يصف بسيارته أمام المنزل
لكن غريب أين هي؟
وما به يزيد يبدو عليه الإرهاق هكذا
وجده يدخل ولم يغلّق الباب خلفه اقترب عابد بحذر لينظر للداخل عن
قرب

لنتسع عيناه بدهشة
أحقا ما يراه هذا صحيح يزيد يبكي
هذا الوحش العملاق يبكي!!
أخذه الفضول ليتجه للداخل
شعر يزيد بقدم أحدهم تقترب منه ليظن أنها هي
رفع وجهه بابتسامة.... سريعا ما تلاشت عندما رآه
تذكره بالطبع فعلامات الضرب مازالت تاركة أثرها على وجه عابد حتى
الآن
:أنت؟

:فين تولين؟
:وليش عم تسأل عنها؟
قالها يزيد بغضب مجرد ذكر هذا الشاب لاسمها يشعل النيران بداخله
:أنا بسألك ودتها فين؟؟

:مو من حقاك تسأل... مين بتكون أنت حتى تسألني عن مرتي ها
:كويس إنك فاكّر إنها مراتك مش عبده عندك تحركها زي ما تحب
:مرتتي وبعاملها كيف ما بدّي وأنت شو دخلك
:أنا بحبها

اشتعلت عينا يزيد بغضب
:جريء كثير

:انطق هي فين

:ما بعرف

:إزاي مش عارف

:لأني طلقته لتولين

نظر له عابد بعدم تصديق

:أنت أكيد كذاب ... أنت مش ممكن تعمل كده بسهولة
:البيت قدامك فتش عنا مثل ما تحب
نظر له عابد بتعجب
أيعقل أنه طلقها!؟
كيف بتلك السهولة!؟
:طب وهي فين دلوقتي!؟
:ما بعرف... وما بدي اعرف أي شي عنها من هاللحظة
كاذب ... كاذب يا يزيد
فقلبك يبكي دماً الآن لفقدانهاإذا عاد بك الزمن للحظات فلم تكن
لتركها بتلك السهولة
أما عابد فخرج بهدوء وهو شارح أمامه
أبيحث عنها أم يعود إلى وطنه كما خطط
ياإلهي لما الحب بتلك الصعوبة

يا أنا يا أنا أنا وياك صرنا القمص الغريبة

يا أنا يا أنا أنا وياك وانسرت مكاتيبي

وعرفوا إنك حبيبي..... وعرفوا إنك حبيبي

«القمر الرابع عشر»

كانت تسير بالشوارع والطرق أصبح مظهرها مثير للشفقة
ملايس متسخة شعر مشعث ومغير وجه شاحب
لكن لا يهم لا يهم أي شيء الآن
فقط ما يهمها أن تكفر عن خطيئتها
حاولت الإنتحار حتى الآن ثلاث مرات لكن دون فائدة
دايما تتراجع خوفا في اللحظة الأخيرة
تظن أنها بذلك ستكفر عن خطيئتها لا تدري أنها بذلك ستكفر عنها
بخطيئة أكبر

كانت تجلس على الرصيف بإرهاق تنظر إلى السيارات على الطريق
بتركيز حتى رأت سيارة سوداء قادمة من بعيد بسرعة
ثواني ووقفت أمامها لتصدمها
وتسقط غارقة بدمائها

تركت لدموعها العنان بأن تسير على وجنتيها بحرية
تنظر للصورة المعلقة أمامها على الحائط والتي يشقها شريطة سوداء
طفل صغير لم يتعدى ٨ سنوات يبتسم وهو يحتضن والدته
اقتربت من الصورة أكثر وهي تتمم
:أنا السبب أنا أسفة والله أسفة أنا اللي ضيعتك أنا اللي مفكرتش
إن ممكن اللي بعمله ده يخسرني أغلى شيء في حياتي حقك عليا يا
ابني سامحني ... وخلي ربنا يسامحني كمان أنا توبتوالله توبت
:عايدة يا عايدة

أخرجها من حزنها هتافات والدتها
أزالت عايدة دموعها سريعا حتى لا تلاحظها وحاولت رسم ابتسامة زائفة
على وجهها وهي تتجه لها
:أيوه يا ست الكل

:يلا يا حبيبي العشا جهز
:برضه يا ماما تعبتي نفسك يا حبيبي أنا موجودة
:تعب إيه بس أنا يدوب طلعت الحاجة من الأكياس
:طب يلا بينا

توجهت عايده نحو الكرسي المتحرك الذي تجلس عليه والدتها لتوجهه نحو الطاولة

تناولت عايده طعامها في شروود لاحظته والدتها

:مالك يا عايده

:ها أبدا يا ماما بفكر في الشغل

:ربنا يعينك ويقويكي يا بنتي

:يارب يا ماما

تناولوا العشاء في صمت

ثم اتجهت لتعطي والدتها الدواء

تلك السيدة القعيدة أصبحت أهم شيء بحياتها الآن تستمد منها القوة على

الرغم من أنها سيدة مسنة لا حول لها ولا قوة لكنها تعطيها الدافع كي تقف

مرة أخرى على قدمها بعد وفاة ابنها بتلك الطريقة البشعة

اتجهت لغرفتها مرة أخرى بعد أن تأكدت أن والدتها قد راحت في ثبات

عميق لتمر ذكريات ذلك اليوم المشؤوم أمامها مرة أخرى

هي السبب

هي المسؤولة عن موت ابنها

تلك الأموال الحرام جريمته التي لا يعلم عنها أحد سكوتها عن

الحق

لكنها تابت عن ذلك الآن تقسم أنها تابت

ولكن بعد فوات الأوان

كان الوقت متأخر بكندا عاد عابد ليلا ليجد والدته تنتظره بلهفة

:عابد كنت فين كل ده

:إيه يا ماما هو أنا عيل صغير ... كنت برا عادي

:احنا مش خلصنا بقي من الموضوع ده

:متخافيش يا ماما أنا كنت بسأل على مواعيد الطيران وخرجت اتمشى

شوية

:يعني خلاص هنسافر

:أيوه بلغي ريما إننا هنكون في مصر بعد بكرة الساعة ٣ في مصر

:حاضر

تركها وهو يدخل غرفته لتقف هي بشروود تفكر فيما هو قادم

بيوم وليلة انقلبت حياة ابنها رأسا على عقب

سيتركها كل شيء هنا خلفهما ليعودا إلى مصر بعد فراق طويل

عادت بذاكرتها للماضي
تذكرت أول لقاء بينها وبين زوجها في مصر كانت تعشق الفن التشكيلي
والرسم والألوان
تقابلا أول مره في مرسمه بالإسكندرية ولتقع في حبه منذ أول نظره لتبدأ
قصه حبهم
عادت من شرودها مرة أخرى وهي تدعو له بالرحمة
أزالت دموعه خائنة هربت على إحدى وجنتيها واتجهت لغرفتها في صمت

حل الصباح على شواطئ الإسكندرية وبدأت ريما أول خطوة بخطوات
العلاج

بعد عدد من التحاليل والعينات
بدأت ريما أول جلسات العلاج بالكيماوي كانت راقدة على سريرها
وبذراعها عبر الوريد يوجد إبرة موصلة بأنبوب
تجلس بارهاق وهي تنظر له بامتنان منذ الصباح وهو بجانبها لم يتركها
:هتفضل قاعد جنبي كده كثير من الصبح وأنت معايا بتلف هنا وهنا
للتحاليل والمعامل

زهفتي مني
:أنا خايفة تكون أنت اللي زهفت
:لو من الناحية دي اطمني أنا مش زهقان
أتاها صوت رنين هاتفها التقطته لتجدها والدتها
خفق قلبها بخوف لا تود أن تعلم والدتها عن حالتها شيئاً
على الأقل حتى تشفى تماما
حاولت أن يكون صوتها طبيعي

Mam I miss you so much:
ريما حبيبتي وأنتي كمان وحشتيني أوي عاملة إيه
:كويسة جدا وعابد عامل إيه وحشني أوي
:خلاص مش هنوحشك تاني لأننا راجعين مصر
ماذا؟؟!!

سيعودان إلى مصر
والآن لماذا؟
رباه بالتأكيد إذا رأتها بتلك الحالة ستنهار
ريما ريما روحتي فين
:معاكي يا ماما معاكي ليه ليه راجعين

دي حكاية طويلة أوي هحكها ليكي بعدين أما أشوفك بكرة الساعة ٣ في المطار

ماشى يا ماما توصلوا بالسلامة

سلام يا حبيبتى

أغلق معها الخط وهي على وشك الانهيار

مالك يا ريما

ماما يا خالد ماما وأخويا راجعين مصر بكرة

إيه و اشمعنا دلوقتي؟

مش عارفة مش عارفة أنا مش عايزاهم يعرفوا مش عايزاهم

يعرفوا أي حاجة

قالتها بانهييار وهي تبكي خوفا عليهما من الصدمة

طب ممكن تهدي عشان كده غلط عليكي وخلينا نفكر في حل

نفكر في إيه دول راجعين بكرة ومش هيلاقوني في المطار ولا في البيت

أكيد هيستغربوا

أكيد ليها حل

مفيش غير حل واحد

إيه هو؟

إني ارجع البيت

نعم والعلاج

هبقى أجي على مواعيد الجلسات

مينفعش يا ريما حالتك لازم ليها متابعة طول الوقت

أومال أعمل إيه؟

لازم يعرفوا من حقك أنهم يكونوا جنبك ويساندوكي فترة العلاج

مش هقدر أشوفهم وهما يتألموا عشانى مش هقدر أشوف نظرات

الخوف في عيونهم عشان خايفين كل يوم يعدي يكون آخر يوم ليا

إيه اللي بتقوليه ده دول أهلك أكثر ناس هتقف جنبك وتدعيلك عشان

بتحبك مش تقضية واجب والسلام أنتي محتاجة ده يا ريما هو ده

أساس علاجك الدعم من اللي بيحبوكي

نظرت له وقد أغشى الدمع عينيها لتبتلع تلك الغصة بحلقها

ليشعر أنها مرهقه تماما ليردف

ارتاحي دلوقتي الجلسة قربت تخلص ...وأنتي لازم تنامي شوية

امتثلت لما قال فهي حقا تحتاج الآن للنوم

ظل ينظر لها بحب حتى نامت أخيرا من الإرهاق

ليسأل نفسه نفس السؤال الذي ظل يراوده طوال الفترة الأخيرة
إلى من تنظر الآن يا خالد؟

ندى أم ريما؟

كالعادة لم يجد ردا على سؤاله أو ربما كان خائفا من الإجابة

فتحت عيناها ببطئ نظرت حولها لتجد نفسها بمكان يبدو أنها غرفة بأحد
المستشفيات

:أنا في مستشفى مش كده

:أول واحدة تفتح عينيها ومتسألش أنا فين أيوه يا ستي أنتي في مستشفى

:إيه اللي حصل؟

:عملتي حادثة وأنتي بتعدي الطريق بس الحمدلله جت سليمة والجنين كمان
كويس

قالها الطبيب ليتعجب من ردة فعلها

فقد أخذت تصرخ وهي تلمم وجهها بانهايار

ليحاول منعها وهو ينادي إحدى الممرضات

:عايز حقنة مهدئة بسرعة

:حاضر يا دكتور

ما إن أعطاه تلك الإبرة حتى راحت بعدها كريمة في ثبات عميق

لتنسأل الممرضة

:هي عملت كده ليه يا دكتور

:مش عارف أول ما قولتلها أن الجنين كويس بدأت تعيط وتعمل كده

:مش يمكن ولا أنا مالي

:طب مش نشوف شغلنا بقى ولا هنقعد نتساهر

قالها الدكتور بحزم لتفر الممرضة من أمامه بخوف وتتجه لتكمل عملها

كان ينتظرها أسفل منزلها حتى وجدها تهبط لأسفل وتتجه خارج العمارة

سار خلفها دون علمها حتى ابتعدت عن المنزل

:حورية

هتف باسمها بحنين

لتلتفت هي وتجده أمامها اتسعت عيناها بدهشة ليرد

:ممكن أخذ من وقتك دقيقة

:أفندم

قالتها ببرود ليتابع

مبروك:

على إيه؟

على الجواز

أه.. الله يبارك فيك

: متأكدة من قرارك

ابتسمت بسخرية

: ده يمكن أكثر قرار أخده وأكون متأكدة منه

: حورية أنتي مبتحبيش سامح

: دكتور أكرم أظن أن مهمتك انتهت وقت نتيجة العملية يعني وجودك

دلوقتي ميعنيش أي شيء...

: اسمعيني للأخر أنا عارف إنني غلطت لما اعترفتي ليا بمشاعرك وأنا

رفضتها بس احنا لسه قدامنا وقت نقدر نصلح كل اللي فات

: نصلح اللي فات يعني نعمل إيه؟؟

قالتها بتعجب ليجيبها بشوق

: أنتي مبتحبيش سامح أنا عارف ده يعني احنا مم.....

: ومنين حكمت إنني مش بحب سامح

: لو بتحبيه مكنتيش فكرتي فيا وجيتي اعترفتيلي بحبك

: مش يمكن كانت لعبة

: لعبة!!!

: أيوه يا دكتور ... لعبة

: يعني إيه؟؟!!

: يعني أنا كنت ساذجة يوم ما فكرت إنني أخلى سامح يغير عليا وأوهمك أنني

بحبك عشان كنت فاكره بطل يحبني بس أنت حتى وقتها مدتنيش الفرصة

دي ورفضت

: نعم يعني كل اللي قولتیه واللي حسيت بيه ناحيتك كان

: كان لعبة يا دكتور

: حورية أنتي بتقولي كده عشان تردي ليا اللي عملته فيكي في المستشفى

صح

: عشان منضيعش وقتك ووقتي يا دكتور كل اللي قولته وسمعتة مني في

المستشفى كان كذب

: كذب!!

: أيوه أنا عمري ما حبيتك هو صحيح لعبتي كانت سخيطة شوية

معاك لكن ... أنا أسفة

ابتسم أكرم بألم
ليرفع يده وهو يسفق لها بطريقة مسرحية
:لا برافو فعلا برافو.... لعبة وأنتي لعبتيها بشطارة
نكست رأسها لأسفل في خزي
:أنا أسفة

ابتسم بسخرية وهو ينظر لها
:أسفة بجد لا كتر خيرك حصل خير
:أكرم

:أخرسي أنا بس عايز أقولك حاجة واحدة إذا كانت فعلا مشاعر الناس
عندك لعبة وإذا كنت أنا أهبل قبل كده وبحبك فا أنا دلوقتي بكرهك وبحتقر
نفسي إني حبيت في يوم من الأيام واحدة زيك
قالها وهو يمسك ذراعها بغضب ثم نفضها بحدة من بين يديه حتى كادت أن
تسقط أرضا

ليتركها ويرحل وهو يدعي الثبات
ثبات خارجي أتقنه ببراعة أما بداخله كانت ثورة هوجاء من المشاعر
المختلطة من ألم وحزن ووجع
وبداخله سؤال واحد

كيف كيف لها أن تمتلك كل تلك الجراءة أن تلعب بمشاعر الآخرين
كفايا يا أكرم هي لا تستحق كل هذا التفكير وكل تلك المشاعر
في الحقيقة مثلها لا يستحق أي شيء.....أي شيء
سوى النسيان

وكأنه كتب على قلوبنا أن تظل غريبة دائما على أحبائها

بالمشفى كان طارق وخالد يستعدان لإجراء عملية جراحية
أثناء التعقيم لاحظ خالد علامات الإرهاق والتعب على طارق بجانب تلك
الهالات السوداء الواضحة حول عينيه

:مالك يا طارق

:مالي ماأنا كويس أهو

:شكلك تعبان أوي لو مش قادر روح ارتاح وخلي حد يجي مكانك
ترجم طارق جملة تلك بشكل خاطئ ظن أن خالد يحاول أن يقلل من قدراته
ليجيبه بانفعال

:ليه إن شاء الله هي دي أول مرة نشغل واحنا تعبانين ولا دي أول مرة
أدخل عمليات

:أنا مش قصدي على العموم تمام يلا بينا
اتجه كل منهما لإجراء العملية التي استمرت قرابة الساعة ونصف
كان طارق يخيط أحد الجروح لينظر له خالد مع جميع الممرضات بتعجب
وهو يدندن

:أهواك وأتمنى لو أنساك وانسى روعي ويأك وإن ضاعت يبقى فداك لو
تنساني

صرخ خالد بالممرضات وهو ينظر إلى طارق
:كل واحدة تركز في شغلها يلا..... مالك يا طارق أنت كويس
:إيه مالي؟

:لا أبدا أصلك بتشتغل وأنت رايق أوي

:وهو فيه أحلى ولا أجمل من الروقان

:أه فعلا عندك حق

:أنا كده خلصت

قالها طارق وهو يخلع القفازات وأدوات التعقيم ليرحل تحت أنظار الجميع
المتعجبة

في نفس اللحظة

كانت تقف هي أمام مرآة الحمام بيدها تلك الماكينة تضغط على زرارها

لتعمل ثم تغلقها مرة أخرى بتردد

تنظر للمرأة وهي تبكي تبكي كما لم تفعل من قبل تركت لنفسها العنان
للانهيار

فالأيام القادمة لن تملك تلك الرفاهية لذلك أمام عائلتها

صرخت وحطمت كل شيء حولها

ثم توقفت لثواني وهي تنظر لنفسها بعد أول جلسة تلقنتها للعلاج

وجدت أنها لن تملك القدرة على رؤية شعرها وهو يسقط بل ستفعل ذلك
بنفسها

لكن هل تمتلك القدرة على ذلك أيضا يا ريما

نعم أقدر سأفعلها

ضغطت على الزر وبدأت بإزالة شعرها بكل هدوء

تعجبت من نفسها أنها لم تبكي لم تصرخ ولم تتردد وهي تزيله

لم يستغرق الأمر ثواني حتى انتهت

نظرت لنفسها بالمرآة وهي بهيئتها الجديدة

لتبتسم بسخرية وهي تخبر نفسها

:هههههههههدلوقتي بقيتي ست في البطاقة بس هههههههه

ظلت تضحك بهستيريا وهي تنتظر إلى شعرها المتساقط حولها أرضا
التقطت بعضه بين يديها ثم عادت تبكي وتصرخ مرة وتضحك بشكل
جنوني مرة أخرى
تبكي وتضحك تبكي وتضحك
وكان مشاعرهما المضطربة تركت لنفسها العنان للخارج
عجزت قدميها عن الوقوف لتجلس أرضا بإرهاق
كان خالد يطرق باب غرفتها عدة مرات حتى سقط قلبه بين يديه عندما لم
يجد منها أي رد
دخل سريعا وهو يهتف باسمها عجا أين هي؟
سمع صوتها وهي تبكي خلف باب الحمام
طرق عدة طرقات وهو يهتف باسمها مرة أخرى بخوف
ريما ريما أنتي كويسة ... ريما ردي عليا لو سمحتي ريما لو
مردتيش أنا هفتح الباب
لا رد حسنا لم تترك له خيار آخر
فتح الباب فجأة ليثشق بصدمة وهو يراها بتلك الهيئة
يا إلهي ماذا فعلت؟
ركض تجاهها بشفقة وهبط بجانبها أرضا
ريما إيه اللي عملتيه ده؟
أنا وحشة يا خالد صح شكلي بقى وحش مش عايز تبص في
وشي
قالتها بين شهقات بكائها ليحتويها بين زراعيه بحنين وهو يجلس بجانبها
أهدي يا ريما اهدي كل شيء هيرجع زي الأول
أنا بقيت وحشة أوي
أنتي أحلى واحدة في الدنيا مهما حصل ومهما يحصل أنتي هتفضلي
أجمل واحدة في الدنيا
أنت بتجاملني
لو الحلاوة بالنسبالك في شوية شعر فهو هيطلع تاني وهترجعي أحلى من
الأول كمان
رفعت رأسها إليه لتتنظر له بعيون دامعة
وكانت دموعها كحد السكين بقلبه
ظلا على هذا الحال لدقائق هي لا تكف عن البكاء وهو يحتويها بين
زراعيه في صمت
حتى كسرت هذا الصمت وهي تخبره

ماما هتوصل بكرة هتشوفني وأنا كده
في الأول هتكون صدمة عليها لكن واحدة واحدة هتقبل الموضوع
فكرك هتقدر
أكيد هتقدر وبعدين صحيح أنا كنت جاي عاملك مفاجأة إيه النكد اللي
احنا دخلنا فيه ده
مفاجأة إيه؟
تعالى
جذبها من زراعها للخارج جعلها تجلس على سريرها
صاحبتك جاية تونسك
نظرت له بتعجب!!
صاحبتي مين؟
تركها ثواني ليفعل شيئاً ما ثم شهقت بسعادة وهي تسمع حقا صوت
صديقتها يعلو بالمكان
إيه رأيك؟
فيروز
وأنا مش موجود معاكي شغليها تونسك على بال ما أجي
أكيد هعمل كده
قالتها وهي تنظر داخل عينيه بحب
لأول مرة يرى تلك النظرة بعينها
ولأول مرة معها ينسى زوجته الراحلة
هي الآن ريما وريما فقط

أنا لحبيبي وحبيبي إلي
يا عصفورة بيضا، لا بقى تسالي
لا يعتب حدا ولا يزعل حدا
أنا لحبيبي وحبيبي إلي

«القمر الخامس عشر»

:عاملة إيه النهاردة؟

:بخير الحمد لله يا دكتور

:خلاص يا ستي يومين بالكثير نتظمن إنك أنتي والبيبي بقيتوا كويسين

وتخرجي من هنا

:أنا مش عايزة العيل ده.. عايزة أنزله ... الله يخليك يا دكتور

:أنتي بتقولي إيه أنتي مجنونة دي جريمة

:الجريمة اللي بجد هي اللي هتحصل لو العيل ده جه

:أنا أسف جدا مقدرش أعمل اللي بتقوليه ده... ومعتقدش إن فيه حد عنده

ضمير هينفذ ليكي اللي أنتي عايزاه وياريت تراجعني نفسك وتفكري كويس

قبل ما تعملي الجريمة دي في حق روح ملهاش ذنب.

قالها بغضب ثم تركها ورحل

لتدخل في وصلة بكاء لم تنتهي حتى راحت في ثبات عميق

كل شيء محطم حتى قلبه

أخرج كل ما بداخله من غضب بتلك الغرفة
لوحات ممزقة شظايا زجاج متناثرة الغرفة محطمة بالكامل
جلس بالأرض بإرهاق بعدما أخرج كل ما بداخله
ينظر إلى صورتها إلى رسمها لها يوما ما بعد أن مزقها إلى أجزاء صغيرة
لما وضعك القدر بطريقي
أحمق يا أكرم لقد سمحت وبكل سذاجة أن تتلاعب إحداهم بك
لقد تمرد قلبي علي مرة واحدة فقط ولن أسمح لنفسي أن أقع في هذا الخطأ
مرة أخرى
فلا وقت عندي للحب لا وقت للسخافات
ولن أغفر

تجلس أمامه بشرود تتذكر ما حدث بينها وبين أكرم
كم كنتي قاسية معه يا حورية
لكن كان يجب على فعل ذلك حتى لا يتعلق بي
أكرم يستحق الأفضل
يستحق فتاة تحبه وتعشقه من قلبها
أما أنا قلبي لن ولم يكن سوى لسامح
:أنا فرحان أوي ومش مصدق إنك أخيرا هتكوني ليا وعلى اسمي بكرة
نظرت له بابتسامة لم تخلو من الحزن
:وأنا كمان يا سامح فرحانة أوي سامح أنت ...أنت متأكد أن مامتك
فرحانة بجوازنا
:إيه اللي يخليها مش فرحانة
:مش عارفة حاسه إنها متغيرة معايا
نظر لها بتشتت
ماذا يخبرها أنه أيضا يشعر بنفس الشيء.....
حاول إضافة بعض المزاح إلى الحديث حتى لا تفسد فرحتها الآن
:هي أكيد غيرانة منك عشان هتاخدي منها ابنها الوحيد
:تفتكر
:طبعا أو مال هيكون ليه
حاولت رسم الابتسامة على وجهها وهي تنظر أمامها بشرود كما فعل هو

أصبحت حالته لا يرثي لها شعر مشعث هالات سوداء حتى عمله أهمله
لدرجة كبيرة

أصبح يذم الخمر بعد أن كان قد وعد نفسه أنه سيبتعد عنه من أجلها دون
أن يخبرها
نظر أمامه بشرود يتذكر جميع الأوقات التي جمعت بينهما حتى وإن كان
يرى دائما الحزن في عينيها لكن يكفي أنها كانت أمامه وبين يديه
لكن أين هي الآن؟
كيف حالها؟
هل تتذكره كما لم ينساها هو
هل تلعنني

أم أنها تحاول أن تتخطى ذكراي برجل آخر
عند تلك النقطة اشتعلت عيناه بغضب ليضغط على الكأس بين يديه بعنف
حتى انكسر ليخرج يده
هنا اقتربت منه الفتيات بدلال
OMG..... are you okay :

Go to hell:
أزاحها عن طريقه بعنف ليترك المكان ويرحل بغضب حتى أنه لم يهتم
لجرح يده

كعادتها منذ أن اختفت ابنتها وهي تسير بالشوارع تبحث عنها نهارا و
تجلس تبكي بمنزلها بمفردها ليلا
: يارب ردهالي سليمة يارب أنا مسامحاها ... دي بنتي يارب
طرق أحدهم باب منزلها لتركض بلهفة نحوه لتفتحه
: ها يا ابني لاقيتها
قالتها لذلك الطبيب الشاب الذي أخبرها بحمل ابنتها من قبل
: أبدا والله يا أمي مفيش حد قادر يدلني عليه بس متقلقيش إن شاء الله هدور
تاني وهلاقيها وهترجلك بإذن الله
كان يبدو عليه الإرهاق
شعرت بالشفقة لأجله والذنب من نفسها
: أنا أسفة يا ابني حقا عليا أنا تعبتك معايا ارتاح أنت وأنا اللي هدور
عليه وعليها
: أنا مش تعبان يا أمي هكمل بكره وبنتك هترجلك سليمة إن شاء الله
: لا يا حبيبي كتر خيرك ارتاح أنت أنا عرفت ممكن الأقيها فين
: اللي زي دول مش هتلاقيهم غير وسط الزبالة
ساد الصمت لحظات ليطلق رأسه بأسف لها

طيب...زي ما تحبي بس خليكي فاكرة يوم ما تحتاجيني أنا جنبك
ربنا يحفظك ويحرسك ويسعد قلبك يا حبيبي
تسلمي يا أمي ... عن إذنك
تركها ورحل ولم تتوقف هي عن الدعاء له بالفرح وراحة البال

يهاتفه للمرة التي لا يعلم عددها والنتيجة كالعادة الهاتف مغلق أو غير متاح
فينك يا أكرم بتهيب إيه من ورايا
ها مش بيرد برضه
أبدا يا عم حلیم
متقلقش شوية وهتلاقيه داخل علينا وشكله مبهدل وتحت عينه أسود من قلة
النوم

ههههه تفكر
هنشوف العب العب
أنت مش بتزهق يا عم حلیم وأنت عارف إنك هتتغلب
أهو بلعب على أمل إني أغلبك في يوم من الأيام
ثواني ودخل عليهم أكرم وكانت حالته كما وصفها عم حلیم لا يرثي لها
أكرم فينك يا ابني دوختي عليك من الصبح
أنا قدمت استقالتني
إيهأنت اتهللت
قالها خالد لیتبعه عم حلیم بأسف
ليه يا ابني كده
عايز أنسى أي حاجة تفكرني بيها
ليه إيه اللي حصل
طلعت بتضحك عليا يا خالد بتغيظ خطيبها عشان كانت فكراه مبقاش
يحبها

تقوم تضيع مستقبلك عشانها
صدقني كده أحسن يا عم حلیم
إيه شغل العيال ده
هو ده الصبح يا خالد
أنت عمرك ما أخذت خطوة وأنت مش حاسبها كويس
هفتح عيادتي القديمة
بس دي محتاجة شغل وتوضيب كتير أوي ومعدات جديدة
كله هيجهز متقلقش

ده أنت مخطط من زمان بقى مش عشانها
:لازم أبدأ كل حاجة من جديد
:متأكد إن ده الصح
:أيوه وأرجوك يا خالد خليك معايا الفترة دي
:أنا في ضهرك دايمًا يا أكرم
:ربنا يكتب لك اللي فيه الخير يا ابني ويبارك لك في الخطوة دي
:يارب يا عم حليم يارب
نظر خالد بأسف على حال صديقه
ومن داخله يعلم أن أكرم أقوى منه بكثير ويستطيع تخطي تلك المحنة

كان يمر على الغرف أخذه الفضول ليمر على غرفتها
اختلس النظر إليها من خلف الزجاج كانت تنام بإرهاق
يا إلهي الشبه حقًا كبير إلى درجة مخيفة
:افتكرتها

شهق طارق بفزع وهو يستدير للصوت
:في إيه يا عايدة
:كأن الزمن بيعيد نفسه صح
:لو عندك حاجة مهمة قولها معنديش اتفضلي
:راجع نفسك يا طارق قبل ما تضيع كل حاجة
:أنا مش فايقلك يا عايدة
:أنت حر بس اوعى تنسى إني نصحتك قبل كده
:قالتها ثم تركته ورحلت دون اهتمام

تجلس مع زوجها أمام التلفاز تنظر له بين الحين والآخر بحزن تتذكر هتافه
باسمها ليلا وهو نائم
ذهابه لزيارتها كل يوم
رغم رحيلها منذ أكثر من اثني عشر عاما إلا أنه لم ينساها لم تغيب عن باله
يوما
ترى الحزن في عينيه كلما تذكرها
تسأل نفسها كل يوم
لما لم يحبها هي ما الذي يميز تلك المرأة توصلها أن يذكر اسمها حتى
بمنامه

كثيرا ما تشعر أنه يعيش معها لأجل العشرة التي جمعتها فقط؟

ماذا فعلت حتى تستحوذ على عقله وقلبه حتى بعد موتها؟

:أنا فرحان أوي إن خلاص الولاد هيتجوزوا يا عالية

:أه أه وأنا كمان

:مع إني حاسس إن معاملتك للولاد اتغيرت في الفترة الأخيرة

:ليه حد قال حاجة

:من غير ما يقولوا يا عالية باين عليكي

:ده متهيا لك لكن أنا مبسوفة أوي

:أنا متأكد يا حبيبي أنا داخل أنام بقى أحسن هنصحى بكرة بدري

عشان كتب الكتاب

تركها ودخل لتدخل هي في بكاء مرير وهي تنوي غدا تنفيذ قرار قد تأخر

كثيرا

يكفيها وجع إلى هذا الحد

كان الصباح قد حل بكندا استيقظ يزيد بتعب

نظر بجانبه على السرير لينتبه لإحدى الفتيات تنام بين أحضانه عارية كما

هو أيضا

نظر لها بصدمة وحاول تذكر ما حدث أمس دون جدوى

ظل ينظر لها لثوان

حتى رأى تلك الفتاة تستيقظ

اقتربت منه بدلال وهي تحتضنه من الخلف

Good morning baby :

نظر لها يزيد بوجه جامد وهو يخبرها

Do you marry me ?:

نظرت له بتعجب

كما تعجب هو أيضا من نفسه لما قال

لكنه قد أقنع نفسه بأنها محاولة جيدة لنسيان من استحوذت على قلبه وعقله

ولم تتركه حتى الآن

ليجد تلك الفتاة التي لا يعرف حتى اسمها تتسمع ابتسامتها وهي تشدد في

احتضانه

بعد الكثير من البحث المتواصل أخيرا علمت مكان هذا المدعو فتحي

كانت تصعد السلالم إليه على أمل أن تجد ابنتها هناك طرقت الباب عدة

دقات فلم تجد رد كانت الغرفة الوحيدة على سطح أحد المنازل القديمة

ظلت جالسة هناك حتى منتصف الليل
إلى أن غلبها النعاس
كان يترنج وهو يصعد السلالم وصل إلى باب غرفته ليجد جسد احدهن
نائما على الأرض اقترب من وجهها بتفحص ليجدها والدة تلك الفتاة
الحمقاء
ظل يهزها بقدمه ليزيحها عن طريقه
:أنتي يا ست يا خرفانة أنتي اصحي
استيقظت بتعب لتتذكر أين هي قامت سريعا لتسأله بلهفة
:فتحي ... بنتي ... بنتي فين أبوس إيدك دنني عليها
:بنتك إيه يا ست أنتي ... أنتي جاية ترمي بلاكي عليا
:أبوس إيدك ... أبوس رجلك قولي بنتي فين لو عايز تتجوزها أنا موافقة
بس عرفني هي فين
:اتجوز مين يا ولية يا مجنونة أنتي أنا اتجوز واحدة زي بنتك روعي
شوفيا هربت مع مين وربيا
:اخرس ... أنت اللي ضحكت عليها ... أنت اللي ضيعتها منك لله حسبي الله
ونعم الوكيل.... حسبي الله ونعم الوكيل
جذبها فتحي من ذراعها بعنف وهو يهتف بغضب
:بقولك إيه يا ولية أنتي..... أنتي لو ما مشتيش من هنا أنا هفضحك أنتي
وبنتك فاهمة ومش عايز أشوف خلقة واحدة فيكم هنا تاني
نظرت له بخوف لترحل من أمامه بانكسار وهي تبكي ولم يكن على لسانها
سوى الحسابان عليه والدعاء أن يدلها الله علي ابنتها
: حسبي الله ونعم الوكيل..... حسبي الله ونعم الوكيل

يجلس بمنزله يتذكر يوم فراقها عنه
يتذكر شجارهما دائما أن ما يفعله لن يجني منه سوى الحسرة والندم
كانت تهدده دائما بالفراق
أما هو لم يكن يأخذها على محمل الجد
فهما يحبان بعضهما حد العشق
لم يكن يتخيل حتى بأحلامه أن تأتيها الجراءة لفعل ذلك
هجرته ولم تهجره وحدها بل أخذت قطعة منه معها ابنته الوحيدة
حتى الآن لا يعلم مكانها لكن دائما ما يأتيه احساس بأنها أقرب إليه من
روحه
كان ينظر إلى آخر صورة جمعتهما سويا مع ابنتهم

أنا أسف يا رحمة أسف
قالها طارق والدموع ملئ عينيه
مكنتش أعرف إن الطريق ده ممكن يوصلك إنك تبعدني عني بس أنتي
كمان كنتي غلط ... أنتي عايزه تعيشي في عالم مثالي كل حاجة فيه صح
.... أنا بقى فاهم الدنيا أكثر منك إيه يعني لما أعمل كام حاجة في الخفى من
غير ما حد يعرف عشان نقدر نعيش ... بس .. بس أنا اتغيرت وبطلت
ده من زمان من ساعة ما مشيتي وسبتيني ارجعيلي وأنا هثبتلك إنني
اتغيرت

ظل ينظر إلى صورتها مطولا ليصرخ بها فجأة
متبصليش كده عارف إنني لسه مبطلتتش الزفت اللي باخده بس هو ده
اللي مصبرني على فراقك لولاه كنت قلبت الدنيا كلها عليك لحد ما
الأقيكي وأخنقك بأيدي عشان قدرتي تبعدني عني إزاي إزاي
قدرتي تبعدني عني مش من حقك لا لا خلاص أنا أسف ... أسف
أرجوكي ارجعي وصدقيني المرادي هتغير بجد
ظل يهزي أمام صورتها كالمجانين يحادث شخصا غير موجود حتى نام
وهو يحتضن صورتها كالأطفال

طلُّ وسألني إذا نيسان دقُّ الباب
خبَّيت وجمي وطار البيت فيِّي وغاب
خبَّيت أفتحله .. وعالجبَ اشرحله
طلَّيت ما لقيت غير الورد عند الباب

«القمر السادس عشر»

بالمطار ينتظر خالد أهل رима كما وعدھا كان ينظر إلى وجوه العائدين
يحاول التعرف عليهم كما رآهم بالصور على هاتفها
وجد أخيرا سيدة رغم كبر سنھا إلا أنها مازالت تحتفظ بجمالھا الطبيعي
كانت تشبه رима كثيرا ليخمن أنها والدتها أما ذلك الشاب فهو بالتأكد أخيها
أقترب منهم بهدوء
حمدالله على السلامة
:الله يسلمك مين حضرتك
قالها عابد

:أنا خالد نبيل آنسة رима هي اللي بعناني عشان أوصلكم من المطار بنفسي
ليه وبنتي فين؟!!

:اتفضلوا معايا في الطريق هتفهموا كل حاجة
نظر كلا من عابد ووالدته إلى بعضهما بتعجب إلا أنهما رضا له بالأخير
ظل الشك والخوف ينبشان قلوبهما وهما يتجهان معه خارج المطار
طوال الطريق لم تكف والدتها عن سؤاله إن كانت ابنتها بخير أم أصابها
مكروه

كان خالد بموقف لا يحسد عليه الآن
ليتوتر وبدأت حبات العرق تملأ جبينه وهو يخبرهما أنها بخير
حاول أن يشغلها بالحكي عن يوم افتتاح المرسوم وكم كانت جميلة وسعيدة
بهذا اليوم حتى يصل بهما إلى المشفى
اتسعت أعينها بخوف عندما توقف خالد أمام المشفى
تأكد الاثنان الآن أن رима ليست بخير
:أنت جايينا هنا ليه؟

قالها عابد بخوف لتردف الأم
:بنتي فين احنا بنعمل إيه هنا؟
:مممكن تهديوا رима دلوقتي محتاجة لدعمكم ووقوفكم جنبها
:أنا بنتي فيها إيه؟؟

:اتفضلوا معايا وھتعرفوا كل حاجة
اتجه بهما خالد للدخل يحاول أن يشرح لهما بهدوء وضع رима, وكم تحتاج
الآن إلى كل لحظة حب ودعم من أقرب الأشخاص إليها,
أما عنها فكانت تجلس بغرفتها بتوتر تستمع لصوت فيروز الذي يرتفع من
خلال المسجل الصغير الذي أحضره لها خالد كهدية ربما يبث بداخلها
بعض الهدوء.

تنتظر دخولهما بأي لحظة كانت ترتدي قبعة من الصوف تخبئ بها مظهر
رأسها وتلف حول رقبتها كوفية والدتها الزرقاء
ثواني واستمعت لصوت الباب يفتح وأقدام أحدهم تقترب
لتصرخ بسعادة
ماما:

ريما حبيبي

ارتمت ريما بأحضان والدتها

:وحشتيني.. وحشتيني أوى أوى يا ماما

:أنتي كويسة

:أوي يا ماما أوي

كان عناق يحمل الكثير من الحب والأمان والحنين

كم كانت كلا منهما تحتاج إلى هذا العناق الآن

:إزاي متقوليش إزاي كنتي عايزه تتحملي كل ده لوحدك إزاي

:خفت ... خفت عليكم أوي عابد وحشتني

ركض عابد نحو شقيقته ليرتمي بأحضانها وهو يبكي

:يا حبيبي أنا بخير متخافش عليا

ظل يبكي كالأطفال لم تخرجه من أحضانها بل ظلت تربت على كتفه بحب

هربت دمعة من عين والدتها لتزيلها سريعا

فالآن لا وقت.... للضعف الاستسلام فقط الحنان والكثير ... الكثير

من الدعم

هما أكثر الأشياء التي يحتاجها أبنائها الآن

كان يقف خالد بعيدا يراقبهم بحنين لم يخلو من الشفقة على تلك العائلة

لكنه تركهم عندما سمع صوت إنذار المشفى يخبرهم عن دخول حالة جديدة

تحتاج إلي طبيب سريعا

ركض خالد وطارق ناحية الترولي سريعا ليسأل الأخير

:الحالة إيه؟

:حادثة عربية خرجناه منها في ساعة بسبب وزنه الكبير وفيه كسر في

العمود الفقري

:تروما ١ يلا

قالها خالد ليخبره طبيب الإسعاف

:الضغط ٩٠/٦٠ والنبض ١١٠

:لازم يروح الأشعة حالا

قالها طارق ليتجه الجميع به إلى غرفة الأشعة

مر الوقت

واتجه طارق وخالد بالمريض إلى العمليات

اتجهت الممرضة إليهم بالأشعة ليهتف خالد بصدمة

: ٣ فقرات مش في مطرحهم

:الموضوع كده هيبقى صعب

:لازم نعمل العملية يا طارق وإلا هيروح مننا

بدأ خالد وطارق في العملية ويعمل كلا منهما بتركيز شديد

:الضغط بيوطى بسرعة يا دكتور

قالتها الممرضة ليصرخ بها طارق

:اديه أمبول فازوبرسين وعلقى كيس دم وابعثي هاتي كيسين كمان

:إيه دا؟!!!

قالها خالد بصدمة وهو يمسك بشيء صغير ملطخ بالدماء في يديه

:الفقرة مفتقة

:مع إنها باينة في الأشعة إنها سليمة

:هاتي شريحة رقم اثنين بسرعة

قالها خالد لإحدى الممرضات ليخبره طارق

:الراجل ده شكله.....

:هيتشل

:النبض ٨٠/٥٠

قالتها إحدى الممرضات ليردف طارق

:حالة القلب مش عجباي لازم نوقف

:لازم اثبت الفقرتين

:مش هينفع يا خالد لازم نوقف أنا ظاهر عندي Atrial Fibrillation

نظر له خالد بتوتر

:طيب ودوه على العناية لحد حالته ما تستقر

خرج خالد وطارق من العناية بإرهاق ليشعر طارق بأن جسده الآن يحتاج

لجرعة جديدة من تلك المادة المخدرة التي أصبح يدمنها بشكل مخيف

مؤخرا ليختلس نظرة أخيرة إلى خالد ثم يتركه ويرحل

:بارك الله لكما وبارك عليكما وجمع بينكما في خير

تعالت الزغاريد والتهنئات فرحا

أخيرا تزوج العاشقان.....

اقترب والد سامح ببارك لهما بفرح

فبين ماما يا بابا
والله يا ابني ماأنا عارف كانت لسه هنا هروح أشوفها وأجي
اتجه والده بحثا عنها ليجدها بغرفتهما تقف أمام الشرفة الصغيرة تنتظر
للبحر بحزن

:عالية مش تباركي للولاد
:الكتاب اتكتب خلاص صح
قالتها وهي تبتسم بهدوء ليجيبها بنفس الإبتسامة
:أيوه يلا تعالي باركلهم مش معقول يز علوا منك في يوم زي ده
كاد أن يجذبها من يدها لتوقفه بسؤالها الغريب
:أنت فرحان طبعا مش كدة
نظر لها بتعجب

ما بها عالية
لما تتحدث هكذا هدوئها مريب
:أيوه طبعا مش كتب كتاب ولادي
:لا ... ده عشان حورية تبقى بنت حبيبة القلب
:نعم!!

:أيوه دي الحقيقة اللي فضلت ساكتة عليها سنين سنين وأنا في نار
بتاكل في قلبي وساكته بصبر نفسي كل يوم إنك هتتساها وتحبني أنا ... أنا
اللي عشت معاك عمري كله وضيعته عليك أنت وابني برضه مقدرتش أخذ
في قلبك جزء من اللي هي أخذته ليه فيها إيه مش موجود عندي عشان
تحبها كل الحب ده
كانت تتحدث بحرقة
بقلب مفتور من الألم
رأت أيام عمرها تضيع هباء مع رجل أحبته من كل قلبها
ليخون ذلك الحب من كل قلبه
يشغل عقله وقلبه أخرى رحلت عن عالمنا
كان ينظر لها بصدمة
:عالية أنتي

:أيوه ... أيوه كنت عارفة إنك بتحب فريدة أم حورية وإنك فكرت تتجوزها
بعد أخوك ما مات وعارفة كمان إنك بتزور قبرها كل فترة ده غير اسمها
اللي بتقوله كل يوم وأنت نايم أنا بموت بموت كل يوم صعب على
ست إنها تعيش مع راجل وتسمعه كل يوم وهو في حضنها بينطق اسم

حبيبته أنا عارفة إنك محبتتيش يا منصور وده مش ذنبك وصدقني أنا
مش زعلانة منك بس هزعل بجد لو محقتلش طلبي
نظر لها بهدوء وهو يضع كفيه في جيب بنطاله ويتساءل
:اللي هو إيه بقى؟

:طلقتي يا منصور
نظر لها بصدمة!!

آخر شيء كان يتوقعه الآن تطلب أن تبتعد عنه
بعد كل هذا العمر لم تفهم

:أنتي اتجننتي يا وليه!!

:منصور أرجوك أنا مخنوقة ومش قادرة استحمل أرجوك طلقتي مش
هقدر أشوف حورية قدامي وهي واخده ابني مني زي ما أمها أخذتك وأسه
واخداك كمان مني

:خلصتي؟

:خلصت

:طيب اسمعي أنتي بقى يا عالية يمكن صحيح أنا حبيت فريده جدا وكان
نفسى أتجوزها من زمان وبعترف أني في وقت من الأوقات كنت بحس
بالغيرة من أخويايمكن احنا أه متجوزناش عن حب لكن.....
وحياة السنين اللي جمعتنا سوا وحياة أحلى حاجة حصلت في حياتنا وهي
ابننا سامح وحياة العشرة اللي بينا إن مع مرور الأيام اكتشفت إنني مقدرش
استغنى عنك أنا بتوه من غيرك يا عالية أنا من غيرك عامل زي العيل
الصغير اللي محتاج أمه طول الوقت ... أنا صحيح بفتكر فريده ساعات لكن
أما بروح المقابر بروح عشان أعتذر لأخويا على مشاعري ناحية
مراته بس ده ممكن نسميه حنين مني لمشاعر حسيتها ناحيتها بس أنتي
فجأة بتظهري قدامي حبك اللي اتولد جوايا مع العشرة كان أقوى من حبي
لفريده صدقيني يا عالية.

قالها بحب صادق قوي ولد مع مرور الأيام التي جمعتهما سويا
ولد من المواقف، المحن، الأزومات التي مروا بها معا خلال عشرتهم سويا
ظلا ينظران لبعضهما

كانت النظرات تتحدث بصدق أكثر من الكلمات
هو يخبرها ألا تتركه

وهي تخبره أنها لا تستطيع

لنتسع أعينه بخوف وهو يسمعها

مقدرش يا منصور صدقني مقدرش لو فضلت معاك كل أما ابصلك
هفتكر الماضي وصدقني أنا وصلت لمرحلة قلبي مش قادر يستحملها لو
حبتني صحيح ارحمه وارحمي المأذون اللي جوز الولاد هيطلقنا
ظل ينظر لها بصمت
كم أنتي عنيدة يا عالية؟
تريدين الابتعاد عني
حسنا سأرضخ لطلبك

:طيب احنا ممكن نأجل الطلاق ده شوية ...بعد فرح الأولاد مش معقول
ننكد عليهم في أحلى أيام حياتهما
:لحد فرح الأولاد ما يخلص أنا مش هقعده هنا
:هتروحي فين

:بيت أبويا القديم لسه موجود
:هتقدري تبعدي عن سامح
:يقدر يجيلي وأقدر أشوفه في أي وقت
:وهتقدري تبعدي عني
صمتت ولم تجيب لتشريح بوجهها بعيدا عنه
:طيب تعالي نبارك للأولاد عشان يحسوش بحاجة

كان يقف ينظر لكل شيء نحوه بصبر
حسنا العيادة ستحتاج الكثير من العمل
والكثير والكثير.....من التنظيف
سمع صوت أحدهم خلفه
:ياااااه بقالي زمان مجتث هنا
:عرفت منين إني هنا
:قلب الأم يا حبيبي
:هههههه يا حنين
:طول عمري أنت عارف
:قولي ريما بقت عاملة إيه دلوقتي
:يعني نفسيا بقت أحسن
:طب كويس عديت نص الطريق
:أنت بتغلوش عشان مسألش عن أحوالك صح
:مالها أحوالي يا خالد ماأنا كويس أهو
:متأكد؟

أوما أكرم برأسه بإيجاب ليربت خالد على كتفه بدعم
:ماشي يا سيدي

تتحرك حوله بالمنزل بأريحية كأنها ملكة المكان
بالطبع يحق لها هو من سمح لها بذلك
أين كان عقلك يا يزيد عندما عرضت على فتاة كهذه الزواج
فتاة تعرفت عليها بأحد الباربات وأنت ثمل
لتشاركها نفس الغرفة ونفس الفراش الذي جمعك مع تولين
كيف تجرؤ؟

كان ينظر لها باشمنزاز وهي تتحرك حوله بدلع لتحاوط رقبتة بيدها
وتحتضنه من الخلف
يعلم جيدا ماذا تريد
ليحاول التهرب منها

I will go out :

I will miss you baby :

اختلس إليها نظرة أخيرة ثم رحل
تحت أنظارها المتعجبة.

: يا ماما دي المرة ال ٦٨ اللي تسأليني فيها أنا كويسة ولا لا

:خليهم ٦٩ وجاوبيني

:حاضر أنا تمام يا ماما وكويسة جدا جدا

:مش مصدقاكي

:أيوووووه عليكى

:بس كده هي كويسة أوي العرق الإسكندراني طلع

:قولها يا عابد

:هههههخلاص بقى يا ماما ماهي زي الفل أهى

:الله أكبر الله أكبر

:الله أكبر يا ستي بس قوليلي يا ريما الدكاترة هنا شكلهم مهتمين بيكي

:طبعا يا ابني وأنا أي حد ولا إيه ده أنا مريضه vip

:اتنيلي أنتي حد يعرفك غيرنا

:أيوه ٣ أصحابي تانيين

:ظلوا معا طوال اليوم

كانت الأم تختلس بعض النظرات من وقت لآخر إلى تلك القبعة الصوف
على رأس ابنتها
وصل للأم جيدا سبب ارتداء ابنتها لها لكنها لم تعلق عليها
لم ترد أن تجرح مشاعرها لذلك تركتها على راحتها حتى تكتسب الجرأة
وحدها وتخلعها أمامهم
لنتدارك بصعوبة تلك الدموع التي أغشت عينيها وهي تحاول رسم البسمة
على وجهها طوال الوقت

حل الليل وقد كان كلا من خالد وطارق يستعدان لإجراء العملية لذلك
المريض الذي حاولوا إسعافه بالصباح لكن قلبه لم يتحمل ليذهب إلى العناية
:ربنا يستر المرة دي
قالها خالد لتهتف إحدى الممرضات
:الضغط normal يا دكتور
:كويس طارق أنا هبتدي أفتح وسع معايا من الناحية دي لحد ما نثبت
الفقرة ونقل

:تمام
:استمروا بالعمل لمدة ربع ساعة ليعلو صوت طارق
:إيه النزيف ده مش طبيعي أبدا سيب الفقرة لازم نسيطر على
النزيف
هتفت الممرضة

:الضغط بينزل يا دكتور
:زودي أكياس الدم وهاتي فوط بسرعة
هتف بها خالد وهو ينظر للمريض الغائب أمامهم عن الوعي بحيرة
:في إيه مالك كل مرة بمشكلة
لتهتف الممرضة مرة أخرى
:الضغط ٦٠/٢٠

ليتبعتها طارق
:نزف كثير لازم نوقف العملية
:الراجل ده حاجة من اتنين يا بيصارع عشان يعيش يا مش عايز يعيش أبدا
.....ليخلع قفازاته وهو يأمرهم وقفوا العملية

:مش مصدق إنك خلاص بقيتي ليا أنا استنيت اليوم ده كثير أوي
:وأنا كمان يا سامح فرحانة فرحانة أوي

بحبك:

ستستحملني؟

طبعاً

مش هتقسي عليا

عمري

ابتسمت بخجل وقد أحمرت وجنتيها

ظلا الاثنان يتحدثان في العديد من الأمور

لم ينتبها للوقت إلا على صوت أذان الفجر

يا خبر احنا سهرنا كل ده

يلا نقوم ننام أنت كده هتتأخر على شغلك بكرة

شغل إيه شكلها كده مفيش شغل بعد السهر ده

هههههه.... طب يلا بينا تصبح على خير

وأنتي من أهله

كانت تسير بطرقات المشفى تمر على مرضاها كعادتها صباحاً مرت أمام

مكتبه أخذها الفضول لتمر عليه

ولسوء حظه أنه نسي أن يغلق بابها وهو يتناول جرعة أخرى من تلك المادة

المخدرة

لتدخل هي وتتصدم بما يفعل

أما هو كان البرود هو رد الفعل

يا نهار أسود بتهيب إيه

إيه يا عايدة فصلتيني

فصلتك أنت وصلت للجنان الأزلي هي حصلت وهنا كمان في

المستشفى

أه عادي

قالها ببرود استفزها لتصرخ بوجهه بغضب

أنت بتضيع نفسك أنت عارف لو حد غيري كان شافك كان هيحصل إيه؟؟

هيحصل إيه أكثر من اللي حصل

راجع نفسك يا طارق مراتك وبنتك ممكن يرجعوا لكن مستقبلك لو راح

مش هتعرف تعوضه

يرجعوا هو أنا اصلاً عارف هي فين

بس عارف مشيت ليه

وبطالت بطالت كل اللي كنت بعمله عشانها وفي الآخر برضه سابنتي

تناولت هي زجاجة المخدر بيدها وهي تشير له بسخرية

:متأكد إنك بطلت كل حاجة

:متعمليش فيها قديسة بقى لو كنتي نسييتى أفكرك.... إيه نسييتى احنا كنا

بنتاجر في الأعضاء سوا يا عايدة

:واهو ربنا عاقبني في أعلى حاجة عندي بس للأسف فوقت متأخر

:الحق نفسك يا طارق لا تبقى زيي

قالتها وهي تتذكر حادثة ابنها لتدمع عينيها بندم

فعقاب الله لها كان أقوى بكثير من جريماتها الشنعاء

:ولو بطلت الزفت ده فكرك مراتي وبنتي هيرجعوا؟

:ولو فضلت تاخده هيرجعوا؟

:على الأقل بنسى أحسن ما اتجنن

:أنا قولت اللي عندي بس خلي بالك لو فضلت تاخذ البتاع ده أنا أول واحدة

هتقف ضدك أنا مش مستعدة أشيل ذنب تاني كفاية ذنب خالد

:خالد

:إيه نسييت ندى

:عاهة عايدة

:شكالك كده بقيت تنسى كتير الفترة دي مش مهم أفكرك هو مين اللي كان

السبب في موتها

:مكناش قصدي

:لأنك مكنتش في وعيك

:كنت هنقذها

:تنقذ مريضه Hemophilia C بحقنة وأرفارين

اقترب منها بغضب وهو يصرخ

:اخرسى اياكي أسمعك بتتكلمي في الموضوع ده تاني

:أنت حر بس أنا لسه عند كلمتي لو مبطلتش تاخذ الأرف ده أنا هقول كل

حاجة

خرجت هي بغضب سريعا لينهار هو على كرسيه بإرهاق

لتمر أمامه مشاهد ذلك اليوم

دخول ندى محمولة على الترولي

ليركض نحوها طارق وعايدة لتصرخ عايدة بذعر

:دي مدام ندى ... الحالة إيه؟

:وقعت من على السلم وفي نزيف حاد حامل في الشهر الثالث تقريبا

:عمليات بسرعة ... وعايز أكياس دم O-

صرخ بها طارق
تقدموا جميعا نحو العمليات ليمر حوالي نصف ساعة سمعوا بعدها صراخ
بالخارج
ده دكتور خالد
:أكيد عرف إن مراته جوه
قالتها الممرضات ليصرخ بهم طارق بضيق
:كل واحدة تركز في شغلها مفهوم أنا مش عارف النزيف مش راضي
يقف ليه
:طارق أنا شاكرة إن دي حالة هيموفيليا
:ربنا يستر وتعيش نزلت كتير لازم نسيطر عليه
لم يتوقف صراخ خالد بالخارج طوال العملية وكان يبدو أن أكرم يحاول
السيطرة عليه بصعوبة
استمعوا بعدها لجهاز إنذار القلب ليركض طارق
: 200Clear..... Clear DC shock بسرعة
عاد القلب مرة أخرى ليزفر جميع من بالعمليات براحة
:لازم نوقف العملية الطفل مات وهي نزلت كتير
:النزيف لسه مستمر يا عايدة بسرعة هاتوا أكياس دم ثاني
قالها للممرضات ثم حقن ندى بمادة ما لتسألها عايدة باستفسار
:إيه دي
:حقنة وأرفارين
:إيه يا نهار أسود
:إيه
نظر لها طارق بتعجب
:أنت اتجننت تحقن مريضة هيموفيليا بوارفارين
:النزيف بيزيد يا دكتور
صرخت بها إحدى الممرضات بعد أن عادت بأكياس الدم
ثواني ليستمعوا لجهاز إنذار القلب
ركضت عايدة نحوها لتقوم بعمل الصدمات الكهربائية لكن دون جدوى
فالروح قد صعدت لخالقها لتتهافت عايدة بذعر
: ساعة الوفاة ١١,٥٥
عاد طارق بذاكرته للوقت الحالي
وهو يتذكر حالة خالد عندما علم بموتها نتيجة النزيف الحاد ليترك المشفى
من بعدها ويعيش مع ذكراها في حالة اكتئاب شديد

ولم يعرف أحد بحقته لها بتلك المادة حتى الآن سوى عايدة

كانت تتلقى جلسة جديدة في علاجها
كانت عيناها تدور في كل مكان بالمشفى بحثا عنه لم تراه منذ البارحة
هل اشتقت له؟

لا لا ليس اشتياق هو فقط ... تعود

نعم... نعم تعود

أريد فقط أن أطمئن أنه بخير

نعم هذا كل ما في الأمر

:خالد

هتفت بها وهي تراه يدخل عليها

لكن لحظة

هل ما بعينيه تلك دموع؟

لماذا؟

هل علم شيئا خطيرا عن حالتي

:مالك يا خالد

:أبدا ولا حاجة

:التحليل بتاعتي طلع فيها حاجة وحشة؟

لا رد

:خالد فيه إيه أنا هموت؟

:لا لا لا مستحيل مش هسملك تضيعي مني تاني يا ندى

صرخ بها دون وعي لنتظر له بتعجب

:ندى!!!

ثواني نظر لها دون وعي

ليعود مرة أخرى ويدرك ما قاله

:أنا أنا أسف عن إيدك

نظرت له وهو يرحل بصدمة

لتقع عينيها على حقيبة الهدايا التي كان يحملها وهو يدخل

اقتربت لتفتحها لتبتسم بتلقائية عندما وجدت بداخلها علبة ألوان وأوراق

رسم مع كارت صغير يحمل جملة أنستها كل ما قاله قبل قليل (إلى

فيروزتي الزرقاء).

لتبتسم بحب وهي تتحسس تلك القلادة برقبته والتي تحمل ذلك الحجر

«الفيروز الأزرق» لتدخل عليها الممرضة تخبرها أن الجلسة قد انتهت

أعطنى الناي وغن فالغناء سر الخلود
وأين الناي يبقى بعد أن يفنى الوجود

«القمر السابع عشر»

صباح الخير يا بابا
صباح الخير يا عريس
هي حورية لسه مصحيتش؟
صحيت وبتحضر الفطار
وماما فين؟
شرد بنظره دون رد ليتعجب سامح
بابا ماما فين؟
أمك قاعدة فترة كده في بيت جدك

بيت جدي!! ليه؟
كانت حورية تستمع لحديثهما في الخفاء
تظن أنها السبب في غياب زوجة عمها عن بيتها
كادت تبكي لشعورها بالذنب
هل ستكون السبب في دمار هذا البيت؟
البيت الذي طالما احتواها
ظلت تستمع لحديثهما بحزن
:أنا زعلت أمك أوي يا سامح
:أنا مش فاهم حاجة بابا قولي بصراحة ... جوازي من حورية هو
السبب؟
:لا يا ابني لا ده موضوع قديم ... قديم أوي كان لازم نتكلم فيه أنا وهي
من زمان بس هي فضلت شايلة جواها وساكتة وأنا جيت عليها أوي
تحب أروح أكلهما؟
:لا لا الموضوع ده لازم نحله أنا وهي سوا لوحدنا
:مممكن أروح أنا يا عمي
قالتها حورية وهي تقبل عليهما
نظر لها عمها بحب لیتجه وهو يقبل رأسها
لتردف هي
:أنا عارفة أنها مشيت بسببي وأنها زعلانة مني بس مش عارفة ليه
:يا بنتي أنتي ملكيش ذنب ... الذنب كله عندي أنا أنا اللي مكنتش واعي
لتصرفاتي كنت بجرحها من غير ما أحس
:طب قولنا يا بابا إيه الموضوع يمكن نقدر نساعدك
:أنتوا مش بتسمعوا الكلام ليه قولت أنا اللي ههل الموضوع وبعدين
فين الفطار يا ست حورية بقالك ساعة في المطبخ بتقطعي سلطة يا
عيني عليك يا ابني ربنا يستر على جيبك الفترة اللي جاية.
ابتسم الجميع لیتجهوا معا نحو طاولة الإفطار في جو يبدو عائلي وسعيد
على عكس عيونهم التي كانت مليئة بالحزن
كان كل منهم يحاول رسم ابتسامة مزيفة على وجهه تحمل معنى
لا تقلقوا كل شيء سيكون على ما يرام!!

كان يثور بمكتبه كالأسد الحبيس
نعم لقد استمع إلى حديثهما كاملا
لم يخطر بباله ولو للحظة أنه السبب بموتها

لم يتوقع أن تصل حقارتها إلى هذا الحد
يا إلهي ماذا أفعل؟

التقط هاتفه سريعا ليحدث شخصا ما
ألو:

خرجت من المشفى بعد أن تعافت تماما
رجعت إلى مكانها المناسب الشارع
كانت تسير بلا هدف حتى توقفت أمام أحد محلات الفضة
وقعت عيناها على شيء يلمع بشدة
توقفت أمامه وظلت تنظر له بشر!!
السكين نعم هو الحل
لكن كيف تحصل عليه؟!

:عم حليم وحشني يا راجل يا طيب

:أخبار عيادتك إيه يا واد يا أكرم؟

:أهو هانت هفتحها قريب

:مالك شكلك فيك حاجة

:أبدا بس بفكر

:في إيه؟

:مواضيع كده داخلة في بعض متشغش بالك أنا عايز ألعب ولا خايف

:تخسر المرة دي بقي

:شكلك أنت اللي بتحب تخسر هو الواد خالد اتأخر ليه؟

:زمانه جاي لعب اللعب

:دقائق وأقبل عليهما خالد ليشاركهم اللعب

اشتاق كثيرا لوطنه

سوريا الحبيبة

اشتاق لشوارعها بيوتها

اشتاق لذلك المكان الذي رآها فيه أول مرة

هي من كانت تذكره بوطنه لم يشعر يوما معها بالغربة

تولين كانت الوطن ... البيت الأهل

فقد كل هذه عندما فارقته

ليتخذ قرار لا يرجع فيه

:ممكن أعرّف بترسمي إيه من الصبح؟

:مجرد أفكار يا ماما

:طب خليني أشوفها

:مش دلوقتي يا ماما

:ماشني يا ستي براحتك

:أومال عابد فين

:نزل يجيب لينا أكل بدل أكل المستشفى ده

:مين بيحبيب في سيرتي

:قالها عابد وهو يتجه إليهما وييده بعض الأكياس

:لتسألها ريما بلهفة

:عابد مشوفتش دكتور خالد وأنت جاي؟

:لا ليه أنتي تعبانة؟

:لا لا أبدا بسأل بس

:جمعت أوراقها وأقلامها بملل لتضعهم جانبها بأحد الأدراج

:وفي عقلها يدور سؤال واحد

:أين أنت يا خالد؟؟

:أيعقل أن يكون قد أصابه الملل مني؟؟

:مر اليوم على شواطئ الإسكندرية

:كان صوت أذان الفجر يصدح عاليا بشوارعها

:تسير وهي تخبئ بين أزرع عباءتها ذلك السكين بعد أن سرقتة بأعجوبة

:وصلت تحت عمارته وهي تخطط لشيء ما

:تأكدت أن لا أحد حولها بالمكان تسللت خفية إلى داخل العمارة صعدت

:لأعلى حتى وصلت إلى السطح حيث يمكث من دمر حياتها ومستقبلها

:اقتربت من باب الغرفة بخفوت

:استطاعت أن تتسلل داخل الغرفة بحذر لتجده نائم بأريحية لا يحمل

:بضميره ذرة من الندم أو الشعور بالذنب

:لتخرج ذلك السكين من بين ذراعيها وترفعه لأعلى فيلمع نصله أمامها

:لتهبط بكل قوتها وتغرز السكين ناحية قلبه عدة مرات لتتأكد أن روحه قد

:صعدت لتتال جزائها على جرائمه التي لا تعد

:لم يتخذ الأمر عده ثواني كان عقلها غائبا عن الوعي لم ترى أمامها سوى

:الانتقام

أفاقت منه على يدها الملطخة بالدماء والسكين يستقر بقلبه ووجهها يملأه
قطرات الدم
لتجلس أرضاً وهي تضحك وتبكي بحرقه في آن واحد

كانت تستعد للذهاب إلى المشفى
اطمئنت على والدتها أولاً ثم تركت دوائها بجانبها
لتستمع إلى طرقات خفيفة على الباب
تعجبت لثواني
من سيأتي إليهما بهذا الوقت؟!
اقتربت عابدة لتفتحه حتى رأت آخر شخص تتوقع وجوده هنا
وضعت أمامه فنجان القهوة وهي ترحب به
ترحيب لم يخلو من التعجب
نورت يا دكتور أكرم
:متشكر يا دكتورة الوالدة أخبارها إيه دلوقتي؟
:أحسن بكثير من الأول الحمدلله
:ربنا يخليها لك ساد الصمت ثواني ليقطعها وهو ينظر أمامه
كان زي القمر
قالها وهو ينظر لصورة طفلها المعلقة أمامها على الحائط
:خير يا دكتور ممكن أعرف سبب زيارتك
:قالتها وهي تحاول أن تجمع شتات نفسها
فهي علي علم تام بأن أكرم بارع في اللعب بأعصاب من أمامه
وزيارته تلك بالتأكيد ورائها سبب عظيم
لكنه حقاً سيكون أحرق إذا استهان بذكائها
:بصي يا دكتورة عابدة أنا مش بحب ألف وأدور أنا جاي وعائزك في شغل
:عائزني معاك في العيادة يعني؟
:عائزك تعملي معايا بعض العمليات
:لا مش فاهمة وضح أكثر من فضلك
:كام عملية هنعملها سوا هتاخدي قصادها المبلغ المناسب
نظرت له بشك
:وضح كلامك يا دكتور أنت لسه قائل مش بتحب الف والدوران
:ماشى يا عابدة بصراحة كده وبوضوح هنتاجر في الأعضاء
اتسعت أعينها بفرع!!
ماذا؟؟!

ومن غير كلمة زيادة يا أكرم اتفضل اطلع برا
قالتها وهي تنهض من مجلسها وتشير إلى الباب إشارة منها على أن الزيارة
قد انتهت

ليقف وما زال يحتفظ بنفس بروده و يدس يده في جيب بنطاله وينظر إليها
من أعلى إلى أسفل
:غريبة مع إنك عملتيها قبل كده
:أفندم!!

:خلينا نلعب على المكشوف صدقيني هتوفري علينا وقت كثير.... أنا عارف
كويس بكل مصاييك أنتي وطارق اللي كانت من تحت لتحت
:أنا مش فاهمة أنت بتتكلم عن إيه؟!
:وماله أفهمك

اقترب منها ليجذبها من يدها بشدة ويضغط عليها لتئن هي بألم
ليضغط هو على أسنانه وهو يقترب من أذنها ليهمس بخفوت
:كل عمليات تجارة الأعضاء اللي عملتيها وكل واحد محتاج استغليتي
حاجته وأخديتي منه أعضائه مقابل ملايم أنا عارفه كويس وممكن في ثانية
أوديكي في داهية أنتي والبيه اللي كان معاكي
:مش هتقدر تثبت ده

:وتفتكري أكرم هيكشف ورقه قدامك وهو مش معاه اللي يثبت ده
قالها وهو يتركها ليتها ليحمل صورة ابنا من على الحائط ليقرب منها
تحت نظراتها الفزعة ليردف عاليا
:شايفة الصورة دي فاكرة اليوم ده فاكرة وقتها كنتي بتعملي إيه ؟
فاكرة ولا أفكرك؟

:بس يا أكرم
:فاكرة كنتي في العمليات بتعملي إيه؟
:قولتلك بس

يا إلهي
كفى عذاب إلى هذا الحد
تعلم جيدا أن موت ابنا عقاب من الله على ما جنت يديها
:إيه خوفتي من الحقيقة؟؟
:أنت عايز مني إيه؟
:عايز أعرف الحقيقة كلها
:حقيقة إيه؟

:يوم موتة ندى كنتي مع طارق في العمليات إيه اللي حصل؟

يبدو أن أكرم يعرف الكثير.... أكثر مما توقعت
وقد حان الوقت لنزع الستار من على الكثير من الحقائق
إيه.... سيكون حصل إيه يعني
قولتلك أول ما دخلت إني مش بحب اللف والدوران
محصلش حاجة سيكون حصل إيه
شكلك من الناس اللي بيحبوا الشوشرة والفضائح صح
لو فاكرك إنك كده بتهددني تبقى غلطان أنا خلاص مبقاش عندي حاجة
أخسرها

:عندك أمك اللي هتتصدم لما تعرف حقيقة بنتها
:أنت بتهددني؟؟

:أنا بحذرك باللي هيحصل لو ما نفذتيش اللي هقولك عليه
:موافقة من غير ما أعرفه

:يبقى ريحي نفسك واحكي
ظلت تنظر لصورة ابنها التي مازال يحملها حتى تلالآت الدموع بعينيها,
وهي تحكي بمرارة كل ما تعرفه عن تعاطي طارق للمخدرات منذ أن
تركته زوجته....يوم أن أعطى مادة خطأ لندى أثناء العملية ليداري عليها
بتقرير طبي يوضح موتها نتيجة نزيف حاد لم يستطيعوا السيطرة عليه
....تجارتهم معا للأعضاء دون علم أحد داخل المشفى.

:ده أنتم طلعتوا عصابة وأنا هوديكم في ستين داهية

:عايزني أعمل إيه يا أكرم؟

:شاطرة اسمعي بقى..

يوم آخر يمر عليها تستعد فيه للبحث عن ابنتها اتجهت نحو الباب لتفتحه
لتشهب بذعر عندما وجدت ابنتها ساقطة أرضا خلف الباب بيدها سكين لا
تعلم من أين جاءت به وجهها الشاحب وملابسها المهترئة
يا إلهي

ماذا فعلتي بنفسك؟

كريمة ... كريمة ردي عليا ... إيه الدم ده ردي عليا يا بنتي متوجعش
قلبي أكثر ما هو موجوع كريمة كريمة
كانت كريمة في حال لا يرثي لها
بعالم آخر تحاسب به نفسها على خطيئتها
ركضت والدتها سريعا نحو عيادة ذلك الطبيب
لعله يساعدها الآن في وضع ابنتها

ركضت وبعقلها إجابة واحدة على مظهر ابنتها و تدعو الله أن تكون خاطئة
بها

كانت عيناها تشرد ناحية الباب كل ثانيتين تنتظر أن يمر عليها في أي
لحظة كانت تريد أن ترد له الهدية بهدية أخرى من صنع يدها
ولم يخيب ظنها

ثواني ورأته يدخل عليها يبدو على وجهه الإرهاق
هتفت باسمه بلهفة لم تخفي عليه

خالد:

عامله إيه يا ريما؟

بخير الحمد لله مالك شكلك تعبان؟

شوية إرهاق بس من الشغل متشغليش بالك

ربنا يقويك شكرا على الهدية

هدية!!

الهدية اللي جبتهاالي نسيت

أه ... أه ... عجبتك

حلوة أوي ميرسي بالمناسبة استني

مدت يدها لتلتقط شيئا بجانبها

ليجدها لوحة صغيرة مرسومة بالرصاص يبدو أنها من صنع يدها

وما كانت تلك اللوحة غير صورة له وهو يبتسم

نظر للوحة بسعادة

أكثر ما جذب نظره هي تلك اللمعة الغريبة التي رسمتها بعينيه ببراعة لمعة

تركت عيناها منذ أن غابت ندى عن حياته

عجبتك؟

جدا

دي هدية مني ليك

بترديها ليا يعني

حاجة زي كده

ماشى يا ستي هدية مقبولة

أنت كويس؟

أيوه ليه؟

شكلك بيقول غير كده

تقدرى تقولي الفترة دي بحاول أبقي خالد جديد

وخالد القديم كان ماله
كان مستسلم لحاجات كثير
نظرت له تحاول أن تفهم معنى حديثه لكنه أردف
أنا هروح أمر على المرضى
كاد أن يرحل لولا أنها جذبت يده وهي تسأل بشيء من التوسل
هتيجى تاني؟
نظر لها بتشتت فلم يعد يفهم نفسه ولا مشاعره
لكنه ودون إرادة منه وجد نفسه يخبرها
عمرى ما هسيبك

أمس انتهينا فلا كنا ولا كان
يا صاحب الوعد خلى الوعد نسيانا
طاف النعاس على ماضيك وارتحلت
حدائق العمر بكيأ فاهداً الآن

«القمر الثامن عشر»

رحلت وأخيرا تخلص من تلك الورطة التي جلبها إلى حياته
طلق تلك الفتاة التي يقسم بداخله أنه نسي حتى اسمها
أخرجها من حياته بعد أن أدخلها في لحظة يمكن أن يسميها... ضياع
... حماقة لا يهم المسمى
المهم الآن هي أنه يحاول أن يلتم شتات نفسه للبدء من جديد
فقد أنهى أيضا كل ما يخصه في تلك البلد
من أعمال وأملاك وذكريات مشؤومة
لقد تركت جرحا لن يندمل أبدا...

مر أسبوعين كان بهم الحال على ما هو عليه
كانت أم كريمة تحاول أن تعرف ما حدث مع ابنتها
ولمن كانت تلك الدماء؟؟
لكن الإجابة دائما كانت لا رد
الإجابة الوحيدة كانت برأسها تخشى أن تصدقها
لكن أكثر ما كانت تخشاه أن بطنها ستبدأ في الظهور قريبا
ولن تتحمل نظرات وأسئلة كل من حولها
لتقرر الرحيل من هذا الحي نهائيا
لو كانت تستطيع لقتلت ذلك الطفل
لكنها تخشى عقوبة الله يكفيها ما حدث حتى الآن

كان قد اتخذ عهدا بينه وبين نفسه أن يتوقف عن تناول تلك الجرعات لكن
يبدو أن أعراض الإنسحاب بدأت في الظهور سريعا فقد كان يجلس بتعب
وتحت عيناه أصبح مظلما كقلبه تماما...
أنفه تسرب بشكل كبير ... يشعر بتنميل شديد بكل أنحاء جسده
دخل عليه خالد وهو ينهج بسرعة و يظهر الذعر على ملامحه
: طاررق
: في إيه يا خالد؟

نكس خالد رأسه أرضا بحزن وتلألأت الدموع بعينيه وهو يخبره

:أنا أسف يا طارق سامحني

نظر له طارق بتعجب

خالد يطلب منه السماح على ماذا؟!!

:حصل إيه يا خالد؟

:مقدرتش أنقذها عملت كل حاجة بس مقدرتش أنقذها كانت

بتنزف جامد مقدرتش أسيطر على النزيف

شحبت ملامح طارق بريية

عن يتحدث خالد؟

أي هراء هذا الذي يهذي به؟

:هي مين؟

:بنتك؟

تراجع طارق للخلف شعر بدوار رهيب احتل رأسه

:أنت بتقول إيه؟

:مراتك جت المستشفى في حادثة من ساعة وللأسف ملحققتش أنقذ البنت

اتسعت عين طارق بذعر لتشتغل بها براكين الغضب وهو يهتف بعدم

استيعاب

:بنتي بنتي أنا

:اهدى يا طارق أنا عارف إن الصدمة صعبة عليك بس ادعلها بالرحمة هي

دلوقتي في مكان أحسن

هجم عليه طارق بضعف ليقبض على تلايبب ملابسه وهو يصرخ بحدة

:أنت بتقول إيه أقسم بالله أنا لو اكتشفت إن بنتي حصلها حاجة لأوديكم

كلكم في داهية هطربق المستشفى كلها على دماغكم

كان خالد يجيد اللعب بمهارة على ذلك الوتر الحساس بالنسبة له

فطارق كان ومازال العاشق المتيم بزوجته والأب المثالي لابنته

على الرغم من سواد قلبه

ظل طارق يصرخ بفزع

أيعقل أن يعيد الزمن نفسه مرة أخرى!!

هل حان وقت الحساب في أي عزيز سيعاقب على أفعاله

كان يدعو الله أن ينال هو العقاب وليس ابنته

فلا ذنب لها بماضيه الأسود هذا

:لا لا لا أكيد لا مش ممكن يكون العقاب كده لا لا يارب لا أنا

المدنب مش هي عاقبني أنا وسببها

:اهدى يا طارق اهدى مش كده أنا عارف إن الصدمة شديدة عليك أنا مریت
بيها و عارف

:أنت السبب بتردلي اللي عملته زمان في مراتك
جيد..... هذا ما يريد الوصول إليه

فعند تلقي الصدمات يغيب العقل ويفصح اللسان دون قيود
:إيه اللي عملته في مراتي يا طارق؟

كانت أعراض الإنسحاب بدأت تشتد عليه مع صدمته برحيل ابنته
جعلته بحالة هذيان شديدة ليصرخ بغضب وكره لكل شيء حوله
:أيوه أنا اللي قتلت ندى أنا كنت السبب أن النزيف يزيد بسبب حقنة
غلط أنا اللي موتها يا خالد زي ما هموتك أنت كمان دلوقتي

كانت تشتد حالة الطوارئ على أبواب المشفى بالخارج الأمن يحاول
السيطرة على حالة الهرج التي سادت بالمكان ولكن دون فائدة
:إيه اللي حصل؟؟

قالها أحد الأطباء ليجيبه موظف الاستقبال
:عيلتين عليهم طار ضربوا نار على بعض والمصابين كثير
ركض جميع من بالمشفى للعمل
الأطباء تستقبل الحالات
الممرضات تجهز غرف العمليات
حتى أن المصاعد تم تجهيزها كغرفة طوارئ لاستقبال الحالات

:كده كله تمام تقدر تفتح العيادة وقت ما تحب
:شكرا يا منير لولاك مكنتش هقدر أفتح العيادة بسرعة كده
:متقولش كده يا أكرم احنا أخوات ... وإن شاء الله العيادة تكون فتحة خير
عليك

:يارب
رحل منير ليتأمل أكرم شكل العيادة بعد أن أصبحت جاهزة لاستقبال
المرضى
اقترب أكرم من إحدى النوافذ الصغيرة وهو ينظر للسماء "يا ترى عملت
إيه يا خالد"

:حقيقي يا طارق أنت كل مادا ما بتقل في نظري أكثر بس أنا مش
هسكت إلا أما أبلغ عنك واخذ حق مراتي منك

اتجه خالد للخارج عاقد العزم على أن يبلغ الشرطة عنه ويثأر لزوجته
ومعه الدليل
ذلك المسجل صغير المعلق بجيب البالطو الطبي الخاص به
لكن صوت تلك الرصاصة التي اخترقت جسد أحدهم شلت حركتهم جميعا

كانت تركض داخل المشفى بخوف تبحث عن أي أحد يطمئنها على حالته
رأت أخيرا ابنها يقف منزوي بأحد الأركان وبجانبه حورية يبدو عليهم
الحزن

:ماله منصور يا سامح أبوك حصله إيه حد يرد عليا
:بابا تعبان أوي يا ماما حورية دخلت عليه الأوضة الصبح لفته واقع
على الأرض

لم تستطع قدمها الصمود أكثر من ذلك لتجلس على أقرب مقعد أمامها
اقتربت منها حورية تربت على كتفها

:متقلقيش يا طنط عمي هيبقى بخير شوية تعب وهيروحوا
كانت عين عالية قد أغشاها الدمع لتردف حورية
:ارجعي يا طنط ده بيتك او عي تسيبيه مهما حصل
خرج الطبيب أخيرا وهو يعدل وضع نظارته ويتساءل
هو آخر مرة أخذ أدويته امتي؟

نظر الجميع لبعضهم دون رد ليردف هو

: ده واضح أنه ما أخدهاش بقاله كثير طيب على العموم هو اللي
حصل ده بسبب السكر واضح إن السكر بتاعه مش منتظم بقالة فترة وكمان
ما أخدش الأدوية ياريت نخلي بالننا الفترة اللي جاية أنا كتبتله على أدوية
تانية ونظام أكل معين ياريت نمشي عليه وأشوفه بعد أسبوعين عن إذنكم
انصرف الطبيب لنتظر عالية لابنها بعتاب

:أبوك آخر مرة أخذ الدواء كان امتي يا سامح لا رد عمك آخر
مرة أخذ دواه كان امتي يا حورية لا رد

اخس عليكم بقى أغيب فترة أرجع لأقي الدنيا كلها بايظة
:ماما من فضلك أنتي بتحاسبينا على حاجة أنتي السبب فيها

:سامح

صرخت بها حورية بحذر مما يتفوه
أما عالية كانت ناظرة له بصدمة

:أيوه يا ماما أنتي مشيتي فجأة وسبتي كل حاجة وراكي..... أنتي اللي
كنتي بتدي بابا الدواء أنتي اللي عارفة مواعيده ... أنتي اللي عارفة بيحب إيه

بيكره إيه لكن أنتي مشيتي وسبتي كل ده وراكي مفكر تيش حتى تسألني
هنعمل إيه متز عlish مني يا ماما لكن دي الحقيقة
نظرت له بصدمة كأنه قد عرى روحها أمامها
هي من كانت تهتم هي من كانت تعطي دون مقابل
هل أخطأت عندما قررت أن أرحل لأختلي بروحي
لأحاول أن أجمع شتات نفسي المحطمة
نعم لم أفكر بهم هل حقا كنت أنانية حين ذلك؟؟
لا لقد رحلت لأنني لا أشعر بوجودي بينهم أنا دائما مهمشة بحياتهم
والآن

ماذا هل شعرتي بقيمتك؟؟
مجرد رحيلك كاد أن يدمر الجميع
ألقت عليهم نظرة أخيرة لتتركهما وتتجه للداخل حيث يتمدد زوجها على
الفراش بتعب
كاد سامح أن يتبعها لكن يد حورية سبقته لئمنعه
لتخبره بعينيها أن يدعها ينفردوا بحديثهما قليلا
منصور

قالتها عالية بصوت مبوح من الألم
:عالية وحشتيني
:إيه اللي حصلك؟
:أعمل إيه بقى مهى الدكتوراة اللي بتأخذ بالها مني خلّيت بيا وسابنتي
:أنا عمري ما سبتك أبدا
:كذابة سيباني بقالك ١٨ يوم وساعتين وعشر ثواني
:ههههه ... أنت عددهم
:طبعا لأنك عمرك ما بعدتي عني بالشكل ده
:بعدت لما حسيت إنني ماليش لازمة في حياتك
ليهتف هو بخفوت
:أنتي كل حياتي يا عالية أنا من غيرك كنت عامل زي العيل
الصغير.....عالية

نعم:
لسه عايزة تطلقي
نظرت له بحزن حيث كان قلبها يصرخ بلا وجسدها يتجه نحوه ويحتضنه
احتضنها بقوة رغم إرهاق جسده ليقبل رأسها بحب
لم يحتاج لسماع الإجابة فجسدها هتف بأصدق إجابة يعرفها

مش هنقدر نوقف النزيف يا خالد الرصاصة واضح إنها وصلت للرئة
أنا خايف تكون أثرت على العمود الفقري لازم نوديه الأشعة بسرعة
وجهزوا العمليات

مر الوقت وكان الجميع يعمل بحذر شديد

:النبض والضغط

قالها خالد لتجيبه إحدى الممرضات

:١١٥/٦٥ والنبض ٧١

استمروا في محاولة إخراج الرصاصة دون خسائر بالحبل الشوكي

لتهتف إحدى الممرضات بحذر

:الضغط بينزل والنبض كمان ضعيف خالص.....معدل التنفس بيقل

وكمان نسبة الأكسجين في الدم

:زودي الأكسجين مية في المية وعايز حقنة أتروفين بسرعة

قالها المدير بحذر ليصدر جهاز القلب إنذار قوي دليل على توقفه

ليصرخ خالد

DC shock....250 clear:

300 clear:

350 clear:

clear 350: تاني

ليعود القلب أخيرا بعد صراع طويل ليلتقط الجميع أنفاسهم أخيرا

عاد الجميع للعمل مرة أخرى بحذر لتنتهي العملية بعد عناء شديد

ليختلس خالد نظرة أخيرة لجسد طارق الغائب أمامه ليحدث نفسه

" كنت أود لو أن أخذ بثأري منك الآن لكن عقاب الله لك عندما تستيقظ

وتعلم ما حدث سيكن أقوى بكثير"

كانت تنظر لحال ابنتها بحزن لقد بدأت بطنها تبرز قليلا

لكن جسدها أصبح هزيل اضربت عن الطعام كأنها بذلك تكفر عن ذنبها

حاولت والدتها أن تفهم سبب حالتها

على الرغم من وضوح الأمر أمامها

:لو تقوليلي بس يا بنتي إيه اللي حصل

:أخذت حقي يا أما انتقمت منه

:ربنا هو المنتقم الجبار يا بنتي

:ريحت الناس من شره

:عملتي إيه!!؟

:أخذ جزاه اللي يستحقه وأنا كمان هاخذ جزائي قريب

:ربنا سترك من اللي جاي

:بتقول إيه يا خالد؟

:والله يا أكرم زي ما بقولك الرصاصة سببت شرخ في فقرة في العمود

الفقري وضربت منطقة حساسة في النخاع الشوكي

:يعني طارق

:مش هيقدر يمشي تاني

:لا حول ولا قوة إلا بالله..... وأنت هتعمل إيه هتبلغ عنه

:هو أخذ جزاؤه خلاص في الدنيا وأنا خلاص رضيت بقدري

:قصدك إيه؟؟

:أنا هتقدم لريما

:وندى؟!!

:ندى معاها أجمل أيام عمري اللي راحت وريما معاها العمر اللي جاي

:حمدالله على سلامتكم يا خالد ..أخيرا

:شكرا يا أكرم

:على إيه؟

:أنت اللي سمعت كلام طارق مع عايدة في المكتب وروحت لعائدة البيت

وعرفت الحكاية كلها يعني لولاك مكنتش هعرف الحقيقة

:بس أنت اللي كملت الحكاية ومسكت عليه دليل كمان لما عملت حركة

موتة بنته دي

:أنت عارف يا أكرم صحيح أنا مش طايق أبص حتى في وش طارق لكن

الرعب والخوف اللي شوفتهم في عيونه وأنا بقوله بنتك ماتت خليتني أحس

بالذنب من نفسي أوي

:اللي زي دول حلال فيهم أي حاجة تحصل ليهم

:أنا بقول كده عشان مريت بنفس الموقف..... يوم موت ندى حسيت بنفس

الشعور اللي حس بيه طارق

:أهو أخذ جزاؤه

:لسه عائدة

:لا دي خلاص زمانها قدمت استقالتها من المستشفى ومش هتشوف وشها

تاني

:أهو ارتحنا خلاص من شرهم

:الحمد للهمستني إيه الحق ريما

رايح أهو وعقبالك يا بيه أما تلاقي واحدة تستحمل دماغك أو
تكسر هالك ونستريح
توشكر يا ذوق

كانت قد انتهت من جلسة علاج أخرى
أخبرها الطبيب أنها أوشكت على الانتهاء من الجلسات وتبقى لها القليل
كانت سعيدة بحق وازدادت سعادتها عندما دخل عليها بوجه مشرق
:خالد أنت كويس؟؟
:أيوه ليه بتسألني؟؟

ده كان فيه صوت رصاص بره وعرفت إن فيه ناس اتصابت ... إزاي ده
حصل

:متقلقيش خلاص الموضوع اتحل صحيح مبروك خلاص قربتي
تخلصي

:الدكتور قالك؟

:أيوه

:أنا مبسوطه أوي أخيرا هرجع لحياتي الطبيعية
:الحمد لله وارجع أنا أصحى بدري على صوت فيروز وريحة القهوة
ابتسمت لينظر لها بحب

وأخيرا يمكنه أن يعترف أنه أصبح يعشق جارة القمر
ريما ريما جارة القمر

عاشقة القهوة صاحبة حجر الفيروز الأزرق
معها استيقظ قلب خالد العاشق من جديد

:ريما أنا بحبك

نظرت له ريما بدهشه ممزوجة بالخجل
ليردف هو

:ريما أنا كنت شخص ميت شخص الظروف خلته يعيش بذنب هو
معملهوش عشان تيجي أنتي تغيري نظرتة لكل حاجة حواليه.....

تجوزيني يا ريما؟؟

:خالد أنت عارف أنت بتقول إيه؟

:عارف وواعي وفي كامل قواي العقلية

:خالد أنا مش هخلف

:أنا مش عايز غيرك

مش هتقدر تستحمل هنشوف ولاد أصحابك وقرابيك هيبقى نفسك يكون
أليك ابن يشيل اسمك زيهم
ريما أنا ميهمنيش كل ده
:لازم يهملك دي حياة هنعيشها سوا
:أنا هديكي فرصة تفكري مش عايز ردك دلوقتي
:أرجوك يا خالد
:أرجوكي أنتي فكري الأول أنا هسيبك دلوقتي وهجيبك تاني
تركها في صراعها الداخلي ورحل ليقع نظرها على تلك المحفظة
يبدو أنها سقطت منه دون وعي
التقطتها ليلفت نظرها تلك الصورة الصغيرة
ما هذا إنها أنا لحظة لا ليست أنا بل ... إنها تشبهني.....تشبهني
كثيرا
من تلك!؟؟

بعد مرور حوالي ثمانية وأربعون ساعة
كان طارق بهم مازال لم يتعدى مرحلة الخطر
:اهدي يا طارق اهدي
:او عى يا عايدة سيبيني مش أنا اللي أقعد على كرسي متحرك او عى من
وشي
كان يصرخ بهستيريا غير مصدق أنه أصبح عاجز عن السير
استمع خالد لصراخه ليدخل إليه سريعا بغرفة العناية
:طارق مينفعش كده أنت بتتذني نفسك أنت لسه خارج من عملية ووضعك
لسه خطر
:مش أنا يا خالد مش أنا اللي أقعد على كرسي متحرك زي العواجيز
..... لا أنا لسه بصحتي
:أفتكر إن ده عقاب من ربنا على أفعالك يا طارق
كان يقاوم طارق بكل ما يمتلك الآن من قدرة أن يحبس دموعه
فهو لم ولن يضعف أبدا
لكن ولسخرية القدر خائنه دموعه لتسير على وجنتيه بحرية
وينهزم هذا الأسد الشامخ
نظر له خالد بأسف على حاله ثم هتف بإحدى الممرضات أن تعطيه إبرة
مهدة بالحال
ليختلس نظرة أخيرة نحوه ثم تركه

يرى الآن حق ندى قد عاد
حتى لو لم تراه بعينيها لكنه على يقين أن روحها حوله الآن

يا إلهي البرد يبدو قارس اليوم
استيقظ خالد على الرغم من برودة الجو إلا أنه يشعر بنشاط غريب
اتجه لصنع فنجان القهوة المانو رفيقته بالأيام الأخيرة
لقد أصبح لديه الكثير من الرفاق منذ أن تعرف عليها
:أيوه يا أكرم أنت في العيادة طب أنا هيجيلك قبل ما أعدي على
المستشفى سلام
أغلق معه الخط ليتذكر أنه لم يصبح على جارتة الجديدة كعادته اتجه إلى
حاسوبه الشخصي ليضغط على بعض الكلمات ويرفع الصوت عاليا
فيملأ صوتها الملائكي المكان..

نسم علينا الهوى من مفرق الوادي
يا هوى دخل الهوى خذني على بلادي

«القمر التاسع عشر»

يجلس بغرفة الكشف داخل عيادته الجديدة التي افتتحها مما يقرب إلى
أسبوع واحد فقط
رغم تلك المدة البسيطة إلا أنه يشعر أن قرار استقالته من المشفى كان أكثر
القرارات صوابا في حياته
:دخل يا حسن الحالة اللي بعدها
:حاضر يا دكتور

لتدخل عليه فتاة سمراء بشعر أسود قصير وشففتين كحبات التوت وعينين
واسعتان وأنف صغير
كان جمالها مميز بحق
نظرة واحدة منه إليها كانت كفيلة بأن تحدث اضطراب شديد بقلبه
صوت إنذارات العقل يصدح عاليا برأسه قبل أن يتهور القلب
احترس يا أكرم ... لا مزيد من الحماقات مرة أخرى
تعقل لا تقع بنفس الخطأ مرتين
ليهتف بطريقة عملية حادة
:اتفضلي ... بتشكي من إيه؟

أخذت تبكي على حال ابنتها
بعد أن أخبرها الطبيب بخطورة حالتها وإن عملية الولادة لن تكن هينة أبدا
الغريب أن ابنتها بعد أن سمعت بحالتها تلك ابتسمت ولم تكثرث لأي شيء
لقد أصبحت زاهدة بالحياة بشكل مخيف
رفعت أم كريمة يدها بضعف إلى الله وهي تبكي تدعوه أن يسامحها ويغفر
لها ذنبها

منذ أن رأت تلك الصورة وبعقلها تدور آلاف الأسئلة
كاد الفضول أن يقتلها تود لو أن تعرف من تكون
وكيف للشبه بينهم أن يكون مخيف لتلك الدرجة
:وأنتي يهكم في إيه تعرفي مش قولتي إنك هتفضي طلبه
قالها عابد لتنظر له بحيرة ليردف
:أنتي بتحبيه ولا لا؟
ذلك السؤال نفسه الذي تسأله لنفسها كل دقيقة ... لا بل كل ثانية تقريبا
ولا تجد له إجابة
ما هي حقيقة مشاعرنا نحوه؟
أهي احتياج تعود حنين أم حب!!!
أم يا ترى كل هؤلاء؟!
:صدقني يا عابد مش عارفة أنا بسأل نفسي السؤال ده كل يوم ومش
بلاقي إجابة
:يبقى جربي تبعدني
:أبعد؟؟
:أيوه البعد هيفهمك حقيقة مشاعرك

:خالد متستهبلش أنت عارف كويس إني مرحب جدا بالموضوع ... لكن
شغلك في المستشفى هيضيف ليك كتير
:وأنا خلاص تعبت صدقتي كده أحسن
:يعني أنت خلاص أخذت القرار
:وفاضل التنفيذ
:لكن أنا مش معاك في الخطوة دي
:ادعيلي أنت بس
:فكر كويس يا خالد متتسر عش
:حاضر يا أكرم
قالها خالد ثم ودعه ورحل ليجد أكرم نفسه يفكر في تلك السمراء التي
جعلت قلبه الخائن يخفق مرة أخرى
نفض تلك الأفكار سريعا من رأسه بضيق ثم اتجه ليكمل عمله

طرقات خفيفة على الباب لتجده يدخل بعدها بوجه مشرق ومبتسم جعلها
تنسى ألمها وتبتسم تلقائيا
:عاملة إيه النهاردة؟
:بخير خلاص هانت
:إن شاء الله تخلصي على خير ها فكرتي
:قبل ما أجابك بس كنت عايزة أديك دي
مدت يدها إليه بمحفظته ليلتقطها بلهفة
:ياااه هي كانت معاك ده أنا قلبت عليها الدنيا
:وأنا بمسكها بالصدفة وقع منها دي
مدت يدها له بصورة ندى
ليزرد ريقه بتوتر لتردف
:صورة مين دي؟
:دي دي ندى
:ندي؟!
:مراتي
:إيه!!
:الله يرحمها
:ماتت
:من ٦ شهور
نظرت له بحيرة

:وأنت حبيبتني عشان شبهها

:حبيبتك عشان ريما

:ولو أنا مكنتش شبهها كنت برضه هتحبني

أجابها سريعا وبدون تفكير

:أيوه

:طب فكر قبل ما تجاوب

:عشان دي الحقيقة

:لو كنت بتحبني مكنتش هتفضل محتفظ بصورتها معاك

عشان مقدرش أنساها

نظرت له بتعجب ليرد

ندى عشت معاها ٥ سنين من عمري مرينا بذكريات حلوة وصعبة كثير

هي جزء مهم في حياتي مقدرش أنساها بسهولة يا ريما أنا

: أنت إيه يا خالد؟؟

: أنا بحبك

: بص في عيني وقول إنك بتحبني عشان مش عشان شبهها

ظل يحاول أن ينظر إليها ويثبت لها عكس ما تتوقع

لكن قلبها وعقلها كانا يحولان دون ذلك لترد هي

:مش قادر تتصور إنها مش موجودةوأنا مقدرش أكون بديل

:أنتي مكبرة الموضوع

:أنت اللي مش عايز تشوف الحقيقة يا دكتور أنت عمرك ما حبيبتني أنت

شايف ندى فيا وقت ما تحبني هتنسى ندى

:ريما أرجوكي

:أرجوك أنت ابعدي عني وسيبني في حالي خلي اللي بنا ذكريات حلوة

جمعتنا سوا

:هتعرفي تبعدني

:أوقات بنبعد مش عشان عايزين نبعد بس عشان مفيش فائدة إننا نفضل

قريبين

:أديني فرصة أثبتك إني بحبك

:أنت مش عارف حتى تثبت لنفسك إنك بتحبني

نظر لها خالد لثواني يحاول استيعاب ما قالت لينظر لصورة ندى التي بين

يديه بتشتت ثم لريما مرة أخرى

لترد هي بحزن

:سلام يا خالد

رحل خالد ليس من الغرفة بل من المشفى بأكملها
بعد أن قدم استقالته تحت أنظار المدير المتعجبة من قراره
عاد خالد إلى منزله يجر خيبة أمله
لينظر إلى صورته بالمرآة
ربما مازال القلب يحتاج للكثير من الوقت حتى يتعافى من انكساراته

عاما
عاما واحدا فقط كان كفيل أن يغير الكثير
الأشخاص الأماكن حتى نفوسنا
يقف بتوتر أمام غرفة العمليات
يأخذ الممر ذهابا وإيابا وهو يدعو الله أن تلد زوجته على خير
لتضيف إلى عائلتهما الصغيرة فردا جديدا يملأها سعادة وفرح اشتاقوا
إليهما

يا ابني اهدي مراتك إن شاء الله هتطلع بالسلامة
يا رب يا بابا يارب
إن شاء الله يا حبيبي حورية هتقوم بالسلامة
اقترب من والدته وهو يحتضنها
ثواني لتتعالى أصوات بكاء الصغير أرجاء المكان
لتخرج الممرضة وهي تحمله بحذر
ألف مبروك بنت زي القمر
كان منصور هو أول من حملها وهو ينظر لها وقد أغشت دموع الفرح
عيناه

هتسموها إيه؟
قالتها الممرضة ليجيب سامح ووالده بنفس اللحظة
عالية:
نظرت لهما عالية بحب وقد بدأت الدموع تسيل على وجنتيها وهي تحمل
الصغيرة وتقبلها
للدعو الله بداخلها أن يديم عليهما تلك السعادة

بحديقة واسعة مليئة بالحضور وتحت تصفيق الجميع بعد سماعهم المتحدثة
الرسمية وهي تعلن
وهلا بنرحب كلنا بالوجه الإعلامي الجديد لشركتنا نرحب جميعا بتولين
الحداد

لتصعد تولين بكل رشاقة
اخترق الاسم أذنيه لينظر بصدمة لتلك التي تصعد الآن على المسرح
يا إلهي إنها هي
عاما عاما كاملا لم تغب عن باله لحظة
لا ليس باله فقط بل لم تغب حتى عن روحه
لقد ازدادت جمالا وإشراقا
نظر لها ونظر لنفسه لتصدر منه ضحكة سخرية على حاله
لقد أصبحت هي أكثر إشراقا ونجاح
أما هو هزيل شاحب أصبح يفرط في الشراب
حتى عمله دائما على المحك
انتهت من كلماتها التي ألقها على الحاضرين بسعادة كانت على وشك
الرحيل
إلا إنها انتبهت بهتاف أحدهم باسمها بلهفة
التفتت للصوت لتتسع عينيها بصدمة
يزيد!!

يا إلهي مستحيل لقد تغير كثيرا
للهولة الأولى لم تتعرف عليه
كيفك تولين؟

بخير أنت كيفك؟

مو منيح أبدا

كانت عيناه دليل كافي على صدق جملته
لكن برود صوتها كان أيضا كافي على أنها قد أسقطت فترة زواجهما معا
من حساباتها

ليش شو صار؟

:أشيا كثير صارت بعد ما رحتي..... اشتقت إليك كثير تولين

صمت طويل خيم عليهما حتى هتفت هي بخفوت

:ليش وصلت حالك لها الدرجة؟

:ليش!! سؤال كثير صعب ليش روحتي وتركتيني

:يزيد بترجاك ما بدي احكي بالماضي

:بس تعرفي أنا مبسوط كثير لا إليك

:أنا اتغيرت كثير وقويت ونسيت ها الفترة من حياتي أنت كمان لازم
تنساها

:بتصدقني إني حاولت وما قدرت

راح تقدر أنا واثقة

صح بقدر ...عندك حق

قالها بنبرة تحمل الكثير من السخرية على حاله

التفت الاثنان لصوت أحدهم

تولين حبيبتي وين كنتي؟

تبادل ثلاثتهم النظرات بتشتت حتى قطعنها تولين

شادي هاد ااا...

أنا يزيد رفيق قديم لتولين

أهلين كيفك وأنا شادي زوجها لتولين

ماذا!!!؟

زوجها لقد ظنه مجرد صديق أو حتى حبيب

لكن زوجها ...

أحمق يا يزيد ماذا كنت تظن أن تنتظرك و عندما تعود تقابلك بالأحضان

هل كانت تولين تحبك يوما من الأساس؟

أما هي فرغم شعور الشفقة والحزن الذي تشعر بهما الآن على حاله

إلا أن شعور غريب بالنشوة والانتصار ملأ قلبها

ليس من ناحية يزيد بل ناحيتها هي

تشعر الآن بالقوة أنها استطاعت أن تتخطى مرحلة مؤلمة من حياتها

أما هو فقد أقسم داخله أنه سيقتلع حبها الذي تفتش بقلبه كالسرطان من

جذوره

ودعهم ليختلس هو نظرة أخيرة نحوها تحمل الكثير من الوداع لتقابلها هي

بنظرة تحمل الكثير من القوة

وقد كانت على علم تام أنها آخر مرة ستراه بها

كانت تراقبها تلك العجوز من بعيد

تقف مختبئة خلف أحد الجدران كان السواد يغطيها من رأسها إلى أخمص

قدمها

تراها من بعيد وهي تلعب مع ذلك الصغير

ريما يا ريما

أيوه يا ماما

كانت تحمل ريما ذلك الصغير في سعادة

شعور غريب بالعوض اكتسحها منذ أن رآته متروك أمام باب منزلها ومعه

ظرف صغير يطلب منها أحدهم أن تعنتي بهذا الطفل كابنها

لا تعلم حتى الآن لمن ذلك الطفل لكنها شعرت أن الله يعوضها عن حرمانها من الإنجاب بهذا الطفل.

أصبحت تعتني به أكثر من أي شيء آخر حتى أنها لا تسمح لأحد أن يقترب منه أو يهتم به غيرها:
كنتي فين كل ده؟

كنت في الكوافير يا ماما إيه رأيك مش شعري طول شوية
زي القمر يا حبيبي يلا هاتي سيف وروحي اقفي مع الناس في المرسوم
بيسألوا عليكي

حاضر بس خلي بالك من حبيب ماما الصغير ده
حاضر بس يلا روعي بقى

اتجهت ريما تقف مع بعض الزوار لتحمل والدتها هذا الصغير سيف كما
أطلقت عليه

كانت تتابعهم تلك العجوز من بعيد وهي تتذكر ابنتها كريمة التي ماتت وهي
تنجب ذلك الصغير

ليمر أمامها مشهد موت ابنتها ثم حملها لذلك الصغير وهي تتركه أمام منزل
ريما

لتعلم بعدها بأيام أن ريما قد أخذت الطفل وتركت المنزل لتنتقل إلى مكان
آخر

بحثت عنها كثيرا حتى وجدتها لتعلم بعدها أن اختيارها لريما أن ترعى
الطفل كان الصواب

فريما أصبحت ترعى الطفل كابنها

لتأتي هي كل فترة تختلس إليهم بعض النظرات لتطمئن على هذا الصغير
ثم ترحل.... كأنها لم تكن

يجلس الاثنان سويا بوقت الراحة بعد أن تشاركا معا العيادة

كان يحتسي كلا منهما قهوته

وبعد القليل من الصمت فجر أكرم قنبلته

خالد:

ها:

خلود:

ها:

أبو الخولد صاحبي

هبيت إيه يا أكرم

:عيب عليك أنا برضه أهيب حاجة قبل ما أقولك أنا لسه ههيب
:إيه؟

:أنا قررت أتجوز

:مين اللي أمها داعية عليها

:فرح

:فرح مين؟

:فرح يا خالد

:المريضة اللي عندك؟!

:هي بعينها

:أنت اتجننت دي أصغر منك ب ١٥ سنة

:مش بالسن يا خالد

:لا وحياة أبوك الكلام بتاع العيال ده مش هيليق عليك أنت بتهزر صح

:لا أنا بتكلم جد وأوي كمان

:أنت واعي للي بتقوله أنت هتاخذها تربيها مش تتجوزها

:خالد

:يا أكرم أنت صاحبي وأخويا ولازم أنبهك اللي بتعمله ده غلط و

وهتندم عليه..... وبعدين تعالى هنا حبتها امتي

:أنا محبتهاش

:وحياة خالتك

:صدقني دي الحقيقة

:أومال هتتجوزها ليه

:عشان ده اللي المفروض أعمله دلوقتي أنا مش هفضل عايش لوحدي

:طول عمري

:دي أنانية

:ده حقي

:ومفكرتش فيها هي لما أنت تكبر هي هتكون عايزة واحد من سنها تعيش

حياتها معاه مش تكون ممرضة ليه

:بس هي بتحبني

:وأنت استغلّيت الحب ده لمصلحتك تبقى أنانية

:أنا من حقي يكون ليا بيت وأسرة

:مش على حساب الحد الثاني الله يرحمك يا عم حليم لو كان عايش

كان ادالك قلمين يفوقوك ويا ترى بقى هتعرف تعيش معاها من غير حب

هتقدر تفهمها وتفهم دماغها دي طفلة بالنسبالك

:الحب مش كل حاجة

:هو لمجرد إن قصة حب فشلت زمان عايز تبوظ كل حاجة دلوقتي

:خالد أنا مسمحكش

:سنة عدت غيرت فيك كتير يا أكرم

:خليتني أفوق من وهم كنت عايشة

:الحب مش وهم

:الحب لعنة

:أنت مش واخد بالك إنك هتعمل مع فرح نفس اللي عملته حورية معاك

زمان

نظر له أكرم بعين متسعة وهو يستوعب

ماذا!!!.....

لا لا هو ليس بتلك الحقارة ولن يكن

أنها أرق وأضعف من أن يحدث بها ذلك

هي رقيقة كقطرة ندى على أوراق زهرة تتفتح صباحا مقبلة على الحياة

وضعيفة كورقة شجر بفصل الخريف تحاول جاهدة بكل قوتها الهشة أن

تتماسك وتصارع الرياح لتكن النهاية الحتمية هي سقوطها لا محالة

ليفق هو على سؤال خالد المفاجئ

:أكرم أنت حبتها؟؟..... (ساد الصمت لدقائق) حتى لو لا أنا متأكد

إن فرح هتخليك تحبها عن إذناك بقى

:رايح فين

التفت له خالد في صمت حتى هتف بشوق

:مشوار كان لازم أعمله من زمان

رحل خالد تحت أنظار أكرم المتعجبة ثم اتجه إلى هاتفه يحادث تلك

السمراء التي شغلت تفكيره منذ أن رآها

يعلم جيدا أن خالد محق

لكنها الوحيدة التي أحيت بداخله مشاعر غريبة كان قد تناساها منذ فترة

كان لقائهم أول مرة لا يتعدى الثواني شعر بعدها أن قلبه أزهر لمئة عام

لدرجة أنه عاد مرة أخرى إلى هوايته المفضلة ليجد نفسه يمسك بقلمه وبعد

الأوراق ليبدأ برسم ملامحها الفريدة

بالمقابر المكان الأصدق على وجه الأرض

يجلس خالد ولأول مرة أمام قبرها يتذكر بحنين كل ذكرياته معها وهو

يحدثها

عارفة آخر مرة جيت هنا امتى وقت الدفن مقدرتش أجي بعدها
تاني ... دايمًا كنت بنكر إنك خلاص مشيتي كنت دائمًا أقول هي راحت
مشوار وراجعة ... بس مشوار طويل شوية كنت واخذ عهد على نفسي
إني يوم ما أجي هنا يكون هو اليوم اللي تقبلت فيه الأمر الواقع وإنك
خلاص سيبتيني وأنا دلوقتي خلاص قبلت بالأمر الواقع ده وجيت
عشان أقولك إني هبدأ حياتي من جديد وإني هرجع أحب وأعيش لكن
عمري ما هنسى الأيام الجميلة من عمرنا اللي عشناها سوا هتفضلي
ذكرى حلوة جوايا أنتي أكيد عارفة إن ربنا أخذلك حقك طارق بقى
عايش على كرسي متحرك صحيح مراته وبنته رجعوا ويمكن دي
الحاجة الوحيدة اللي مهونة عليه اللي هو فيه هجيلك تاني والمرة اللي
جايه هيبقى معايا حد عايز أعرفك عليه....
قام من مجلسه ثم نفذ عنه بعض الأتربة
واتجه ليبدأ حياة جديدة

لن ينسى ندى وكيف ينساها وبعضهم لا يرحل أبدا يبقى أثره في القلب لا
يطويه النسيان

خرج من المقابر متجها إلى ذلك المرسم مرت سنة لم يمر بها من هنا قط
حتى بعد أن نقلت محل إقامتها هي وعائلتها و بعد أن انتهت فترة علاجها لم
يفكر أن يعرف عنها أي شيء
كان قد قرر البعد ليعرف حقيقة مشاعره
لكن الحقيقة أنها لم تغب عن باله ولو للحظة واحدة
اتجه للداخل ليقع عينه عليها أول شخص
لقد طال شعرها قليلا وامتألت بعض الشيء
اقترب منها وهي تمرح مع هذا الطفل ليهتف باسمها
ريما

التفتت لتتسع عينيها بدهشة

هل هو حقا هنا !!

:خالد!!

هتفت بها بشوق

سنة كاملة.... حاولت بها أن تتعرف على حقيقة مشاعرها نحوه
ظنت أن مجرد بعدها عنه أو حتى نقل محل إقامتها ستتخلص من كل
ذكرياتها معه لكن قلبها الخائن رفض النسيان ليغلق أبوابه على تلك
الذكريات الغالية

:أصلك نسيته حاجة معايا جيت أديها لك

مد لها يده بتلك الكوفية الزرقاء القصيرة
والتي كانت رابط لأول تعارف بينهم.... واليوم سبب عودتهما
كم أصبح لتلك الكوفية مكانة عالية عند كليهما

:جاي ليه يا خالد

:قولتيلي قبل كده إن أوقات بنبعد عشان مفيش فايده إننا نفضل قريبين ...
وأنتي بعدتي سنة كاملة ياريمما بس أنا مقدرتش فيهم أنساكي يوم واحد

أنتي سكنتي روعي يا ريمما

نظرت له بحب وقد أغشى الدمع عينيها

لتهتف بلوعة

:ولا أنا نسيتك

:شعرك طول

تحسست أطراف شعرها لتبتسم

:ههههه شوية

:طب إيه

:إيه

: نبدأ من جديد

:سوا

:لحد آخر العمر

ليستمع الاثنان لصوت لحن مميز يعلو بالمكان
نظر الاثنان خلفهما ليجدوا عابد يجلس على مقعد البيانو وهو يعزف وعلى

مقربة منه تقف إحداهن وهي تنظر له بإعجاب

مد خالد يده لريمما ليتشارك معها الرقص على تلك الألحان

لينظر لهم جميع من بالمكان بإعجاب وهما يرقصان ببراعة

ليملأ المكان تلك الألحان التي لم تكن سوى لجارة القمر

شو كانت حلوة الليالي

والهوى يبقى ناظرنا

وتجي تلاقيني وياخذنا بعيد

هدير المي والليل

لكل قمر حكاية والحكاية لم
تنتهي بعد

تمت بحمد الله

٢٠٢٢/١٢/٨